









The text in this image is extremely faded and illegible. It appears to be a single page of a manuscript, possibly a letter or a page from a book, written in a cursive script. The ink is very light, and the paper shows signs of age and wear.


LAVRENTII
GAMBARAE

BRIXIANICA

RERVM. SACRARVM
Libri Tres.

IDYLLIORVM
LIBER. VNVS

EDITIO. COPIOSIOR



ROMAE, Apud haeredes Antonij Bladij.
Impressores Camerales. 1577.



BIBLIOTHECA MUSEI ROMANI
116. Mon. di S. Pudenziana de P.

68. 43. A. 57.

IACOBVS PACTVS

Siculus Mamertinus

AD LAURENTIVM

GAMBARAM.

Falsd olim sacros dixerunt seculi vates
Impia; qui turpes, qui res ceciacre profanas :
Fictaq; carminibus celebrarunt numina vanis
At tu Cælicolas toto qui pectore, Patremq;
Aeternū celebras per sacra hæc carmina; verè
Es sacer; æternamq; mereris Gambara laudem.

*Si quid imprudenter fortasse dixero,
quod ab Ecclesiæ Romana doctrina, vel
consuetudine sit alienum, id præter animi
mei sententiæ dictum, indictum esse uolo :
meque, scriptaque mea eiusdem Ecclesiæ
iudicio, & correctioni subijcio.*

Laur. Gamb. Brix.

*Libellus presentis ab eadem, H. A. M. C. I.
5722. in eadem, Brixia.*



LAVRENTII GAMBARAE
BRIXIANI

RE RVM SACRARVM

Liber Primus

ARGVMENTVM.

Precatur Deum, vt sibi adsit res sacras scri-
benti iussu Alexandri Cardinalis Farnesij.

Svmme Pater, qui Cælū ingens, terramq; creasti,
Et Solem, Lunęq; globum, fulgentiaque astra;
Formastique hominem ex limo; cui subdere visum
Cuncta fuit, quæ terra creat, quæque educat æquor;
Et quæ pascuntur virides animalia siluas.
Tu rege me ignarumque viz, rerumque sacrarum;
Vt laude insigni possim super æthera terre;
Qui Christi ob nomen pœnas subiere, necemque,
Teque mihi canere immensi da conditor orbis;
Vnigenamque tuum, & vestri modo huminis auram.
Inclyte Alexander Farnesi, haud vltimus inter
Purpureos animi virtute, & sanguine patres,
Decurre hunc vna mecum (tuâ iussu) laborem;
Qui non, vt quondam, nautas, victosque gigantes,
Venantesq; viros siluis, Moschumque, Bionemque,
Et falç mutata nouas in corpora formas;
(Tradidimus sepulchris quæ sponte poemata flammis)
Sed templi media positis testudine carmen
Aeterno meditor Patri, rerumque parenti.
Vos verò dilectæ olim secedite Nymphæ;
Tercentumque Ioues, & numina falsa valete;
Cumquæ tuis calamis valeas ô semicaper Pan;
Fluminaque alta tuis valeant celebrata poetis;
Et vestro Musæ comites vos addixit Phæbo.

Non ope Pieridum indigeo, nec Apollinis aura.
Christus erit nostri princeps, & carminis auctor.
Carminibusque deos vatum de more, deasque,
(Quos gens prisca olim coluit, gens inscia recti)
Insequisse meis, ultro me poenitet; & tor
Ocia me incassum quondam triuisse canendo.
Nunc veniam supplex oro: tu parce precanti
Ob nomen Pater alme tuum; culpamque remitte;
Atque tui cape primitias, fructusque coloni;
Quod tota nunc mente petit; nunc dirige nostras
Per pelagus Pater alme vias: da sistere portu
Naufraga vela; volensque tuo nos numine serua.
Nanque vides quantis terra, pelagoque periclis
Iactemur, quanti nunc sint toto orbe tumultus.
Perque vrbes Latias pestis sœuissima serpit:
Et secum fert exitium, secum improba sœuam
Mortem homini, cladem pecori, rebusque ruinam.
Et nisi succurras nobis, iam plura vacabunt
Tecta viris; & erunt vacui cultoribus agri:
Nos alias miseri longè mirabimur oras.

Parte alia angusti feruet maris Hellesponti
Vnda; & arenosum prætexunt mille triremes
Littus: & excidium nobis, stragemque minantur,
Cû Zephyri flabunt aura: tu has Christe profundo
Merge rates; cum proscindunt freta feruida cursu;
Atque iter in Latium multo cum milite tendent.
Nam canimus te præsidium, præsensque fuisse
Robur, in Ionio dum ponto fregimus hostem,
Hostem animis nimium fidetem, & puppibus æreis:
Victoresque domum, & læti spolia ampla, ducesque
Rettulimus: da quod populus tuus insuper orat
Et petit; vt post hac nunquam se iactet amarus
Hostis pugnando terra vicisse, marique:
Dicat & insultans. Deus illos liquit, & ultra
Illius non dextra tegit, nec pugnat. at omnem
Is mariam posthac primo in certamine classem,
Armaque, pugnaresque viros vasto obrue ponto.
Instructæque iuuent illum non mille triremes,
Bellantum non mille acies: sed victus in armis
Occumbat; tingatque suo freta salsa cruore.

INDEX

INDEX

RERVM. SACRARVM

LIBER PRIMVS

Proœmium.

In diem Annunciationis B. Mariæ Virginis.

pag. 1.

In Visitationem B. Mariæ. 3

In Natalem Domini. 6

In Epiphaniam. 10

In Sanctos Magos. 14

In purificationem B. Mariæ Virg. 15

Fuga Christi in Aegyptum. 17

Innocentium cædes. 20

In Innocentes. 23

In Ieiunium Christi. 25

In Transfigurationem Domini. 26

Fletus Christi super Hierusalem. 29

In Christum in Crucependentem. 31

In Christi Resurrectionem. 33

In Ascensionem Domini. 34

In diem Pentecostes. 37

Iudicium extremum. 39

LIBER SECVNDVS.

Aliqua ex testamento veteri.

In mundi creationem. 44

Luctus Dauid super Saule. 48

Precatio Dauid post adulterium & Uriæ necem. 51

Hebræi Babylonicam captiuitatem deplorant. 54

In duritiam cordis Iudzorum.

In Aliquot sanctos.

In Assumptionem B. Mariæ Virg. 59

Laudes B. Mariæ Virg. 63

In Laudes B. Mariæ Virg. 66

In S. Michaelē Archangelum . 69
 In S. Ioannē Baptistā . 70
 Precatur Deum sub persona Ioannis Baptistæ . 74
 In S. Petri vincula . 75
 In S. Paulum Apostolum . 77
 In S. Laurentium Martyrem . 79
 De SS. Faustino, & Iouita Martyribus . 81
 In S. Albanum Martyrem . 84
 In S. Hieronymum . 87
 In S. Antonium Abbatē . 88
 In S. Benedictum Abbatē . 90
 In S. Mariam Magdalenam . 92
 In S. Caterinam Martyrem . 94
 In S. Margaritam Martyrem . 97

LIBER TERTIUS.

Miracula aliquot.

Arbor infante Christo incuruata . 104
 Mirifica herba vis Christi statuam contingen-
 tis . 105
 Hebræus puer incendio liberatus . 108
 Baculus Gregorij Episcopi in arborem . 112
 Numi in rosas . Rosæ in nuntios . 114
 Esculenta in lapides conuersa . 116
 In Turcas .
 In direptionem urbis Nicoliz . 118
 Pro classe nostra in Turcas itura . 120
 Pro sacra classe contra Turcas . 122
 Gratiarum actio pro victoria . 123
 In Regem Turcarum post amissam classem . 128
 Pro classe nostra in Turcas eunte . 130
 Ad aliquot amicos .
 Ad Anselmum Polam Earuſinum . 135
 Ad Anselmum portulacum Brixianum . 136
 Ad Ioannē Baptistam Dionysium . 137

I N D E X

IDYLLIORVM

- 1 **D**icat Deo hæc carmina.
- 2 Dicit se Deum laudaturum, & sceleratorum commercia vitaturum.
- 3 Deum rerum omnium conditorem celebrat.
- 4 Omnes beatorum cœtus Dei laudes concinunt.
- 5 Orat Deum, vt suas preces audiat.
- 6 Deus malos perdet, bonos tuctur.
- 7 Orat Deum, vt sibi faueat: Hebræorumq; impietatem detestatur.
- 8 Deum orat, vt sibi peccata remittat.
- 9 Ne ingrati simus in Christum, qui tot in nos beneficia contulit.
- 10 Orat Deum, vt se adiuuet.
- 11 Deum precatur, vt nos respiciat.
- 12 Precatur Deum, vt nos à peste, & locustis liberet.
- 13 Deus bonis fauet, malos deprimit.
- 14 Deum rogat, vt se adiuuet.
- 15 Deum precatur, vt ipsum à maligno hoste tueatur.
- 16 Infelix malus, felix bonus. In Deo spes ponenda est.
- 17 Deus spem in ipso ponentes nunquam deserit.
- 18 Deus bonos protegit, malos perdit.

- 19 Deplorat proxime præterita mala: & gratias agit Deo de pace .
20 In eos, qui pœnitentiam differunt .
21 Peccatorum cōfessionem non differendā .
22 In Deo spes reponenda; non in diuitiis, aut honoribus .
23 Beati, qui habitant in domo tua Domine .
24 Deus amandus; non diuitiæ, aut honores, .
25 Beatus, qui diuina seruat mandata .
26 Rogat Deum, vt sibi ignoscat .
27 Dicit se amare cælestia; terrena despicerē .
28 Deus non amat victimas, sed cor rectum .
29 Precatur Deum, vt sibi faueat .
30 Orat Deum, vt se adiuuet, malos perdat .
31 Infelix, qui aliis sapit, sibi non sapit .
32 Nunquam cessamus bene operari, & Deum laudare .
33 A bonis operibus non desistendum .
34 Infelicem illū, qui pauperi non subuenit .
35 Non terrenis bonis fidendum, sed Deo .
36 Extremi iudicij memores, bene opemur .
37 Nō inuidendū diuitibus, & laute viuētib⁹ .
38 Malorū, simul & iustorū mores describit .
39 Inuehitur in poetas impios .
40 Precemur Deum, vt nos à Turcarum classe tueatur .
41 Felix, qui iustitiam colit, & pietatē amat .
42 Naufragium imprecatur Turcarū classi .
43 Piorum animabus bene precatur .
44 Deum, quem omnes beati laudant, orat, vt Turcas perdat .
45 Vineæ sterilis à Domino deseretur .



IN DIEM
ANNUNCIATIONIS
B. MARIAE VIRGINIS.

Ad Hieronymum Garimbertum
Episcopum Gallesanum.

ARGUMENTVM.

Deus non immemor eorum quæ patribus nostris fuerat pollicitus, ministrum cælestem misit; qui Mariæ nunciaret, diuinum verbum ex ea carnem, salua ipsius virginitate, suscepturum. Cui iucundissimo nuncio illico, vbi Maria assensa est; Deum in utero concepit.

VER erat, & tepidos ducebant sidera soles:
Frondebant atque nouis se se, viridique colore
Vestibant nemora; & tellus latet recentem
Ob partum, gremio terrestria sidera alebat:
Mira exercebant volucres dulcedine cantus,
Desuetos ob longam hiemem, & mala frigora brumæ.
Cum Deus omnipotens uersans promissa sub alto
Pectore, quæ dederat patribus, qui velsa colebant
Oppida Iudææ, & ripas Iordanis, & urbes
Vicinas: celi statuit demittere ab arce
Aequal'em sibi progeniem. mora nulla, minister,
Aeterni qui tunc ferret mandata parentis,
Astitit, & nitidum scindens gemmantibus alis
Aethera, deuenit Galilææ ad Virginis ades
Exiguas: mox exequitur mandata, Mariamque
Alloquitur (quæ tunc natem, de more, legebat:
A Regali

Regali quondam qui oriturum stirpe canebat
 Davidis intacto ex utero; & sine labe pudoris
 Virginei infantem Iesum Salve aetheris ingens
 Gloria: namque in te plena est diffusa parentis
 Gratia: & est tecum Dominus Deus, illa repente
 Obstupuit, dictis animum turbata loquentis
 Talia: quæ secum dum mente evoluit; ab oris
 Interpres missus celi, sic ora resoluit.

Parce metu, Virgo ante alias accepta parenti
 Aeterno: tu concipies latissima prolem
 Aetheream, nono paries quam mense, uocabisque
 Hanc, Iesum: qui magnus erit, summique parentis
 Unica dicetur proles; sceptrumque tenebit
 Davidis; inque domo Iacob dominabitur: & non
 Meta erit illius regni. tunc aurea virgo.
 Credidit: & dixit, rationem effare, modumque,
 Quo sint hæc ventura mihi: teque insuper oro
 Ne dubiam, incertamque tuo sermone relinquo:
 Nam mihi uirginitas est cordi certa; Deo quam
 Reclori quondam ipsa animoque, & mente sacram
 Paruula cum primum rationis signa subirem.
 Tum sic ueridico respondit nuncius ore.
 Ipse superueniet diuinus Spiritus in te,
 Atque te obumbrabit uirtus excelsa, tegetque;
 Fecundamque aluum (dictu mirabile) reddet.

Sic Rex atherens intra tua viscera sumet
 Humanos artus; uteroque exhibit in auras
 Virgineo: dehinc terrenis habitabit in oris:
 Quodque tua sanctum pura egredietur ab aluo
 Aeterni patris dicetur filius: & nunc
 Fert utero promissam olim cognata uirilem:
 Elisabeth tua iam sobolem; procedit & illi

Inualide hic mensis¹ sextus ; quanquam illa sit a^{uo}
 Iampridem confecta graui , sterilisque vocetur.
 Nec mirum ò Virgo, quia res nulla omnipotenti est
 Ardua, difficilisque Deo, qui cuncta creauit
 Ex nihilo : teque vllò etiam sine semine matrem
 Efficiet, tunc sic excepit regia Virgo.
 En Domini ancilla : hæc oro iam compleat in me
 Dicta Deus , superis qui te demisit ab oris .

Tunc patris aeterni delecta in Virginis a^{uo}
 Vnica progenies humanos induit artus.

Hæc cecini his sacris ò Garimberte diebus ,
 Annua concelebrat dum templo sacra, tenet qui
 Aeterni in terris Christi sedemque , locumque ;
 Templâ ubi erant Trinia quodam, nunc dicta Maria ;
 Quæ genuit populis fontem pietatis Iesum.
 Et nos vnanimis vnâ cantabimus alma
 Virginis ; & pariter matris Hieronyme laudes .

IN VISITATIONEM B. MARIAE VIRGINIS.

Ad Cæsarem Gambaram Episco-
 pum Terdonensem.

ARGVMENTVM.

Maria , cum ex cœlesti nuncio cognouisset, Eli-
 sabet etate iam graui, ac sterili concepisse :
 eam inuisit . Narrantur, quæ Elisabet Spi-
 ritu sancto repleta ī Mariæ laudem dixerit :
 quæq; ei Maria, omnia in laudem Dei con-
 uertens, responderit.

A 2 Dum

D V M tu Terdonem populū, venerande, gubernas
 Gambara cui cura est sacrarum credita rerum;
 Qui tibi commissas mala gramina pascere filius
 Non permittis oves, duce te, laxius sub umbra
 (Iria qua riguis fecundat cursibus agros)
 Ducere funerea somnos: precor accipe, quæ nunc
 Virginis in laudem cecini: supplexque precari
 Sis memor assidue Patrem, qui cuncta regitque
 Et fouet; ut longè strepitantia conterat arma;
 In nos Turca ferox cum primum castra mouebit.

Tuq; rates defende tuas ò Christe; tuæ quæ
 Bellantur pelago pro relligione, ruumq;
 In sua arma tuo pro nomine; nosque gementes
 Respice præteritas clades, venturaque damna.

Intacta postquam sobolem concepit in aluo
 Aetheream Virgo solymis prælata puellis,
 Atque magis dilecta Deo (qui eduxit ab oris
 Hebraum: harijs populum; Pharaonis & arma
 Immersit pelago) memor & quæ dixerat olim
 Nuncius aethereo cali demissus Olympo:
 Constituit celsos ludææ ascendere montes:
 Atque ætate grauem cognatam visere; quæ tunc
 Progeniem (mirum) sterili gestabat in aluo;
 Quam nunquam ob senium poterant sperare parentes.
 Sic olim iustum Dominus miseratus Abrahamum;
 Et sine pignoribus sterilis connubia Rachel;
 Virique heredem indulsit. purissima Virgo
 Actutum comitante Deo; quem læta ferebat
 Ipsa Maria vtero, properans montana petiuit;
 Elisabetq; ingressa domum, de more, salutat:
 Atque ubi iunxerunt dextras, colloque dederunt
 Brachia; tum pfoles latitans sub ventre senili

Advers.

*Aduentum sensit Christi; exultauit & intra
Viscera: sed perflata fuit cum numine mater
Elisabet, nouitque Dei mysteria, dixit.*

*O virgo gentis Iudææ haud gloria tantum,
Sed celi decus æternum. tu tecta subire
Es famula dignata tuæ: quæ ventre Deumq;
Atque hominem grauidò portas sine labe pudoris
Intacti? en postquam sudisti pectore vocem;
Latitia puer actutum persusus in aluo
Gestit, atque nouos sensi sub pectore motus.
Et quoniam mandata Dei; quæ detulit alto
Aliger è cælo iuuenis tibi, credidit vltro
Mens tua, nil dubitans: omnes te laudibus olim
Astra super tollent gentes; quæ litus Eoum,
Hesperiumque colunt: nec erunt dicta irrita Patris
Æterni: sed eris omni admirabilis æuo.*

*Tunc Virgo his dictis mentem letata, animumque,
Talibus ora modis soluit. O conditor alti
Ætheris, & terra, meus hic te spiritus à te
Dependens cumulat laude: & iam numine plenus
Ipse tuo longè exultat: quia magnus Olympo
Me me humilem ancillam omnipotens respexit ab altor
Propterea dicent venientia secla beatam
Fæmineam me stirpem inter: concessit enim Rex
Magna potens mihi dona vltro: sanctorumq; vocabunt
Perpetuò illius nomen: nec limite clausa
Vllo erit illius pietas metuentibus ipsum.
Quin etiam factu, atque animis, vel diuite regno
Elatos dextra infernas detrusit ad umbras:
Assluere atque humiles opibus dedit ille, & egenos
Haud aluit parco victu: dehinc reppulit auro,
Et lais dices fundis: promissaque voluens*

Olim animo patribus nostris, sobolique futurae.
Suscepit populum cara de stirpe parentum
Ducentem genus egregium sic fata, morata est
Elisabeth teclis; ter Lunæ cornua donec
Orbe nouo coiere simul: mox lata recessit;
Atque viam carpens patrias deuenit ad ades.

IN NATALEM DOMINI
Ad Alexandrum Farnesium Card.

A R G V M E N T V M.

Ioseph cum Maria prægnante in Bethleem ve-
nit: vt ex edicto, nomen suum, ac familiã
profiteretur. quo loco incolumi virginita-
te, Maria Christum peperit: quem mox vi-
cini pastores celesti nuncio moniti adora-
uerunt.

NON voco vos vane nunc in mea carmina Musa:
Sunt vobis ignota etenim, quæ carmine dicam.
Christus erit nostri princeps, & carminis auctor;
Quem tellus colit, & celsi plaga lucida celi:
Quem semper pennata cohors circumuolat; & cui
Gaudentes plaudunt manibus cum carmina dicunt.
Vos memorate manus Medæ sanguine tinctas
Natorum, fratrumque; simul bella impia fratrum;
Quos Thebana tulit tellus in luminis auras:
Ne nos quod canimus incestet fasque, piumpq;
Musa suo celebrans inhonesto carmine laudes.

Tu verò nostri columen, rerumq; mearum
Præsidium Farnesi ingens nunc perlege, quæ iam

In Maria partum cecini, quæ sola Deumq;
 Atque hominem dedit in lucem; nostræque salutis
 Auctorem certum peperit; rerumque parentem.
 Farnesi, ipse igitur referam, te iudice, quem non
 Tanta latent arcana, legis dum scripta sacrorum
 Tot uatum, & uolui fidei fundamina nostræ.

Tendebat; cum iam rediens breuia aspera montesq;
 Atq; vrbes, camposq; simul nix alta tegebat;
 In Bethlem Iudæ sola cum coniuge Ioseph
 Regali referens deducam à sanguine gentem;
 Cum pax æquoreos tractus, terrasq; colebat;
 Describi Augustus nam tunc mandauerat omnes.

Instarent sed cum iam debita tempora partus
 Virginei; hospitioq; locus cum non foret ullus,
 Ob gentem innumeram, quæ tunc properabat ad urbem,
 Praside Cyrino Syriæ, ut nomenque, genusque
 Ederet ipsa suum. subierunt protinus ambo
 Desertam, atq; humilem sedem ingredientibus, hicq;
 Infantem haud læso peperit Maria alma pudore.
 Cum medio cursu iam sidera voluebantur;
 Fessaque carpebant dulces animalia somnos,
 Quæ nemora alta colunt, seu stagna, marisq; profunda
 Exesas cautes: & agri, siluæq; silebant.
 Vt rubus ardebat miro circumdatus igni;
 Egregius factis Moses, quem uidit ab ulla
 Non tamen exustum flamma: sic illa reluxit
 Post partum inuiolata, nec ullum passa dolorem.
 At postquam puerum peperit sanctissima virgo;
 E summa lux clara polo demissa repleuit
 Obscurum stabulum; & cæcis nox atra fugatis
 Effulsit tenebris: mage quam si sole recenti
 Mane foret, persusa novo: circumq; canentum

*Audite aligerum voces , & p'ausibus aether
Insonuit ; caloque ignes micuere sereno.*

*Tunc letata nouo Galilea puerpera partu
Non visu se explere potest , iuuat vsque morari :
Humanaque Deum admirans sub imagine , supplex
Infantem venerans vlnis complectitur , insitque .*

*O salue humani generis spes vna , salusque ,
Digne puer regnare polo : te non tenet aula ,
Nec muros aulae tegunt ; non regia pubes
Te natum obseruat regem : sed nasceris antro ,
Quo tener aethereas sudisti in luminis auras
Vagitus inter duo bruta animalia ; vilique
Effultus stipula . durum praesepe cubile
Dat tibi pro molli stratio . non murice amictus
Te fouet incoctus Tyrio : non fascia puro
Intertexta vias auro , quas saemina Coa
Disposuit : sed te vilis circumdat amictus .
Tu verò ante alios totis quae gaudia terris
Expectate dabis ? quas grates ipsa rependam ,
Vt mater tua sim : demque vbera nunc tibi nate ,
Nate Deo Deus ipse , poli cui regia paret ?*

*Sic virgo vultum roseo suffusa rubore
Auctorem peperisse suum letatur : at ille
Attollens oculos ad dulcia verba parentis ;
In matris tacitum inspirat noua gaudia pectus .
Dumque acies geminas admirabunda teneret
In puerum humano sub corpore numen habentem :
Assistit pennata cohors pastoribus alta
Arce poli demissa ; canuntque per aera dulces
Ore modos ; latique mapalia lumine multo
Pastorum lustrant , qui tempore noctis agebant
Excubias : pecudumque greges , armenta superque :*

Pectori-

Pecloribus quorum terrorem iniecerat atra
 Per noctis lux illa prius non visa tenebras :
 Totque chori aligerum celi per inania cantus
 Edentes stabulum supra , quo lata latebat
 Coniuge cum Maria alma suo. cunctantur, & herent
 Pastores , trepidique suis in ouilibus astant.
 Unus at illorum , calo dum pendet in alto ,
 Balantum tali compellat voce magistros.

Ne vos pastores ouium timor urgeat ullus :
 Nanque ego ab aetherea sum missus nuncius arce :
 Ut vobis (nec vana loquor) noua gaudia pandam.
 Infantem peperit Virgo sub paupere tecto
 Sub noctem hanc mediam ; quem tot cecinere vicissim
 Veridici vates venturum in luminis auras :
 Qui genus humanum celi deducet ad alta
 Atria ; vestrorum & tollet peccata parentum :
 Educlum et tenebris populum mox transferet almam
 In lucem , calique domos , optataque regna.
 Ite alacres , tantosque metus deponite vos o
 Pastores ; quibus est concessum cernere primum
 Virgineo ex utero ad praesepia vilia natum
 Regemque , genitumque Deo , mortalia membra
 Indutum , cum sit Deus immortalis , at illi
 Verterunt iter ad tanti cunabula Regis.
 Ut venere , vident diuina signa decoris
 In puero : seniorque illorum versus ad illos ,

Hic puer est Deus, o socij , caelestibus oris
 Deducens genus egregium: mox lumina vertens
 Ad matrem : felix , inquit, Virgo incluta : nanque
 Non vultus tibi mortalis (nec fallor) & ipsa
 Non hominem tua vox sonat, o sanctissima Virgo.
 Nos quoque felices erimus, quibus ora tueri

*Concessit Pater omnipotens sub tegmine agresti
 Infantis, teque ante alios uidisse parentem;
 Alipedumque choros iuuenum aspexisse; domumque
 Hanc humilem supra Patris, natique canentum
 Certatim tantas non uno carmine laudes.*

*His dictis, humiles, latique ex ordine, flexo
 Poplite adorarunt puerum, rerumque parentem.
 Sed cum pallerent nondum uaga sydera, ob ortus
 Purpureos Solis, rediere in virgea septa,
 Sat notum per iter campis, latique uicissim
 Perpetua eternum celebrarunt laude parentem.*

IN EPIPHANIAM DOMINI.

*Ad Alexandrum Rufinum Hieronymi F. Ro-
 manum Episcopum Melphiensem.*

ARGVMENTVM.

*Dicit eo die tria contigisse miranda. Et Chri-
 stum à Magis fuisse adoratum, & à Ioanne
 baptizatum; & aquam ab eo in nuptijs in
 vinum conuersam. Deinde ad Magos re-
 diens, dicit. Eos, Christum adoratu-
 ros uenisse primum Hierosolymam; deinde ab
 Herode in Bethleem missos: ubi Christum
 & adorauerunt, & allatis muneribus do-
 nauerunt.*

HAEC Rusine dies summo est gratissima celo;
 Qua canimus Christum infan-tem sub paupere lecto
 Cum

Cum nidere Magi ; & puero tria dona tulere :
 Quos stella Eois radians perduxit ab oris.
 Hac sua membra etiam Christus Iordanis in unda
 Luce sacra tingens , mortalia vulnera lauit ;
 Et nostras remouens culpas , primique parentis
 Commissum cunctis caelestia regna reclusit .
 Hac etiam conuertit aquas in uitea (mirum)
 Pocula , conuiuias inter , tediisque iugales .
 Ipse Magos referam duēlos à sidere ad urbem
 Qua Christum dederat virgo sanctissima partu .
 Hac igitur nostra labente etate precemur
 Caestem Patrem unanimes ; ut nos quoque ducas
 In cali latus sedes ; ubi funeris atri
 Expertes erimus cuncti , tristisque senectae .
 Hic ubi plena Deo sunt omnia ; & omnia luce
 Incircumscrip̃ta fulgent ; & gaudia sedes
 Aethereas aeterna tenent , ubi lumina nostra
 Clauserit obscuram in noctem : sicut noua duxis
 Stella Magos niger à terris , quas incolit Indus ,
 In terras iudea tuas ; quibus edidit almam
 Progeniem Virgo ante alias electa , Deoque
 Grata magis . tu quae petimus concede ; nec ulla
 Te moueant commissa : p̃ys ast annue uotis
 Amborum ; donec veniat meta vltima vitae ,
 Omnipotens hominum rector , rerumque creator .

Hesperijs fama Eois , & didita terris
 Detulerat regnatorem terraeque , marisque
 Vitales hausisse auras prope fluminis undam
 Ante alias gratam gustu Iordanis amœni :
 Tres liquere Magi multis comitantibus oras ,
 Exoriens Sol ante alias quas lumine primo
 Illustrat ; densasque sugat per inano tenebras .

(Non famam, aſt ueterum uatum monimenta ſecuti)
 Qui rerum varios caſus, & ſidera norant :
 Stella quibus monſtrauit iter non cognita celo
 Effulgens ; pueri veniſſent limina donec ;
 Parua quidem : ſed qua terra, pontique tenerent
 Hoſpitio Dominum regali ab origine natum .
 Hi primum Solymorum arces uenere, premebat
 Quas tunc imperio nulli ſeritate ſecundus,
 Agreſtique animo Herodes ; ſedemq̃; requirunt,
 Qua ſuperas cali Chriſtus prodieſſet in auras.

Has verò ut ſpargi voces audiuit iniquus
 Herodes ; ſenſitq̃; noui incunabula Regu:
 Territus obſtupuit ; mox in diuerſa trahebat
 Infelix animum dubium : nanque ille putabat
 Limine ſe pelli nato ſub Principe ; quem tot
 Venturum vates cecinere . atq̃; hæc ubi ſecum
 Euoluit ; iubet ipſe Magos in celſa vocari
 Atria Mygdonijs centum ſubnixæ columnis :
 Atque illos ſtatuens media teſtudine teſti

Dicite uos, qua cauſa via ? quo tenditis ? & quid
 Queritis his noſtris regionibus ? inquit. at vnus
 Illorum ſenior deſigens lumina terra,
 Cunctatusq̃; , moram exiguam facit; oraq̃; contra
 Suſtulit Herodem, breuiterq̃; hæc edidit ore.

Non errore via, caſuue has uenimus oras:
 Stella viam è celo nobis monſtrauit aperto :
 Huc alacres animis ſerimur, vatumq̃; ſactorum
 Veridicis olim dictis, & lumine tanti
 Sideris ; vt Regem liceat ſpectare potentem
 Terrarum, caliq̃; Deum : quem tempore longo
 Tot per terrarum tractus, tot perq̃; labores
 Querimus ; vt meritos Regi impendamus honores:

Dona-

*Donaque nobiscum tulimus, offerre parati
Huic puero. mora nulla, vocat clam in terra tyrānes
Sacrarum rerum primos, templique ministros:
Et quærit quibus ille puer nascatur in oris;
Quem Christum appellant vatum monimenta piorū.*

*Talia primores templi responsa dederunt.
In Bethlem nasci Christum: sit mœnibus illa
Parua licet, tunc dissimulans rex talibus infit.*

*O gens ante alias felix, quibus ora tueri
Concessum est nati Regis, cui seruiet ingens
Orbis, & atherei tractus, pelagusq; profundum;
Atque per innumeras deduci à sidere terras.
Ite agite ò memores nostri: vestro mihi grata
Nuncia ferte precor reditu; lactentis vt almos
Conspiciam pueri vultus, & letius adorem;
Digna q; dona feram mecum. nec plura locutus:
Sed dextra, lauaque manu deduxit ad alta
Limina regalis tecti; nunc dulcibus illos
Colloquijs, & nunc promisso munere mulcens.*

*Vt liquere Magi regemque, domumq; superbam;
Ad Bethlem leti contendunt mœnia parua.
Tunc subito emicuit stella iubar, atq; iter omne
Flammis signauit solitis; ad limina donec
Virginis aduenere: suo nam præuia cursu
Stella micans monstrabat iter: sidusq; secuti
Optatum tenere locum: nam constitit astrum
Virginei partus supra (mirabile) tectum.
Huc puerum ingressi submisso poplite adorant:
Et puero obtulerunt alacres sua munera; Regi
Dant aurum; feralem homini dant munere myrrham;
Vt vero dant thura Deo: dehinc nocte quietem
Per placidam admoniti è calo, non iussa facessunt*

Herodis:

Herodis : magno infantis tum numine freti ,
Ad notas reduere , alio sed tramite , sedes.

IN SANCTOS MAGOS

Ad Thomam Aldobrandinum.

A R G V M E N T V M.

Orat sanctos illos Magos , vt pro salute no-
stra Deum precentur .

FELICES saluete Mazi : quos prauia calo-
Stella uiam docuit magni ad prae-sepe Tonantis ,
Quem partu dedit in lucem Galileia Virgo ;
Non longè quàm Iordanis sacra voluitur unda .
Vos oro , ut sicut tecto uidistis agresti
Infantem positum ; vite , nostraeque salutis
Auctorem : celsa Christus cum sede sedebit ;
Cumque tuba totus clangore remugiet aether ;
Confestimque animae in sua corpora prima redibunt ;
Perpendet quas iudicio iustissimus acri ;
Vnicuique suo infligens pro crimine pœnas :
Dignaque pro meritis persoluens premia iustis :
Sic olim liceat nobis hunc cernere eundem
Tranantem solisque uias , calique tenentem
Atria ; nosque vnâ secum super aethera tollat :
Et statuât , iusti qua fulgent haud secus ac Soli
Adiutos precibus uestris , & virginis alma ;
Progeniem superas qua talem effudit in auras .
Scripsimus hæc tibi pauca tuo dulcissime iussu
O Thoma : quæ non Musa , non vanus Apollo

Dictauit :

*Disflavit : sed blanda Dei spirantis in aures
Aura meas , aura è calo demissa sereno .*

IN PURIFICATIONEM B. MARIAE VIRGINIS.

Ad Io. Antonium Fachinettum Pa-
triarcham Hierosolymitanum .

ARGUMENTVM.

Maria virgo quadragesimo à partu die abiit
Hierusalem cum Ioseph; vi , secundum le-
gem , puerum Domino sisterent. referun-
tur quæ Symeon uiso puero , diuino nu-
mine afflatus dixerit.

TV mecum Antoni cane mystica sacra Maria :
Quam scio te toto venerari pectore , & illam
In tua uota etiam dubijs accire periculis
Ante alios : qui tecta tenent sublimia cali .

Sol quadraginta cursu peragrauerat orbes
Saluatorem hominum postquam sanctissima virgo,
Auctorem & lucis peperit ; cum coniuge venit
Egregiam Solymorum urbem , non immemor unquam
Hebrae legis ; quæ prisco ex more iubebat
Infantes offerre pias cum munere ad aras .
Immunisque foret quamuis ea muneris huius ,
Maiorum veteres ritus tamen ipsa secuta ,
Detulit in templum puerum cum coniuge Ioseph
Tunc Symeon , Solymos inter quo non erat alter

Iussior

Iustior ; a flatu diuino numine , sacrum
Ilicet in templum venit multo obsitus auro.
Diuina hic aura responsum acceperat annis
Iam multis , non visurum se limina leti ,
Non gelida mortis faciem ; nisi cerneret olim
Illum ; quem toties uates cecinere per annos
Præteritos Christum Domini : quæ pectore secum
Cuncta volutabat recolens noctesque , diesque
Aduentum Christi spatij instare propinquus .

Vt verò ingressus templum est , viditque Mariam ;
Quæ comitata viro puerum sacram super aram
Sistebat ; pullosq; duos , de more , columbae :
Continuo agnouit Christum ; lateq; frequenti
Exultans plausu puerum est veneratus , & vlnis
Infantem accipiens , atque oscula plurima libans ;
Atque hilari exclamans has fudit pectore voces .

Aduenit promissa dies latissima seruo
Magne Pater ; qua tu Dominus me carcere vinculum
Iam pridem duro , in pacem , placidamque quietem
Dimittas : tu scis , quoniam iam viximus , atq;
Exactos fragilis vitæ protraximus annos ;
Namq; salutare aspexerunt lumina lumen
Nostra tuum , natum populis , & gentibus illud ;
Quod votis petiere olim ; Israelis ut ingens
Cuncta per ora virum volitet felicibus alis
Gloria , & excursu percurrat littus utrunq; .

Tunc Maria , & Ioseph intentis auribus astantes
Quæq; super puero audierant mirantur vterq; .

FUGA CHRISTI IN AEGYPTUM, eiusque reditus.

Ad Fulvium Vrsinum Iulij F. Episcopum Spoletinum.

ARGUMENTVM.

Postea quam Ioseph cum Christo, & Maria in Aegyptum profectus est: Herodes misit, qui occiderent pueros, qui in Bethleem, & in eius finibus erant. Quo impio rege extincto, Ioseph cum Maria, & puero in Israel regressus, habitauit in Nazaret.

Nunc quoniam nos haud comitari ad fertilis oras
Tendentem Aegypti Christum cum matre, Iosephum
Herodis fugeret dum seui irasque, minasque; (quas
Possumus: his unam saltem celebrabimus illos
Carminibus Fului Vrsine, o Fului inclyte, nostrum;
Dum tu pascis oves, tibi quas commisit atendas
Christus in herbosis campis; quos irrigat unda
Clitumnus formosus aquis, ripaque virenti;
Quae duce te primasque niues, & prima ligustra
Exuperant candore suo; securaque carpunt
Gramina; non aconita gravi persusa veneno,
Non fontes caeno obductos, lymphamque palustrem;
Sed liquidos potant riuos, aut flumina viua.
Atque utinam nobis summi concedat Olympi
Rex; ut possimus praemia digna referre;
Et meritas illi laudes, & reddere nota.

Aeterni

Aeterni qui ferre solet mandata parentis,
 A latius Seraphim Iosepho apparuit altum
 Per somnum; cum cuncta silent, tacituque quiescunt
 In siluis, stabulisq; ferae, carpitque soporem
 Optatum mortale genus: mox talibus infit.

Surge age; & aelutum per amica silentia noctis
 Carpe viam Aegyptum uersus; atq; accipe tecum
 Et puerum, & pueri matrem: nanq; hora propinquat;
 Qua rex Herodet nulli improbitate secundus
 Bethlemys nuper natum perquirat in oris;
 Inuentum ut perimat gladio: versatque sub alto
 Pectore nunc, puerum possit quibus artibus ipsum
 Perdere; tu celerans urbem fuge, dixit: & olli
 Iniecit desiderium sua relinquere tecta;
 Exilioque suas sedes mutare, domumq; .

Nec mora, cum summo fulgerent sidera calo;
 Vrbe est Bethlemia egressus cum coniuge Ioseph,
 Et puero, trepidansque Aegyptia regna petebat.
 Interea infantes teneros mandarat iniquus
 (Quos inter natum ipse suum quoq; perdere iussit;
 Nescius, aut precibus foret exorabilis ulli)
 Occidi Herodes; urbis qui tecta colebant
 Bethlemiae, & fines circum: sed tenderet oras
 Dum Pharias Ioseph recales mandata parentis
 Cum matre, atq; eius puero: iam maximus alta
 Sidera pulsabat clamor sublatius ad auras
 Feminum ob sonitum passim per tecta, viasq; .
 Sed lachrymis sine quis posset, gemituque referre
 Hoc immane nefas, insandumq; ? aethera matres
 Altum incendebant ululatibus: illa capillos
 Unguibus, illa genas scindebat: pars sua pugnis
 Pectora tundeant: pars multo sparsa cruore

Infan-

Infantum, perimi ferro per corpus adacto
 Optabant; sociasque suis se se addere natis.
 Tantus erat clamor tota ingeminatus in urbe.

Herodes post tot scelera exitialia, tandem
 Consumptus turpi morbo est: qui fasque, piique
 Subiecit semper pedibus dum v. ueretur, & quo
 Nil nisi per noctem facinus crudele, diesque
 Versabat mente, atque animo. non senius illo
 Vllum animal tellus aluit, non equora ponti.
 Quique etiam cum uitam ipsam exhalaret in auras,
 Urbis primores occidi iussit; ut omnis
 Mæsta domus foret ob cladem, cadesque suorum;
 Ne possent trepidi ciues gaudere suam tunc
 Ob mortem; ast essent intenti ducere pompas
 Funereas, & flere suos, & condere terra.
 Humani sitiens adeo fuit ille cruoris;
 Ut post mortem etiam gauderet sanguine caeso.

Tunc Pater ætherei Rex, & dominator Olympi
 Aligerum iuuenem Cæli demisit ab arce
 Ad Ioseph; qui tunc patrūs velut exul ab oris
 Longè aberat mærens, Aegyptiaque arua colebat.
 Vade age; & hæc, inquit, defer mea iussa per auras.
 Et dic Iosepho, ut redeat, secumque reducat
 Cū puero matrem in patriam: quoniam iuror, omni-
 Ira illaudati Regis concessit; & ultra
 Ne timeat, tenebrosa tenent quem tartara regem;
 Ense mihi equalem prolem qui perdere ferro
 Querebat. secuit subito celer ille uolatu
 Obscura noctis tenebras; sedemque petiuit
 Iosephi; qui tunc stratis in vilibus altum
 Carpebat somnum; fert & mandata parentis
 Aeterni. Ioseph consurgens brachia tendit

Ad calum afflatus caleſti, atque excitus aura:
 Deinde Deo grates agit; eſſurraque parenti
 Somnia, & accipiens puerum cum matre, reliquit
 Aegypti externam ſedem, in patriamq; reſert ſe.

Iamq; Palæſtina reduces conſinia terra
 Contigerant; paſſim cum didita ſama ſerebat,
 Archeldum regem patriis conſidere regnis;
 Et premere imperio Iudaam. ſubiſſit, atq;
 Exiit: Pater omnipotens ſolatus at illum eſt:
 Qui ſomno admonitus Galilæa uertit ad oras
 Lætus iter, tenuitq; viam cum coniuge ad urbem
 Nazaret; & multos ibi vixit duriter annos.

I N N O C E N T V M C A E D E S

Ad Hippolytum Aldobrandinum
 Silueſtri F. Auditorem Rotæ.

A R G V M E N T V M.

Maximam quidem lætitiâ attulit Chriſti
 natalis cœlitibus: at ingentem luctum ma-
 tribus, quæ Bethleem, cuiusque fines inco-
 lebant. Deplorat auctôr eorum necem; re-
 fertque varias diuerſarum matrum queri-
 monias, miſerabiles illas quidem, ſed ta-
 men lectu iucundas.

Hippolyte euoluſ dum ſacra volumina legum;
 Et populis ſolers das iura, en accipe carmen
 Iam toties tibi promiſſum, deſenſor, amansq;
 Iuſtitia, & recti columen: tu perlege quæ iam

Dixerunt

*Dixerunt misera natorum in funere matres;
Quos frustra ferus, & nulli impietate secundus
Herodes iussit violento occumbere ferro.*

*Letitia persusus erat sublimis Olympus,
Et chorus alatus iuuenum caelestibus oris
Exultans latè natumq; Patremque canebant;
Cum Virgo peperit vita, nostraque salutis
Auctorem Christum: sed luctus matribus ingens
Illis indictus, Bethles quæ tecta colebant,
Et fines: nam Rex celi in sua regna uocabat
Illarum infantes. hæc olim sacra futuro
Debita erant agno; qui labem sanguine fuso
Tolleret antiquam nostrorum ob prima parentum
Crimina (prò dirum facinus) per compita nati,
Perque domos cecidere, uelut concisa bidentum
Corpora, Iudæi faciunt dum sacra parenti
Aeterno, magnum exitium, spectacula sæua,
Sed neque uisa prius: en passim stringitur ensis
Letifer; inde cruor latè aestuat: & tamen illi,
Quem querit rex Herodes male perdere, nullam
Vim tulit: at matres longos per colla capillos
Discerpunt, crebrisq; implent ululatibus auras:
Et misera quantum quærebant condere natos
Infantes gremio; tantum quoque tendere contra
Districtos gladios illi, vultuq; feroces
Horribili intentare necem. vagitus ad auras
Undique sublimis fertur per inania celi,
Miliæ cum sorti pugnamq; edebat iniquam;
Nec pugna poterat natum subducere mater.
Ille trahebat atrox infantem; ast illa tenebat
Cunctorum auxilium implorans hominumq; Patrisq;
Aeterni, atque oculos lachrymis rorabat amari:*

Sæue

Saue petis, dicens, rigido mea viscera ferro,
 Seruani quæ non tales ego mater in usus.
 Iac frustra tibi nate dedi, solatia quondam,
 Nunc matri misera dolor ingens. ò ubi vultus
 iderei, nec non præstantis gratia forma?
 In Libya syrtes tulerunt mea gaudia venti.
 Nunc ego te tantis confossum corpora cerno
 Vulneribus. quid nunc restat mihi? nil nisi luctus.
 Nil nisi æternus dolor: hæc tua vulnera semper
 Hærebunt animo, cadetque hæc facta per oras
 Bethlemias, donec veniat meta vltima vite.

Ast alia has voces lachrymis dabat intermixtis.

Vnum tu miles tantum scelerate requiris;

Qui puer est, unusque; & iter quo verterit, & quæ
 Tecta colat, nescis & adhuc reperire, nec illum
 Illum vnum haud vnquam poteris: sed nunc tamen oēs
 Dās leto, tua prospiciunt quos lumina natos.
 Quem genui ad terram illidis, nec commouet vlla
 Te pietas, matrisque dolor. dicebat & illa.
 Comprime saue manum: non est hæc victima magno
 Sueta Deo offerri; cum sunt sacra annua templo:
 At venia est atas pueri dignissima; non hic
 Promeruit sic occidi sauisissime miles.

Desine arenosis committere semina sulcis.

Quid flores nuper natos succidis, & illos

Sub pedibus teris, atque hortorum euellis honores?

Mæsta parens alia hæc lachrymis dicebat abortis.

Ense isto misera pectus transfige volentis:

Si mea culpa necis causa est: nanque hæc mea vita
 Est inuisa mihi nato moriente superstes.

Ipse tuas sædare manus rex sanguine nostro

Inmerito iussit: crudelis tu quoque miles,

Crudelis

*Crudelis num tu magis, an rex impius ille?
Impius ille quidem est: crudelis tu quoque miles.*

Ast alia infelix tollebat ad aethera vocem:

*Sancte veni puer è celo demissè supremo;
Veridici vates quem pradiçere diu, iam
Venturum; & te ostende palam, teque ipse videndum
Da turbæ hui:; quæ te non cessat querere: nanque
Te raso cadet in terram, suaque arma reponet:
Incuet tibi nec quisquam per membra timorem:
At pacem orabunt cuncti, & sua brachia tendent.*

IN INNOCENTES

*Ad Alexandrum Farnesium
Cardinalem.*



ARGUMENTVM.

*Celebrat beatos illos pueros, qui primi pro
Christo sanguinem fudere. Deinde inuehi-
tur in Herodem: quem dicit apud inferos
tantæ impietatis pœnas luere. Deinde per
eorum necem Christum obsecrat, ut im-
pendentia à nobis pericula propulset. Po-
stremo sanctis pueris familiam Farnesium
commendat.*

P*Urpurei flores saluete, haud quos vagus imber.
Haud ros nocturnus, non in conualle virenti
Vmbra olim eduxit calo capita alta sereno:
Sanguine sed vestro persusi; clara tulistis
Præmia, & ante alios primos meruistis honores.*

Vos Deus ipse suo duram pro nomine mortem
 Oppetere elegit : nos princeps victima Christi :
 Vos olim ornastis siluas , & prata colore
 Purpureo ; cui Narcissus , chi purpura cedit :
 Limina nunc , celsique domos decoratis Olympi
 Et superi uestris incingunt tempora fertis.
 Vos quoq; felices matres , quibus edere sætus
 Hos licuit superis gratos , summoque parenti.

Tu verò Herodes pestis emissa latebris
 Infernis hoc ausu nefas tam triste , iaces nunc
 Infelix fontes inter , scelerumque phalangas :
 Hic ubi Sol non luce sua , non Luna tenebras
 Depellunt : ubi flamma vorax , & viva per umbras .
 Nigrantes barathri teirum dant sulfura odorem :
 Et sumit de te sceleratas impia pœnas
 Gens olim depulsa polo omnipotentis ob iram ;
 Cum primas cæli sedes , & Patris honorem
 Posceret æterni ; quam tuus caelestibus oris
 Omnipotens genitor barathri detrusit ad umbras .
 Infantes puerorum animæ , & felicia cæli
 Agmina & exultant alacres , lætoque fruuntur
 Aeterni Patris aspectu ; teque aspra ferentem
 Supplicia aspiciunt , & regnâ obscura tenentem.

Nos proni ante tuas aras te Christe precamur
 Infantum pro vagitu , pro sanguine fuso ;
 Ut nos iactatos tantarum in turbine rerum ,
 Atque inter sævi funesta pericula belli
 Defendas pietate tuâ : nâque arida tanquam
 Nubila nos erimus sine te : quæ flatibus æta
 Huc illuc Boreæ magnum per inane feruntur ;
 Et tanquam sine luce dies , sine frugibus agri.

Interea illustres animæ , Farnesia uestro

Tua

*Tuta domus sit presidio; quæ pectore toto
Vos colit, obseruatque; & multa cum prece supplex
Accumulat sacras donis ingentibus aras.*

IN IEIUNIUM CHRISTI.

*Ad Antonium Perenottum
Granuelanum Card.*

ARGUMENTVM.

*Quadragenorum dierum ieiunium à Patri-
bus institutum, originem ducere ait à Chri-
sti ieiunio: quò ipse post baptismum in lo-
cis solis laborauit.*

INSTITVERE patres sancti ieiunia quoddam;
Quæis Christus præcepta dedit, quæ sol cadit, &
Tollit se illius vestigia fidei secuti: (quæ
Ipse etenim petiit deserta, atque inuia, perque
Quadraginta dies totos ieiunia seruans
Vixit ibi solus inter caua saxa, serasque;
Postquam artus sacros Iordanis tinxit in amne;
Findit Idumæis placidis qui cursibus agros,
Gemmani Gange, atque ipso felicior Hermo;
Ardentes quamuis auro deuoluat arenas:
Nanque suis artus meruit contingere lymphis
Illius; summa è cali qui venerat arce.

Tu verò mea sit fragilis cum vita, meique

Meta incerta obitus; operum da Christe tuorum
 Partem aliquam me posse sequi, pariterque laborum.
 Tuque idem spes certa hominū, rerumque potens Rex;
 Atque tui patris aeterni mirabile lumen,
 Respice me, Antonique tui hunc dirige gressus:
 Nam felix est ille, tuo quem Christe tueris
 Praesidio; non qui mortales ambit honores,
 Non magnas orientis opes, auramque potentum;
 Sed ponit spem certam in te Dominoque, Deoque.
 Proque ius in me meritis, te laudibus unum
 Prosequar, ut fas est, nec erit nox ulla, diesque,
 In qua non habeam meritas ante omnia grates;
 Dum reget hos artus celi spirabilis aura.

IN TRANSFIGURATIONEM

Domini nostri Iesu Christi.

Ad Franciscum Alciatum Card.

ARGUMENTVM.

Dum Christus in vertice montis Thabor Petro,
 Iacobo, & Ioanne praesentibus oraret:
 eius facies Solis instar reluxit: vestimenta;
 niue candidiora apparuerunt. Tum vox summi
 Patris ex caelo audita est, dicentis, Christum
 dilectum sibi filium, eumque audiendum.

ALCIATE licet subeas tot publica Roma
 Munera, ex innumeros sacra pro sede labores
 Gregorio sub, qui Christi sedemque, locumque
 Terrarum in toto orbe tenet: tamen hos lege versus;
Quamvis

Quamvis incomptos: interdum & mitte frequentem,
 Vndantemque hominum turbam: teque eripe, teque
 Collige serucresque astatis falle legendo
 Hos tenues versum, ò recti assertor, & equi;
 Candi le & interpretes legum, verumque sacrarum,
 Inter odoratos flores; quos educat aura,
 Aura Quirinali veniens e colle propinquo.

Cum per Iudam, & felicem Christus Idumem,
 Atque Palestiniæ diuinæ semina verbi
 Spargeret, & morbis afflicto redderet agros
 Incolumes; & spiritibus correpta malignis
 Corpora sanaret verbo, & vestigia claudis
 Aequaret solito gressu, lumen daret illi,
 Qui nunquam vidit lucem, & reuocaret ab oris
 Infernis homines ad celi luminis auras;
 Redderet & mutilis artus, frugumque referret
 Non partem exigua verbi de semine iactato.

Afflatus postquam diuino numine Petrus
 Ante omnes alios fuerat confessus Iesum
 Christum esse, æternumque æterno patre creatum;
 Pauci abire dies; cum Petrum Christus eundem,
 Cui Dominus celi clauis promiserat vni:
 Atque duos, quos enixa est Zebedæa coniux
 Ad celsum duxit Thaber: sed cum iuga montis
 Ascensu aeris superassent; vertice Iesus
 Constitit; & calo palmas utrasque tetendit;
 Effuditque preces magno, de more, parenti.

Dum verò oraret, lux calo effulsit ab alto;
 Atque infusa, nemus lætæbrosæ clara reuexit.
 Ipse autem effulgens mutato apparuit ore
 Christus, & aspectu patuit Deus: instar erat nam
 Illius facies Solis cum surgit; & alnum,

Pulsa nocte, diem secum v'hit, & fugat astra.
 Quique sacrum tenuis corpus vestibat amictus,
 Scy: honias candore niues anteibat, ob ipsum
 Splendorem immensum manantem è corpore Christi.
 Quin etiam gemini vates quorum vnus ab oris
 Aegypti Hebraeum populum pede per freta sicco
 Duxit ad oppositum littus, desertaque regna:
 Cui statuit leges: alter cui Calicolum Rex
 Scire futura dedit; quem portauere quadrigæ
 Flammiferæ in nitidam sedemque, hortosque beatos,
 Mira apparebant hic maiestate verendi.
 In medio illorum stabat sublimis Iesus.

Dum verò inter se loquerentur de nece Christi;
 Quæque Hierosolymis illum subeunda manerent
 Tormenta infontem, dum Patris iussa facescit:
 Intenta Petrus perceperat aure magistri
 Funera dira sui: & Dominum miseratus acerbam
 Ipsius ob mortem: sic inquit, Christe manere
 Hoc nobis in monte bonum est: permitte precor te
 Tres struere aerei sedes hoc culmine montis:
 Quarum prima tibi dabitur, Mosique secunda,
 Tertia & Helie Theshitæ cedit: & altis
 Sedibus his liceat nobis producere vitam.

Dum loquitur Petrus; cælo demissa sereno
 Fulgida per tennes nubes apparuit auras,
 Mortales illorum oculos, & pectora inumbrans:
 Et subito vox est è clara reddita nube.

Filius hic meus est, atque indubitata propago;
 Et mihi ab æterno semper dilectus; & in quo
 Complacui mihi. Vos gentes quæ littus utrunque
 Incolitis, ipsum hunc terris audite; nec vllum
 Vllum alium. vocem hanc tres illi hausere; metuque

In facies cecidere suas: nam ferre nitorem
 Ingentem nubis, sparsamque per aera vocem
 Illorum haud poterant sensus: dehinc ille timore
 Prostratos adiit, tetigitque, & talibus insit,
 Surgite; nec pavor ulterius vos occupet ullus.
 Tunc lati surgunt oculos per cuncta serentes,
 Lustrantesque caui montis laetra ardua circum,
 Non ullum videre virum: sed vertice tantum
 Aerij montis Christum, de hinc Christus ab alto
 Cum tribus his vnà descendens monte per umbras
 Discipulis; iussit; ne, quae modo visa fuissent
 Ipsis monte, palam facerent mortalibus ullis;
 Inferna donec surgens à sede rediret
 Post ternos Christus Soles; & victor Auerni
 Indutus spoliis superas remearet ad auras.

FLETUS CHRISTI

super Hierusalem.

Ad Ascanium Salimbenum Viterbiensem.
 Iurisconsultum.

ARGUMENTVM.

Christus Hierosolymam voluptatibus dedi-
 tam defleuit; vt in maximum excidium
 non multo post incursum.

Christus olivifero descendens monte per umbras;
 Cum peteret multis circum comitantibus urbē
 Hierusalem; qua tum dixit, cum cerneret illam

Delicias inter choreis, epulisque vacantem;
 Salim' hunc audi; dum frigida Caprarola
 Te t'la colis, loca Farnesio gratisima; cum Sol
 Feruet, & arescunt siccis iam faucibus amnes.

Venerat alma dies, proprio qua sanguine Christus
 Humanum genus a noxa, barathrique profundo
 Eriperet, remouens veteris contagia culpæ:
 Qui Martha ut fratrem superas reuocauit ad oras;
 Cum Solymam peteret multis comitantibus; urbem
 Aspiciens claram ante alias, opibusque potentem,
 Atque frequentantem positis conuiuia mensis;
 Et festa latas agitantem luce choreas;
 Constitit illachrymans; rupitque hanc pectore vocem.

Hierusalem infelix, nescis tempusq; meumque
 Aduentum; quo tanta fores, & libera ab omni
 Pernicie hostili, funesta & cade tuorum.
 Ecce tibi veniunt multis adoperta tenebris
 Improvisa dies; quæ te, & tua mœnia latè
 Euertet; iam strata solo tua tecta iacebunt.
 Hierusalem longè infelix, quæ pœna manet te
 Aspera, crudelisque; tamen tibi debita: quam non
 Effugies, misera ante alias, vrbs inclyta quondam.
 Dixit, & ingressus multis comitantibus urbem est.

Hierusalem infelix; quæris quæ perdere mundi
 Rectorem; & facies paucis post caca diebus.
 Ecce cades oblita Deum, cadesque tuorum
 Ante oculos, stragemq; hominum, excidiumq; videbis
 Urbisque, templique tui: quin tu quoque tela
 Inter, & arma virum pugnantum, & corpora caesa
 Strata cades; tanto nec tempora longa supersunt
 Excidio; ruet ignis edax tua mœnia, & urbem
 In cinerem vertet: nec non pars ipsa superstes

Acrumnis,

Aerumnis, belloque, alias ducetur in oras;
 Seruiet atque alii dominis, tua dextera quem non
 Vatis e sacris ferro est aggressa? dedique
 Horribili leto? tellus madefacta cruore est
 Innocuo, tu non ultra dominaberis: cheu
 Heu Solyma infelix; qua nulla beatior ante
 Vrbis fuit, aeterno neque gratior ulla parenti.
 Tu seruas patrios mores: quae dedere morti
 Vitam optas, post tot languentia membra saluti
 Reddita, signa etiam post tot manifesta per oras
 Indeus, quae in vidisti ingrata: dabis sed
 Ob mentem laeuam ipsa acri sub iudice poenam.
 Nec scelerata diu letabere: namque securis
 Arboris ad radicem altam est; quam sternere multis
 Vulneribus parat ad terram; mox tradere flammis.
 Ah quoties voluit, si non, heu, sulta fuisses,
 Ipse tuos natos tegere, atque fouere sub alis
 Christus: vii gallina suos solet anxia pullos.

IN CHRISTVM IN CRUCE
 PENDENTEM.

Ad Laeuinum Torrentium Archidia-
 conum Leodiensem.

ARGVMENTVM.

Deplorat Christi mortem: enumeratq; pro-
 digia, quae in ea facta sunt.

TRISTIA mortales vna vos dicite mecum
 Carmina; funereisque intendite frondibus aras;

Nam venit lugenda dies; qua purpureis Sol
 Occuluit nitidos picea caligine vultus :
 Et mundi hanc molem immensam sine luce reliquit :
 Inque duas partes (visu mirabile) velum
 Ingentis templi scissum est; discissaque multis
 Saxa locis; vitæque etiam defuncta piorum
 Corpora multa patrum, tumulis inclusa paternis
 Ad superas rediere auras; tellusque repente
 Illo eodem tremuit moriente inersa cruore
 Expirantis heri: sacro dum sanguine cernit
 Concretos crines, & apertum pectus acuta
 Cuspide: & ex spinis Regem noua ferta gerentem .
 Te nunc ad lachrymas; teque ad suspiria vates
 Torrenti Lavine voco, cane tristia mecum
 Carmina ob immortitam mortem pendentis Iesu
 In Cruce: & alternis modulans tua pectora dextra
 Tunde manu: Christique alta super arbore vitæque
 Palmas, affixosque pedes precor aspice ferro:
 Et madidum in pectus pendens caput, aspice sacrum
 Sanguine respersum mixto cum pulvere corpus .

Nos promi ante tuas multis cum fletibus aras
 Christe te adoramus sub sextæ tempora lucis .
 Tu nostras dignare preces audire, tuosque
 Aerumnis mersos tantis, rerumque tumultu
 Ingenti, varioque: premit nam Thracius hostis
 Hinc, illinc effrana virum gens, quæ colit oras;
 Quas Aquilo tundit spirans strepitantibus alis .

Te Lavine Deus patrias perducet ad oras
 Incolumem: semperque regat; te lucida donec
 Tecta tua fabricata manu, sedesque tenebunt .
 Nec dubita: non te linquet Galilæia Virgo;
 Cuius tu æthereos cecinisti Virginis ortus,
 Vitamque,

*Vitamque, & sanctos obitus, superisque receptam
Sedibus ad dextram nati, magnique parentis.*

IN CHRISTI RE- SVRRECTIONEM.

Ad Gerardum Episcopū Leodiensem.

ARGVMENTVM.

Celebrat diem, quo Christus post patres ex
inferis eductos resurrexit. Narratq; mul-
tis argumentis Christum resurrectionem
suam declarasse.

O Salve ante alias anni Ver pulchris horas;
Dignius & vatum cantu super æthera ferri:
Humanos te ineunte etenim Deus induit artus;
Et duro occubuit ligno: victorque sepulchrò
Mane resurrexit; cum iam adueniret Eo
Tertia ab orbe dies. tuque es pulcherrima, nec non
Lux celebranda piis; licuit cui cernere victa
Morte resurgentem Christum. Vós plaudite cuncti
Mortales; illum celebrent volucresque, feraque,
Et quæ caruleis pontus fert monstra sub undis.
Tu Sol, tuque etiam Luna, & vos sidera, vos &
Collaudate Deum patres; quos carcere ceco
(Pœnarum tamen immunes) spatiosa tenebat
Tunc regio, & latè densis obducta tenebris.

Cum verò superas remeasset Christus ad auras;
Intravit tecti foribus penetrantia clausis:
Vulneraque ostendit ligno perpessus in alto.

Quæ fuerat sociis videntis: & iubet illos
 Tangere corporeos artus, non corporis umbram.
 Illum accumbentem mensis videre, loquentemque,
 Ut prius, æthereas cum cæli carperet auras.
 Atque ipsum sanctæ comites videre parentis:
 Credentesque alij plures videre prius, quam
 Aethereas cæli victor conscenderet arces.
 Tu vero Pater omnipotens, qui corda precantum
 Aspicias; & suscipis precibus placaris; & omnes
 Turbine iactatos Libycis in Syrtibus audis:
 Nos audi; famulumque, sacra quem sede locasti,
 Sublimi & solio Gerardum protege, sancto
 Nomine pro Christi subeuntem mille pericla:
 Atque lupos circum innumeros, & mille parantes
 Insidias procul à Belgis tu finibus arce.

IN ASCENSIONEM DOMINI.

Ad Antonium Perenottum Gran-
uelanum Cardinalem.

A R G V M E N T V M.

Christus quadragesimo post resurrectionem
 suam die in monte Oliueti, cunctis viden-
 tibus discipulis, se in cælum sustulit, du-
 cens secū patres, quos ex inferis eduxerat.
 Describitur & ingens beatorum omnium
 spirituum illi occurrentium læritia.

Christus ubi superas cæli remeavit ad oras;
 Infernasque domos, spoliataque tartara liquit;
Ille

Ille quater denos per soles fratribus olim,
 Quos primum elegit, Galilæa est visus in oris;
 Cælestique super regno admiranda locutus.

Deinde ad Olivæ montem contendit, & omnes
 Sanguine coniunctos cara cum matre reduxit;
 Aethereas vnde ad sedes radiantis Olympi
 Ascensurus erat, mox celi in sede locandus:
 Qui inssi subito Christi mandata facessunt;
 In primisque parens cætu comitata piorum,
 Qui Christi fuerant vestigia sancta secuti:
 Vertebantque graves in dulcia gaudia lætus:
 Et superant alacres vicina cacumina montis.
 Utque locum lati tenuere, redemptor Iesus
 Effulgens radiis cælestibus astitit: & se
 Ostendens illis sic suavi est ore locutus.

Hactenus o fratres vobiscum vivere vitam
 Fas fuit: at me nunc genitor in certa reuerti
 Regna iubet, calique domos. Vobis ego pacem
 Aeternam linquo ipse meam. sic factus, ab ipsa
 Consessim se tollit humo: vultumque, manusquo
 Ad calum tendens caelestes fertur in oras:
 Atque illos linguens, illis benedixit: & omnes
 Viderunt comites ipsum supera alta petentem;
 Deuicta qui morte, poli fulgentia secum
 Astra super, summiq; vias ducebat Olympi
 Felices animas, piceo quas carcere dudum
 Aeternus regio tenebris immersa tenebat:
 Qui natum, patremque simul per læta canebant
 Carmina: & illorum resonat at cantibus æther.

Quin etiam agnoscere Deum, Dominumq; paternas
 Intransentem Christum sedes nitidissima celi
 Agmina, & è calo noua lux effulsit aperto.

Illi oculos fixos supera ad conuexa tenebant ;
 Donec se Christus nebula circumdatus alba
 Digrediens terris patrias remeavit ad oras .
 Qui postquam aspexit sociorum corda recessu
 Iam turbata suo ; demisit ab aethere binos
 Sublimi subito iuvenes in vestibus albis :
 Qui pauca hæc alacres placido sunt ore locuti .

Progenies Galilæa Deo dilecta ; tueris
 Quæ calî æthereas intento lumine sedes ;
 Qualis victor orans altum penetravit 'esus ;
 Quem vos intenti in calum vidistis euntem :
 Sic olim in terram superis remeabit ab oris .
 His dictis , calum terra petiere relicta .

Parte alia aligeri iuvenes plauserè per altum
 Aethera ; & ingenti latè exultant Olympus
 Lætitia : aligerique chori cecinere vicissim
 Ante fores sacras sublimis carmina calî .
 Fundebantq; sonos citharæ , dulcesq; querelas
 Alituum manibus percussa ; & tibia gratos
 Curua dabat sonitus , non sibila rustica : nanq;
 Aduentante Deo portarum claustra patebant ,
 Stellantis nec non summi spatia ignea calî :
 Quæ nunquam Sol prospexit , non candida Luna :
 Sed Pater has nitidas sedes , lux ipsa , beatas
 Lumine persundit ; Solem qui fecit , & astra :
 Et circum sonuere nouis concentibus aura .

Hos Perennette etiam mittit tibi Gambara versus ;
 Quis Christum cecinit calum ascendisse , patresq;
 Electos olim ad tutos duxisse receptus .
 Atq; utinam ille idem Christus stellantis easdem
 Nos uocet ad calî lætas post funera sedes .

IN DIEM PENTECOSTES.

Ad Marcum Antonium Amulium Cardin.

A R G V M E N T V M.

Quinquagesimo post Christi resurrectionem die, super totam piorum turbam in vnum locum coactam descendit diuinus ille Spiritus ignearum linguarum instar: seditque super singulos illos. Qui post illum celestis Spiritus hauitū, & oīum linguis, & sine timore vllō Christi nomē prædicabant.

Quinquaginta suos terris ostenderat ortus
 Aurorā; & totidem cursu compleuerat orbēs,
 Carcere perfractō postquam, patribusq; solutis
 Victor ab inferni Christus surrexerat oris;
 Et clarus cali celsas ascenderat arces:
 Famineoq; parens Christi circumdata cœtu;
 Et patrēs numero bisseñi, turbāq; multa;
 Secreta quæ in sede Sion collecta latebat:
 Assiduāq; prece expectabant dona magistrī
 Iam promissa sui; subito cum lux noua circum
 Visa polo est; flammarum instar, descendere ab alto
 Ingenti strepitu: magneque immixta fragore,
 Et totam lustrare domum: patrūq; supremis
 Verticibus uise ardentes considerare lingue.

Agnouere Dei numen, promissaq; dona
 Bisseñi patrēs, pariterque electa piorum
 Turba virum; quibus insusus diuinitus alma est
 Aurai æthereum lumen: mox numine pleni

Men.

Mentemque, pectusque nouo; noua verba ferebant
 Ad populum; & mira celebrabant laude parentem
 Aeternum, ac natum, & diuini numinis auram.
 Egressisque demo, constanti fronte salutis
 Auclerem magnis referebant vocibus vltro.

Hic aderant varia gentes, linguisque, habituque,
 Qua siluas habitant Medorum, & diuitis oras
 Persidis, atque Arabum tractus, & inhospita Ponti
 Littora, quaeque bibunt Tyberini flumen, & vndas,
 Quae scindunt Babylonem urbem, Maurusia quaeque
 Arua colunt; arua in franis habitata colonis;
 Quae patrio audierant illos sermone loquentes.

Atque aliquis rerum sacrarum ignarus, & almi
 Occulta virtute Dei venientis ab alto

Aethere, miratus stupet in nouitate, videt dum
 Talia; & ingenti tecta insonuisse fragore;
 Agnoscitque suae distincta vocabula linguae.
 Aduenit tunc ille dies, quem dixerat olim
 Numine caelesti mentem perfusus Ioel.

Impia gens quamuis hausisse hos pocula musti
 Diceret: at postquam diuinum insudit amorem
 Mentibus accensis supremi numinis aura
 Descendens calo, haud flammam, ferrumq; timebant.
 Biseni patres, & cetera turba piorum;
 Intrepidi at mortem per vulnera mille petebant,
 Spargentes populis diuini semina verbi.

Vnanimes Christum ante aras oremus Amuli;
 Qui patriae decora alta tuis virtutibus auges;
 Pectoribus nostris ille idem spiritus adsit
 Infusus, Domicio in seruos demissus ab alto.
 Atque vtinam Christus nobis concedat, vt ipsum
 Regnantem calo possimus cernere nostros

Post

Post obitus, misera post tanta incommoda vita;
 Viventem postquam in terris non vidimus ipsum,
 Versantemque homines inter, populosque docentem;
 Iordanis quos irriguis interluit undis.
 Admittasque preces utinam pater optime nostras:
 Nam furor armorum, & belli longe insonat horror:
 Nostraque crudelis bello quatit oppida miles;
 Et nostrum scindit pelagus iam barbara classis.
 Has ponto tu merge rates: te vindice tanquam
 Sint stipula à ventis agitata; sint velut altis
 Arentes silvæ in saxis, quas flamma perurit;
 Immissisque furit Boreas violentus habenis:
 In nos quæ seua arma ferunt, bellumq; minantur.

I V D I C I V M E X T R E M V M.

Ad Andream Patricium Striceconem
 à Secretis Poloniæ Regis.

A R G V M E N T V M.

Dicit tremendum extremi iudicii diem, enu-
 merans multa prodigia illud præcurren-
 tia. Quo die Christus magna cum maie-
 state veniēs; hinc piorum bene facta, illinc
 impiorum scelera memorabit. Hisq; eter-
 no igni traditis, illos ad cœlestia secum
 æternaque gaudia perducet.

Andrea eloquio, linguaque insignis utraque,
 Cui mens sincera est, & ab omni labe remota:
 Quisquo

Quiq; iuis latinum scriptis felicibus ornās
 Sermonem; atq; iuuas gentes, quæ flumina Bætis,
 Atq; Aethesis, Rhodanique bibunt, & fertilis Istris:
 Alta tibi moliris iter ad sidera; & infers
 Te quoque conspicuum fama caelestis us oris.
 Inspice, quæ nuper cecini de luce tremenda;
 Qua Christus, postquæ cuncti in sua membra redibūt,
 Sontibus, atq; pijs sua debita præmia reddet.

Mente diem quoties extremum, animoq; reuoluo
 Cum iudex Christus sublimi sede sedebit;
 Atq; tubæ totus clangore remugiet æther,
 Confestimq; animæ in sua corpora quæq; redibunt;
 Perpendet quas iudicio iustissimus acri,
 Vnicuiq; suo infligens pro crimine pœnas;
 Digna q; pro meritis persoluens præmia iustis:
 Ossa quatit toties gelidus tremor; oraque miris
 Pallent nostra modis, membris seque implicat horror.

Quis non horrescet, cum toto sauiet orbe
 Pestis, dira fames, bellumq; tremorq; sub altis
 Visceribus terræ insus terrebunt utrunq;
 Littus; & arescent homines, cœu caesa securi
 Aestu abies solet in medio: signa ardua flammis
 Inq; voluta ruent; orbis soluetur in ignes
 Terrificos; voluent maria aspra ad littora fluctus.
 Et totum implebunt resonis stridoribus orbem?

Nanq; erit illa dies iræ Dominique, Deique,
 Non hominis; qui dum totis calor igneus olim
 His terris miseros artus, & membra foueret,
 Quod voluit semper fecit: nam fecerat illum
 Esse suæ spontis dum viueret omnipotens Rex,
 Rex calis, terræq; simul, rerumq; creator.
 Sed qui seruauerunt summi præcepta parentis,

Non

Sed

Sed

Sed

Non ausi fas, atque nefas miscere, piūque;
 Atq; dolis capere insontes; & matribus arma
 Detestata sequi; aut thalamos violare iugales;
 Ignotosq; deos colere, & subvertere leges
 Antiquas; veteresque patrum contemnere mores:
 Instantis non horrescent hi signa ruinae,
 Labentesue astrorum ignes, non murmura ponti
 Insolita, aut rapidis agitata tonitrua ventis.
 Oplato aduentu Domini noua gaudia mente
 Concipient, & venisse alacres felicia dicent
 Tempora, quæ Christus iustis mortalibus olim
 Prædixit, patrū vitam dum degeret oris;
 Cum Christus virtute sua nos firmet, opemq;
 Afferat; in rebusq; potens adiutor egenis
 Sit; quæ nos miseros circumstant vndique, & urgent.

Propterea non nostra timor, non terror habebit
 Pectora, non mentes nostras; licet ilicet omnia
 Ardua terrarum in medium mare transportentur
 Sedibus è proprijs conuulsa, & mixta procellis
 Aequora, terrificisq; notis turbata residant;
 Atq; ardent velagi vasta cum mole profundum.
 Nec nitidus Sol ipse diem; neque Luna corusco
 Lumine lustrabit noctem, nec sidera calum.

Tunc calo signum crucis apparebit aperto
 Quæ longè Solem radianti lumine vincet.
 Et Deus aligerum delectos ordine ab omni
 Aethutum æthereo iuuenes demittet Olympo.
 Qui molem hanc mundi immensam clangere tubarum
 Terre bunt resonantum auras, terramque patentem.
 Horrendumque canent à magni quatuor orbis
 Partibus. O gentes exurgite protinus omnes.
 Funereis quarum tellus habet ossa sepulchris,

Vel cineres : Christus vocat omnes ante tribunal
 Ipse suum : mora ne teneat vos vlla ; tremendum
 Iudicium quos expectat. tunc protinus omnes
 Consurgent tumultis. atq; in sua prima redibunt
 Corpora. tunc populi surgent ; quos Africa quondam
 Terra dedit nitidam in lucem ; quos Persidis olim
 Ora tulit ; & quae septem coluere triones
 Consurgem gentes ; quaeque vltima littora servant ;
 Quae sol decedens linquit mortalibus umbras,
 Et tenebris terram inuoluit : dabit & mare cuncta
 Corpora ; quae quondam tumidis immerferat undis ;
 Illisit quorum scopulis cum remige puppes
 Incumbens pelago Boreas , Eurusque , Notusque.
 Hic aderunt Asia reges , demitorq; Quiritum
 Caesar , Alexander Macedo , Libyaq; tyranni ;
 Atq; alij heroes , quos gloria parva sub armis
 Ad caeli vexit tenuis septemplex oras.

Alium caelestum acies mysteria sancta
 Sacra crucis manibus portabunt ; ille columnam ,
 Hic clauos , hastamq; alius , quae pectus Iesu
 Transfixit ; funemq; alius , quo duellus acerbam
 Ad mortem est , acri madefacta feretur aceto
 Spongia mordaci cum felle in arundine summa.
 Hic sertum intextum spinis , sparsumq; cruore ,
 Atq; alius lento confectos vimine fascies.

In medio nebula candenti incinctus ab alto
 Descendet caelo fulgentem lampadis instar
 Solis habens faciem Christus ; quem mille sequentur
 Agmina caelestum circundata tempora fertis ;
 Atque petet vallum , Iosaphat quam nomine dicunt,
 Iudicium in cunctos exercens ; clamor acerbo
 Cum gemitu , & lachrymis hominum tolletur ad auras.
 Atque

Atque auras ipsas feriet : scindetur & omne
 In geminas mortale genus miro ordine partes :
 Et statuet dextra insontes , fontesq; sinistra.
 In silvis veluti pecudes , um pastor ab hœdis
 Diuidit , atq; illos læua seponit , ouesq;
 Dextra parte locat , iustis & lancibus æquat.

Mox dicet Christus iudex iustissimus. O vos
 Felices animæ , felicia corpora , mecum
 Scandite in æthereas sedes , promissaq; patris
 Regna mei , æternæq; domos ; quæ cuncta parauit
 Ipse Deus vobis cælum conderet arces ,
 Terrasque , tractusq; maris : vos nanq; dedistis
 Optatas escas inopi , potumq; uolentes
 Poscenti , tristesque etiam donastis amictu ,
 Quo se se nudi tegerent ; morboque grauatos
 Tabifico , vos & latebroso in carcere plebem
 Pauperie oppressam dura inuiscas ; & illos
 Hospitio errantes nos & inuiscas ;
 Nanq; meis quæ uni ex , iustis amici ;
 Hoc mihi fecistis ; labor in. nã vester abibit
 In ventos : sed certa manent vos præmia : mecum
 Quare agite hinc superas læti conscendite sedes ;
 Vestrorumq; simul iam carpite digna laborum
 Præmia . Vos autem fontes , scelerumq; phalanges,
 Perpetuas ite in tenebras , ignemque paratum
 Lucifero , focisq; suis : quia iussa rebelles
 Spreuistis patris æterni , dum dulcibus annis
 Vitalis calor insusus sua membra regebat .

Tunc iusti supera alta petent , sedesque parentis
 Aeterni , æternasque domos sine fine beatas.

At contra seclerata phalanx tradetur Aeterni
 Ignibus , atque illam pœna sine fine manebunt .

Tunc

*Tunc digni æterna, infanda ob crimina, morte,
Lumina deiecti, vultumq; , atq; ora pudore
Suffusi, lachrymis persundent pectus amaris.*

LIBER SECVNDVS.

IN MVNDI CREATIONEM

Ad Antonium Caraffam Cardinalem.

A R G V M E N T V M.

Celebrat Dei Opt. Max. laudes, plurima admiranda eius opera enumerans.

DV M. golis antiquam Troiani Antenoris urbē;
Ingenuisq; operam das artibus, & monumēta
Sacrarum rerum excolis; & scripta disertis
Nunc Theodreti super aurea carmina David
Sermonem in latium transfers: imitatus & ipse
Ipsam te, hæc cecini numeris Caraffa latinis,
Egregium Graecæ, & Latine decus addite lingue.
Ut videas me iam Phæbum, pariterque Camænas
Liquisse, atq; animum sacris intendere rebus.

Quid cessas mea lingua Deum laudare potentem
Tantarum & rerum authorē; quas cernimus, et quas
Nemo humili sensu potis est comprehendere, vitam
Dum trahit in terris alta caligine mersam?
Iesidaq; utinam foret in me spiritus, & uis;
Ut digno te nunc celebrarem carmine; quamvis
Carmine non egeas; toto & tibi pectore grates

Sem-

*Semper agam pro tot meritis : nanque ipse creasti
Humanumq; genus , nec non animalia cuncta ;
Atque illis largè victum , viresq; ministras .
Fecisti que globum Lunæ , Solemque , domosq;
Aethereas , summique decus radiantia cali
Sidera , & immensos tractus terraque , marisque .*

*Nec miror Pater omnipotens , cum sis Deus , et cum
Non alius præter te sit Deus : omnia nanque
Tu solus potes ; & regnas in vertice cali .
Non picta indutus trabea , non murice , & auro ;
Lumine sed claro longè tu effulgis amictus :
Immortalis honos cingit te , & gloria miris
Laudibus ; extendisque uelut tentoria cælum .*

*Ipse tegis superas sedes cælestibus undis :
Proq; tuo curru tu nubibus uteris altis :
Ipse volas , cum vis , rapido pernicios Euro :
Atque tuos facis aligeros Pater alme ministros ;
Cernere quos acies nequeat mortalis , & ignem
Vrentem : & solidam iussu , stabilemque locasti
Tellurem ; quam perplexis anfractibus unda
Oceani maris incingit ceu vestis ; & æquor
Stabit aquæ supra montes : quod si tua vox nunc
Undas increpiter (tonitru quæ personat instar)
Attonita huc illuc fugient quo iusseris ; & se
Continuo attollent summa in fastigia montes ;
Subsidentque caue valles : sedemque tenebit
Quisque datam sibi : nec tumidus caelo agmine pentus
Tellurem obducet stagnis , fluctuue tumentis .
Præcipitesque fluunt latices de vertice fontis ;
Qui lapsi efficiunt riuos , rivi alta fluentia ,
Saxosas inter longè resonantia vâlles .*

*Hiæ onagri , & pecudes cum cornigero comitatu ,
Visique*

Vrsique, damaque bibunt, dumisq; volucres,
 Arboreisue comis, exesa aut ilicis aluo
 Nidificant; resonantq; nouo loca saxea cantu.

Insuper astinus exusta caloribus arua,
 Ipsa tibi in prauis cum pallida supplicat herba;
 Tu pluuia solaris aqua, riuoque recenti;
 Et passim vario sætu saturata tuorum
 Terra operum campis siluestres educat herbas,
 Et flores, quos detondent pecudesque, feraque.
 Dant agri frumenta, quibus nos pascimur, & quæ
 Corda hominum firment, & vires artubus addant.

Dant colles dumosi oleas; ubi calculus asper
 Plurimus est; quarum succo fit lenior ipsa
 Ipsa hominis facies: nascuntur collibus vna
 Aprici; quarum dulcis liquor anxia curis
 Corda licet sint innumeris, latissima reddit.

Nascitur & Libani procero vertice cedrus;
 Aestatis quæ non seruoress horret: at altas
 Attollit calo frondes, ceu Veris in ortu:
 Qua passer dulces nidos alit: ipsa chelidris
 Letifera hic præda domos sibi construit ales.
 Vallibus & timidis sunt apta cubilia ceruis.
 Hos etiam in montes recipit se se asper echinus;
 Dum timet insidias hominum, & petit impiger antra.

Hic varia se se facie per inania cali
 Luna refert noctem collustrans lumine: nouit
 Ipse suum occasum Sol aureus, atq; iter altum
 Aethera per, sua dum præbet vaga lumina mundo.

At terras ubi Sol liquit; nox septa tenebris
 Succedit; latebrisq; fera; quæ concava siluis
 Antra colunt, vallesq; canas, & frondea tecta
 Prosilium: prædaque avidus leo sanguine multo

Leta.

Lætatur ; queritq; fremens alimenta parente
 A summo : sed cum surgens Sol aureus ignes
 Astrorum fugat ; & renouat terrasque, polumque
 Luce noua : cum decutitur de gramine nondum
 Ros gelidus : sed adhuc reficit sua pignora tellus :
 Antra fera , siluasque petunt : siluoque cubili
 Se condunt : donec nitidi ruat ignea lampas
 Solis, & insuſcet tenebræ nox humida terras.

Tunc mortale genus stratis conſurgit auitis ;
 Egrediturque domo prima ſub luce , ſuumque
 Lucæptum non linquit opus ; vaga lumina cali
 Accendat donec veſper, tenebræque reducat.

Atque alius , qui rura colit , læta arua iuuençis
 Præualidis pronus ſcindit ; aut implicat vltimos
 Vitibus , aut textit ſepes , aut virgea ſepta
 Caprigeno pectori ſuit , aut aluaria lento
 Vimine grata aſibus ; donec Sol cedat Olympo.

Quam ſunt o manuū Pater alme opera alta tuarū
 Anguſta , & præclara ; modis ſunt cõdita miris
 Omnia , quæ calo ſubſunt , ſupraque relucent.

Quin etiam hæud tantum cuncta eſt vberè frugum
 Munere te ratiuo ; verum & maris unda repleta eſt
 Illo eodem dono ; quo tellus : nam freta gemes
 Squamigera ventosa tenent : hic nauita pontum
 Adæx puppe ſecat tuniçum ; nec flamina curat
 Aſpera ; & aduerſo venientes agmine fluctus .
 Feciſti & cete : quæ remiunt monſtra ſub undis
 Omnia mole ſua ; quod non ſint uribus æquis .

Tot cali uolucres , & tot ſera monſtra profundis ;
 Totq; fera ſiluas habitantes paſcula querunt
 Aptæ ſibi ; quæ das ſemper largaque præq;
 Ipſæ manu ; terra fructus , prædantque miniſtras.

Si vero

*Si v'rò iratus aliò te verteris ; illis
Spiramenta animæ eripies , passimque iacebunt
Exanimés strata in terram , in cineremque soluta.*

*Idem si cineri aspires ; in prima redibunt
Corpera ; quæ fuerant iam leti addicta tenebris ;
Vel noua formabis ; facies erit. & noua terra .*

*Hoc igitur tam clarum opus , & mirabile semper
Ostendit tua iam virtus ; qui concutis orbem
Terrarum solo aspectu , nutuque patentem .*

*Si tangis summos montes , Pater alme ; repente
Emittent trepidi conuexa ad sidera fumum .*

*Te solum laudare Deum me terra , fretumque
Audiet , & cali longe signa ardua ; donec
Ingrediens terris vitali hac luce morabor ;*

Decedit cum sol , & cum se tollit ad auras ,

Inque nouum tellus infusa luce colorem

Migrat ; & obducta se se caligine soluit.

*Atque vtinam mea vota tibi sint grata ; meumque
Carmen , vt æternum possim gaudere , Deum te
Has nostras audisse preces de vertice cali.*

L V C T V S D A V I D S V P E R S A V L E.

Ad Prosperum Sanctacrucium Romanum.

A R G V M E N T V M.

*Hortatur Prosperum nunc Cardinalem , vt
fratris mortem sapienter ferat. Deinde nar
rat quo pacto Dauid Saulis , & Ionathæ ne
cem deploraucrat.*

Iustitia columen Prosper, lumenque tuorum; (cura
 Quem dolor amissum ob fratrem premit, & nova
 Occupat ob subitam cladem, paruosque nepotes,
 Quos ille in cunis liquit; dum tu colis urbem
 Lutetiam à summo legatus missus ad ipsum
 Pontifice Henricum regem; qui Gallica sceptrum
 Felici ditione tenet, populosque volentes.
 Nec te pœniteat, si non pia funera fratris
 Duxisti, aut lachrymans clausisti lumina dextra
 Languida iam instantem ob mortem: nā debita iusta
 Soluimus Aeneadum toto comitante Senatu;
 Atque illum tumulo patrum de more tuorum
 Condidimus lachrymis madidi, & sine fine dolentes.
 Teque sequi haud pigeat David; qui funera postquam
 Saulis indoluit; lachrymis, luctuque recenti
 Imposuit finem, & belli se accinxit ad arma.
 Nec dubita, attollet virtus tua te super omnes
 Romulidas, licet egregios, quæ affectat ad alta
 Astra viam sacris semper felicibus aucta.

Ad montem castra indomiti posuere Philistei
 Gelboen, armatasque acies: Saul quoque gentem
 Ipse suam has contra admonuit: pars utraque sed cum
 Prælia pugnassent sæuisima, denique Saul,
 Nec non tergemini fratres ante ora parentis
 Pallida bellantum iaculis cecidere sequentum:
 Nanque Philisteo tandem victoria cessit;
 Largo & inundarunt casorum sanguine valles.
 Atque Amalechite David victo hoste redibat
 In Siceleg; secumque viros, prædasque ferebat
 Hostiles quas abstulerant sacro agmine gentes.

Hanc cladem postquā accepit rex David; amictus
 Discidit, & lachrymis oculos persudit ebortis,

Et ducibus circumseptus sic ora resolvit.

Vos populi, qui Iudeam, Galilaeaque tellus,
 Quique Palestinam incolitis, lugebitis, ora
 Nil nisi uestra sonent lugubria carmina; quando
 Militiae flos interijt rex Saul, & una
 Bellando illius nati, atque exercitus omnis
 Corruit, & nostro saedata est sanguine tellus.
 Cesset opus ruris, sileant tabulae, & omnis
 Hierusalem resonet lachrymoso mœnia luctu;
 Atque sui d. leant crudelia funera regis.
 Non choreas, non luce sacra convivia tectis
 Ducere permittas vrbs olim assueta triumphis.

Parce & Idumaeas vulgare, ò fama, per vrbes
 Hanc pugnam; non Geib, non Ascalon impia nostras
 Audiat arumnas: ne laeti gaudia toto
 Pectore concipiant, & nostris cladibus hostes
 Insultent; & fronde tegant sublimia lauri
 Limina, & in medijs agitent convivia tectis.

Heu cecidit ferro Saul; cen non foret vnctus
 Quondam oleo in regem Solymorum. Vos iuga, Saul
 In quibus, & clypeus perijt, atque Israel olim
 Fama ingens, positis armis ausugit opacas
 Per silvas heu quo arma modo victricia quondam,
 Nunc victa, & suspensa alto sub fornice templi
 (Proh dolor) Astarothi pendente; Ionathasq; sagittis
 Confossus; quos vita animo coniunxerat vno,
 Hos tulit vna dies. Vibrabat vulnera Saul,
 Vibrabat Ionathas, armis metuendus uterque,
 Et pariter bello insignes, amboque seroces;
 Ambo aquilis celeres magis, atque leonibus. At vos
 O matres, miseraeque nurus, teneraeque puellae,
 Vos non palla tegat mœstas, quae tincta colore

Sidonio

Sidonio fuerit ; donisque ornarit , arena
 Qua fert gemmifera Ganges , quæq; aurifer Hermus,
 Quæque legit scopulis rubri maris incola nauta .
 Non pluuia vlla ſuper deſcendat Gelboe montes
 E calo ; nec per noctem ros decidat unquam :
 Ne ne exuſta ſiti gelidis tua paſcua lymphis
 Fons riget ; & latices deſint , & gramina ſiluis ;
 Truxque tuas Boreas vellat radicitus ornos ;
 Primitias commiſſa ſerant , neque ſemina ſulcis ;
 Ver & odoratos flores effundere opaca
 Valle neget ; tibi nec ſpiret lenis aura tuorum
 Per nemorum colles , calo cum Sirius ardet :
 Abiectis quoniam clypeis his procubuit rex
 Collibus , et terram (indignum) pronò ore momordit ;
 Qui primus tenuit Iudææ regia ſceptra ;
 Miles ubi auſugit bellantum territùs armis .

Dixerat ; atque oculos tollens ad ſidera , Regem
 Aeternum cranit ſupplex ; ne linqueret illum
 Inter tot rerum discrimina , totque labores .

A D P T O L E M A E V M Gallium Cardin.

A R G V M E N T V M .

Quæ dixerit Dauid poſt adulteriũ , & Vriæ ne-
 cem , delictorũ ſuorum à Deo ueniã petens .

O Bſcuro in thalamo , et teſti in penetralibus altis
 Aetheream lucem exoſus , vitamque ; ſuosque ;
 Atque atra obductus lena , cum ſidera nondum
 Pallida ſunt luce Eoa : nondumque uirentes

Pastor oves agit in silvas: quæ sudit ab imo
 Pectore rex David dirum post funus Vriæ
 Admissumque nefas quondam, ò Ptolemæ latinis
 Audire haud pigeat numeris: nam tu quoque amabas
 Ausonios vates, Graiosq; & dulcibus annis
 Condebas felix, & non ignobile carmen:
 Si fors ipse vacas, nec te tenet ardua moles
 Tantarum rerum tanto sub principe, quo non
 Est mage pacis amans, aut observantior equi:
 Felsina quem genuit Tuscorum regia quondam.

O facilis precibus flecti, lachrymisque precantum.
 Has voces audi Omnipotens, quas fundimus ad te
 Consuetum lapsis veniam dare; & ablue sordes,
 Me miserum quibus immersus: nunc & quia nostrum
 Vultus eget magno auxilio, cura que salubri;
 Ablue me semel, atque iterum; nec desere: namque
 Peccatum admissum agnosco; quod semper oberrat
 Luminibus coram nostris noctesque, diesque.

In te magne pater, & te spectante nefandum
 Commisi scelus: & si nunc tua tot beneficia
 In me commemorares, cunctis notissima quæ sunt,
 Diceris iustus, verum ipse ingratus, & exlex.
 Non ratione ipsa impulsus, sed corporis huius
 Illecebris tunc succubui: nam mater in istis
 Criminibus mea me genuit; quæ semper in ortu
 Cum primum has haurit vitales luminis auras
 Fert secum mortale genus genitricis ab aluo.
 Tuque tuis armis tegis illos, conscia quorum
 Pectora sunt veri, nec quenquam fallere norant.

Meque tuo egregium fecisti munere vatem
 Omnipotens: & erant densis quæ occulta tenebris.
 Et ventura olim nostrorum in secla nepotum

Fecisti

Fecisti manifesta mihi: verum immemor huius
 Muneris, & tanti meriti, tua numina lasi,
 O rerum custos haud vno crimine: sed tu
 Da veniam, atque mei ex animo miserere precantis:
 Sim licet ingratus: nam si me aspergine sacra
 Hyssopi lustrabis, ero tunc lotus, & atra
 Labe carens, niue candidior, implebis & aures
 Letitia nostras, & languida robur in ossa,
 Ossa diu gemitu & lachrymis consumpta redibis.

Ipse alio deflece oculos; ne crimina nostra
 Aspicias; ea me assidue sed respice flentem;
 Atque animo sordes, curasque expelle sequaces:
 Et nouus ille habitet rationis spiritus in me:
 Corque novum mihi sit post hac: nec me procul arce
 Alme tua pater à facie; sed spiritus aure
 Celestis semper soueat tuus, & mihi redde
 Letitiam, qua dum colui te ritè, fruebar.
 Auxilioque tuo ne me pater exue; mentem
 Infirmam ratio imperitans fac firmet in horas.

Hoc si præstiteris, noctesque, diesque monebo
 Errantes homines à recto tran.sire, ut ad te
 Consugiant; & ero exemplar, præcoque tuorum
 In me tantorum meritorum: ipse exime noxa
 Me caput, auctoremque necis, scelerisque nefandi.
 In laudes tunc ipse tuas mea pleetra mouebo.
 Tuque aperi mea labra pater; pater alme, meumq;
 Os de more tuas dicet tibi carmine laudes.
 Si fieri vitula voluisses; scilicet aram
 Victimam multa tuam tinxisset sanguine: nec tu
 Sanguine letaris pecudum, dum sacra litamus:
 Ast si delicti est animus sine labe, doletve
 Crimina si sua quis lachrymans, vitamque nefando

Duxisse in luxu: Deus hunc haud despicis: at tu
 Auxilio refoue Syon, vt mœnia possit
 Iam collapsa diu sarcire, & condere carmen,
 Ferreque sacra tui templi, & mea nabl'a plectro
 Percutere, & vitulos audis imponere flammis.
 Hæc tibi semper erunt cordi solemnia sacra.

A D I A C O B V M P A C T V M

Siculum Mamertinum.

A R G V M E N T V M.

Inducit Hebræos Babylonicam captiuitatem
 deplorantes: Babylonique male precantes.

NEC tu carminibus sacris indictus ahibus
 Pæle mihi, ob cædorē animi, & mirabile acu
 Ingenij, omnigenasq; artes gratisime cunctis, (mea
 Non nihil hæc etenim debent tibi carmina: nam tu
 Hæc argumentis ornasti insignibus: etsi
 Illa tibi celeri calamo perarata fuissent.
 Audi; cum fueris incommoda plurima passus;
 Quæ captiui olim, regnique è limine pulsi
 Dixere Isacida ad Babylonis flumina magna.

Qua vagus Euphrates Babylonem interluit undis:
 Illic nos iuxta latum confedimus amnem:
 Fleuimus, & ripæ lachrymis maduere profusis;
 Anxique erecto suspiria duximus ore
 Aetheris ad conuexa: tui sed non tamen vnquam
 Immemores dilecta Syon; vbi matris ab aluo

Egresfi.

Egressi, has puri nos luminis hausimus auras;
 Et salicis citharam ramis suspendimus altis.
 Tunc illi, qui nos rigida sub lege premebant,
 Bellando nostræ captos sub mœnibus urbis:
 Talia iactabant in nos ad fluminis undam?

Eia agite ò iuvenes nobis tantate vicissim
 His ripis alta Syon memorabile carmen.
 Sed nos, quo procurua modo prope flumina magni
 Euphratis; terraque alia, & regione morantes,
 Diuinum Domini carmen, laudesque canemus?
 Irridensque sacros gens audiet impia cantus.

Quod si Hierusalem templi, rerumque tuarum,
 Oblitusue tui fuero venientibus vnquam
 Temporibus, mea dextra mihi sit inutilis, & nec
 Aptæ sit aura o percurrere nabilia plestro:
 Et mea lingua meis simul hæreat arida siccis
 Faucibus; vt canere haud valeam, aut persolvere grates
 Rite Deo, memor ipse tui si non ero semper:
 Atque meis nisi latitis, rebusque secundis
 Prætulero te Hierusalem, cum mœnia quondam,
 Et templum, atque urbis tecta instaurata videbo.
 Et cum sacra feram nostro solennia templo;

Gentis Idumææ memor esto & conditor orbis,
 Et misere illius lucis, quæ gens sera dixit.
 Vos vastate domos, imoque euertite fundo
 Mœnia; nec lapidi lapis hæreat: & cadat omnis
 Hierusalem; templumque à culmine corruat alto.

Tu misera ante alias Babylonis filia gentes;
 Quæ nostris nunc lata malis, nostroque superba
 Seruitio exultas; ventura est in scia cladis.

Quid dicam infelix Babylon? erit ille beatus,
 Qui tibi damna dabit, quæ nos accepimus à te;

Et qui te bello euerter; dehinc inferet ignes;
 Et dulci matrum amplexu, gremioque gementes
 Anellet natos, saxoque illidet acuto.

A D S E R A P H I N V M O L I -
 uarium Gallum Rotæ Auditorem.

In duritiam cordis Iudæorum.

A R G V M E N T V M.

Inuehitur in Hebræos: qui cum cælum, atq;
 elementa omnia auctorem suum cogno-
 uissent: soli ipsi perpetua cordis duritia
 laborauerunt.

Hebraeum quondam populū dominator Olympi
 Cernicis dura populū, Seraphine, vocauit:
 Namq; deos coluit toties, quos sacra vetabat
 Lex Moſis, patre ab æterno descripta tabellis
 Marmoreis: Deus omnipotens hunc duxit ab oris
 Aegypti in latas sedes, promissaq; regna:
 Illorumq; fuit Deus hostibus hostis, & illos
 Protexit semper clypeo, fouitque: nec orbe
 Toto erat vlla magis gens summo grata tonanti:
 Et tamen obliti meritorum externa colebant
 Numina; & illorum redolebat odoritus ara.

Vnde Deus multis olim si cladibus illos
 Affecit, meritò affecit, liquitq;: nec vlla
 Illorum remanent veteris vestigia regni:
 Regnum etenim penitus Iudas amiserat; ex quo
 Externum vidit regem fruisse potentem

Hiern.

Hierusat em haud miti imperio : quo tempore nasci
 Infans ex Maria debebat Virgine Christus :
 Illorum ut uates venturi haud inscius aui
 Prædixit dicens . Non Iudæ regia perdet
 Sceptra domus ; donec veniat Rex magnus, et ipsum
 Ipsum omnes gentes qua Sol cadit expectabunt,
 Quaq; redit , rediensq; diem fert lucidus orbi.

Nec Christum agnouit gens hæc incredula : quãuis
 Illius longè facta admiranda videret :

Nam solo cunctis verbo languentibus omnes
 Expulerat subito penitus de corpore morbos :
 Reddiderat mutilis membra ; & vestigia claudis
 Aequarat solito gressu : lumen dabat illi ,
 Qui nunquàm vidit lucem : & reuocabat ab oris
 Infernis homines ad cali luminis auras ;

Præcipuè Mariæ fratrem ; Betania tellus
 Quem tumulo exanimum iam quarta luce tenebat ;
 Et propè iam in terram gelidos mors verterat artus ;
 Iaculabatq; grauem malèolens iam corpus odorem .

Hunc tamen ad superas oras reuocauit Iesus :
 Quem circumsusa gentes videre mouentem ,
 Tollentemq; caput tumulo, & sua verba loquentem ;
 Atq; cibum capere, & positis accumbere mensis .

Agnouere Deum præsentem elementa, poliq;
 Quem Virgo dederat partu : nam regia Cali
 Conspiciam ediderat stellam, quæ duxit ab oris
 Aurora ad Solymorum urbem tunc terna ferentes
 Dona Magos Christo infanti. Sol insuper ipsum
 Aethere prospiciens morientem obscurus ab alto
 Immersas liquit picea in caligine terras ;
 Tantorum ne tunc scelcrum spectator adesset .

Et mare cognouit Dominum ; cum feruida ventis

Aequora placabat verbo : cognouit & illi
 Calcandum cum se exhibuit ; vestigia Christi
 Abluit haud rapida vnda maris ; licet ille per vndas
 Ferret iter. Tellusq; illo moriente dedit tunc
 Signa sui expirantis heri : nam victa dolore
 Ingenuit, tr. muitq; sacro madesacta cruore
 In cruce pendentis Domini : & ceu fusile lignum .
 Sunt scissæ lapidum m. les, velumque repente
 Est templi scissum in geminas (mirabile) partes.

Agnouit barathri sedes , animasq; remisit
 Sanctorum plures : nam corpora multa piorum
 Surrexere virum , & multis sunt visa : sed ipsa
 Nesciuit Iudæa suum Dominiūque , Deumque :
 Viderit illa licet templo, & per compita Christum
 Summi æterna Patris populos præcepta docentem ;
 Quem venturum olim Bethlem prope mœnia norat.
 Quin in eum lapides iactare uolebat : at ipse
 Abscondit subito se se , templumq; reliquit .

Hæc cecini Seraphine , Deo dum tu colis urbem
 Ante alias longè gratam ; quam diuidit vnda
 Tybriōis , intortoq; petii salsa æquora cursu:
 Esque viros inter duodenos , qui sacra reddunt
 Iura simul populi , quos aspicit auricomus Sol :
 Tuque tua te tellis humo probitate , tueq;
 Ingenio ; tendisq; viam vaga sidera versus ,
 Iustitiæ pectus miro inflammatus amore .
 Interea nostri non immemor hoc lege carmen.

IN ASSUMPTIONEM B. MARIAE VIRGINIS.

Ad Matthæum Contarellum Ceno-
manum Gregorij xij. Datarium,
ut vulgo appellant.

ARGUMENTVM.

Maria aduentante mortis hora , duodecim
Apostolos, ex diuersis orbis partibus diui-
nitus illuc allatos : narrantesque quæ pro
Christo fecerint , quæq; passi fuerint, con-
solata : atque ad quaslibet acerbitates pro
eo perferendas exhortata : sanctissimâ Deo
animam reddidit: quæ magna Cælitum læ-
titia in summû cæli fastigium recepta est :

S Candentem postquam natum sanctissima Virgo
Vidit Olympiacas sedes , atq; ardua cæli
Atria ; quæ lux clara peto lateque resulget
Splendidior Solis radijs cum surgit ab alto .
Et cælum , nitidaq; relucet lampade tellus :
Et recolens illum redyssi ad luminis auras
Post ternos Soles barabri è caligine densa :
Et tandem à nato se se in supera alta vocari:
Ipsa parens studio ingenti loca sacra petebat
Supplicibus venerans votis : nam vixerat annos
Ipsa aliquot dulcis post nati funus acerbum :
Fuerit quo vatum monimenta antiqua videbat

Ad finem perducta suum, certamque salutem
Morte dedisse sua populis, stirpiq; futurae.

Multa animo euoluens miracula, nunc quibus agris
Auxilium tulerit, viliq; exurgere lecto
Infferit, & digito surdas rechiſerit aures;
Oraque, luminaque, & gressus aquauerit ipsis
Haud pariles claudis; hominumq; e pectore monstra
Expulerit; monstra e caelo detrusa profundum
In barathrum; ad superas & quos reuocauerit auras.

Quod natum in templo ternos post deniq; Soles
Quaſierit mœrens etiam; cum sede sederet
Inter primores vrbs, templique ministros;
Et patris aeterni inuenit præcepta docentem.
Deinde locum accessit; vacua qua rupe labores
Non ullos experta, solet quos sæmina partu;
Nullum passa virum peperit regemque, Deumque.
Crediderim Christi matrem dixiſſe prius, quam
Defereret lucem hanc; nostrisq; recederet oris,
Talia, deserto sistentem in limine gressus.

Ante alias felix sedes, & conscia nostri
Virginei patris salue: tibi cernere Christum
Fas fuit hoc tectō natum, cum luminis auras
Primum hausit puer ipse; noua cum luce refulſit
Hæc sedes quanquam nigranti inuolueret orbis
Nox vmbra molem immensam; carmenq; cauentes
Audiſti aligeras acies, plaususq; per altum
Æthera; pastoresque rei nouitate, nouaq;
Attonitos luce in densis radiante tenebris
Vidiſti. tu testis item quæ munera gentes
Attulerint; quas stella micans deduxit ab oris
Aurora, & puero dederint. Sed tu quoq; salue
O nox; quæ nobis tot gaudia lata tulisti,

Cuiq;

Cuiq; frui licuit diuinis cantibus: & mox
 Accelerans Solymam redijt: dehinc luce sequenti
 Vicinum lachrymis persusa tepentibus ora
 Conscendit montem; quo nati corpus in alta
 Exanimum cruce conspexit: dehinc anxia dixit.

Hoc te nate loco aspexi, cum barbara gens te
 Ducerethorribilem ad mortem; palmasque, pedesq;
 Transfixumq; latus, & spinea ferta gerentem.
 Prò scelus; hic turpi tua languida lumina morte
 Conspexi; & terram maculantem sanguine multo.
 Et mox ad tumulum Christi uestigia fleclens,

Hic ego te lachrymans, inquit, dulcissime nata
 Ipsa sinu accepi respersum membra cruore:
 Te vidi & positum nocte adueniente sepulchro.
 Hos, Symeon luctus olim cecinit mihi, dicens.
 Ipse tuum pectus transfiget letifer ensis.

Aduenit tunc illa dies mihi amara, mihiq;
 Dura nimis matri, his oculis tam sœua videnti.

Hos dabat, atq; alios gemitus mœstissima mater,
 Marmoreum manibus geminis complexa sepulchrum.

His dictis, ad montis iter iuga frondea durum
 Fleclit oliuiferi: quæ postquam venit ad alta
 Culmina, suspexit calum, & sic ore locuta est.

Nate Patris summi noua gloria, spesque, salusq;
 Certa hominum, duce quo calum sperare iubemur:
 Linqwentem hic humiles terras, & regna petentem
 Debita te Chryste his oculis mea viscera vidi;
 Atque choro procerum magno comitante secantem
 Aethera, caelestesq; vias stellantis Olympi.

Ast ego cur sine te his terris moror? accipe tecum
 Hanc animam, corpusq; iube & me linqwere sedes.
 Has humiles, tecumq; poli in penetralibus anam

Discere

Ducere perpetuum, promissaque cernere regna.

Talia dicebat tantos meditata labores.

Sed suprema dies cum iam aduentaret, & aura

Vitalis Maria mortales linqueret arius:

Diversis subito rapti: e regionibus adsunt

Bisfeni procures, quos olim elegerat ipse,

Ipse sibi comites Christus, sociosque laborum.

Ille licet sedes talas, hic Persidis vrbes,

Ille & odoratos felici gramine campos.

Et subiecta alius septem quanquam arna trioni

Lustrarent, iussas vi quisque accesserat oras:

Vi Mariae extremo de orarent sumus honore.

Protinus inuisunt dilecta limina maris

Multa volutantes alto sub pectore, & illam

Accedunt, illamque alacres vno cre salutant:

Quos placido excepit vulu, latataque mentem est.

Dum sua quisque refert quae sit mala plurima passus

Dum populus fidei iactat fundamina nostra;

Perque maius ipsorum etiam miracula narrant;

Qua fecit Deus omnipotens vulgata per cras:

Quas ingens mare circumdat, atque alluit undis.

Tunc Virgo grates egit pro munere Patri

Aeterno; atque illos ob nati numen acerbus

Tot passus, & plura pati est hortata, necisque

Omne genus, dicens illis, post funera quae vos

Regna manent, nati o comites, dum viueret, & post

Illius mortem vestigia sancta secutos.

Ergo ubi vitales auras Maria alma reliquit,

Reddidit atque animam Solis radiantis amictam

Luce noua, septamque choro per inane canentum

Alipedum illius laudes, natique, Patrisque.

Aethereum in thalamum Virgo est assumpta; sedet quo

Stellanti

*Stellanti in folio regum Rex magnus; & astra
Aurea circumdant illam: supraque nitentes
Alituum exaltata choros, effulget amicta
Sole inter caelestum animas radiantis Olympi.*

*Tunc latè insonuit variis concentibus aether,
Et nova lux calo effulfit, plausumque dedere
Tempia per aetherei ciues caelestia: suntque
Diuina aduentu testati gaudia matris.*

*Hoc media cecini carmen testudine; qua se
Aerias templum Ludouici attollit ad auras,
Contarelle decus Celtarum insigne potentum;
Hic ubi Mygdonio è saxo nunc construis aram
Alma sacratam Mariae Salue inclyta Virgo;
Quae caelum, & noua regnatenes; nos aspice Olympi
Excessa de sede; viamque ad sidera nobis
Da facilem: ut tecum, postquam funesta dies nos
Lumine depulerit tristis vitae, astra petamus
Calicolum digni aspectu, & caelestibus oris.*

A D F E R R A N D V M

Farnesium Episcopū Parmensem.

A R G V M E N T V M.

*Mariam Virginem amplissimis laudibus
celebrat.*

DV M colis egregiā, quā Parma interluit, urbē,
'nuisq; tuos populos, templiq; ministros:
Quo pastore greges carpunt bona gramina siluis,
Atque bibunt liquidos subter nemora ardua fontes;
Optatosq;

Optatosque ineunt ad Parmae flumina somnos:

Ferrande hoc sacras mecum dic carmen ad aras
Virginis in laudem genitricis; quae dedit almam
In lucem auctorem lucis; quo sola refertur
Nostra salus; via qui recta est ad lucida caeli
Atria, & ad superas sedes radiantis Olympi.
Sim licet ingenio tenui, nec diuite vena
Contexam tales versus, quales sacer olim
Condiderat David venturi haud inscius aui
Summum concelebrans aeterna laude parentem.

Alma Dei genitrix virgo, ut cecinere beati
Tot vates; ne sperne preces, quas fundimus ad te
Unanimes, & thura, sacris quae incendimus aris.
Aspice, dum templi postes ornamus odoris
Floribus, & solijs bene olentibus; & bene facta
In nos dum canimus tua, te & veneramur ad aras:
Aspira; pijs votis: nam certa salutis
Es via tu nostra: tu nunquam fallis amantes
Te, puerumque tuum, summi tu sola potentem
Concilias nobis caeli, tarreque parentem.
Et tu stella maris; quae non se condit, ut astra
Cuncta solent; toto irradias tu semper Olympo:
Cui cedit splendere nitens Luna, & rutilus Sol;
Ille diem terris quamquam vehat; & vehat illa
Sydereae noctis clarum pulcherrima lumen.
Et tu mente humili es putus virgo alma profundus:
Tuque eadem insigni virtute es turris ad astra
Te tollens; & sydereis te sedibus infers.
Te supera alta colunt; sedesque inferna tremiscit.
Te genus obseruat mortale, vocatque parentem
Intactam; partu quamvis hominemque, Deumque
In lucem claram edideris Davidica proles.

Tuq;

Tuq; choro elata super sanctissima Virgo es
 Alium, qui regna tenent caelestia. Tuq; es
 Cedrus odora velut; quae pridem educla supremo
 In Libano summum sublimi vertice vincit
 Aera, & aeris se se ardua nubibus infert.
 Purior es Solis radijs, cum surgit, & oras
 Luce noua primum Eoas, dehinc littora nostra
 Illustrat. tu palma etiam pulcherrima siluas
 Inter Idumaeas, oleae tu fertilis arbor
 In campis speciosa nites, tu flumina ad alta
 Se tollens platanus frondoso vertice; tuq; es
 Pestano rosa nata solo, Hiericoue rubenti.
 Tu nitidi solis radios induta, premisq;
 Tu Lunam pedibus, et te duodena coronant
 Sydera: tuq; etiam radianti incedis amictu
 Virgineo comitata choro, tibi plausibus aether
 Insonat; & caeli fundunt noua carmina ciues;
 Atq; tuas celebrant laudes, tibi nec draco soli
 Antiquus nocuit, quamuis capita ardua haberet
 Septena, & species foret illi corporis ingens.
 Tuq; pudicitiae speculum mirabile: nanque
 Nulla in te macula est, caeli tu pulchrior astris.
 Gloria tu vatum; quondam qui carmine Christi
 Ex utero cecinere tuo sub luminis auras
 Venturum: lucem insolitam mortalibus agris,
 Errabant qui tunc tenebris, virgo alma tulisti.
 Te iuuenum pennata cohors plaudentibus alis
 Concinit, & resonat concentibus arduus aether.
 Tu caeli iubar es, tu caeli ianua, quae iam
 A nato patefacta tuo est, tu perpetuus fons,
 Ex quo dulcis aqua leni cum murmure riuus
 Effundit se se, & secundos irrigat hortos;

Quos nostri coluere patres; quos & colit o mnis
 Gens; seruat quæ nunc summi præcepta parentis.
 Et summi tu sponsa Patris, tu mater Iesu;
 Mortales maculas fuso qui sanguine tersit;
 Pro nobis Maria alma tuum natumque, Patremque
 Aeternum exera: nos ut post funera dignos
 Efficiat pietatæ suæ caelestibus oris.

LAVDES BEATÆ MARIÆ VIRGINIS.

Ad Gabrielem Paleottum Cardinalē.

Titulus sit pro Argumento.

DVM Paleotte hominū vitas, & crimina discis;
 Spargis & in populum diuini semina verbi
 Commissum tibi; nec pateris se attollere campis
 Infelix lolium; atque malas radicitus herbas
 Vellis; & ardenti siccas das insuper igni.
 Huic & oues da Christe tuas ita pascere; quæ nunc
 Felsineos tondent saltus, securaque potant
 Flumina: ut ipse olim valeat tibi reddere nulla
 Insectas scabie, non vellera cana peresas
 Illuvies: at tanquam fluuio demersa salubri
 Exuperent parium marmor candore, nivesque.
 Ipse canam Mariæ laudes, sed non tamen omnes:
 Quas qui scire velit, idem numerabit aristas
 Flauemes; secat in campis quas falce colonus
 Incola totius terræ, fluctusue marinos.

Quæ te voce canam; quibus & te laudibus ornem
 Terrarum

Terrarum, calique decus, purissima Virgo?
 Ipsa etenim primi nata es sine labe parentis:
 Ortus & est Sol iustitia Christus Deus ex te:
 Qui mortale genus tenebris, & nocte profunda
 Errantem in nitidam lucem lux ipse reduxit:
 Qua sine non surgens accenderet aurea vesper
 Sidera; non Solis radij, non candida Luna
 Lustrarent molem hanc orbis; vagus ille tenebras
 Dum pellit lucem inducens; Luna aurea claris
 Sideribus comitata; suo dum lumine vestit
 Sublustrum calum, & pelagus, terrasque patentes.
 In sua vota vocat te nauita; cum mare fundo
 Aestuat; & rapidi volunt freta concita venti.
 Inque fugam aduerso conuersus miles ab hoste
 Te semper vocat auxilio: siluisque uiator
 Luciferi insidijs hominum deprensus in ortu
 Alta suos tendens ad cali sidera vultus,
 Illorum duce te sperat se euadere fraudes.
 Te mulier dubij metuens discrimina partus
 Inuocat extensis manibus, pictamque tabellam,
 Donaque multa tholo partu iam libera figit
 Mortales summis celebrant te laudibus omnes;
 Qua linquit nos Sol, & qua se tollit ab oris
 Auroræ, secum ducens lucemque, diemque.
 Tu nitidum calies lumen: tu regis ab alto
 Sanguine Davidis longo genus ordine ducis.
 Diuini genitrix uerbi, rerumque parentem,
 Vnigenamque tuum nobis sanctissima Virgo
 Concilias; ira accensi, iustoque furore
 In nos sint quauis Tu præstantissima Virgo
 Es longe formosa; licet sis fusca colore.
 Tu nostri generis longè prælata puellis

Omnibus es pater ab aeterno : et quem non capit orbis
 Maximus , ille tua , tua viscera Christus in alio
 Se clausit : quem mox natum prope parvula Bethles
 Mater adorauere Magi tria dona ferentes.

Tu tutela homini es , morbo cui languet acerbo
 Corpus : & inclusos non linguis carcere iustos.
 Tu virga es lesse : tuq; es Gedeonis in agro
 Rore leui madidum vellus : tuq; es rubus altis
 Eduellus filius ; quem flamma inuoluerat ingens :
 Qui (mirum) vt magno non est combustus ab igne ;
 Sic tua virginitas non lesa est ; tu licet almam
 In lucem sobolem dederis Virgo incluta partu.
 Nam qui virginea Maria conceptus in alio est,
 Ipsam, conciperet dum Virgo , prorsus ab omni
 Labe pudicitia seruauit ; & editus auras
 In tenues idem matris seruauit honorem ,
 Virgineumque decus concessum munere a ipso
 Patre Deo Maria soli , admirabile donum.
 Et quem dum pareret non est perpeffa dolorem ;
 Hunc post mæsta tulit dilecti in funere nati.
 Nam quem rectorem superum , rerumq; parentem
 Insolito partu agnorat ; tunc turpiter inter ,
 Ceu fontem, fontes positum conspexit ; acerba
 Tristitia concussa animum , corpusque dolore ,
 Ceu gladio matris prae cordia ad intima adacta.
 Quid nam splendidius Maria est ; quæ splendor ab alto
 Descendens caelo elegit ? Quid purius illa
 Quæ Christi corpus genuit sine corporis vlllo
 Contactu alterius ? Quid nam formosius illa ;
 In terris , cui concessum post funera soli
 Assumi æthereas vna cum corpore sedes ?
 Atque illa quid nobilius , quæ sola supremum

Perre utero meruit calis, terraeque parentem?

*Alma Dei genitrix Virgo, qua clarius ullum
Lumen nec terra, nec habent celsa atria calis;
Dum nos exigua hac cymba freta mota tenemus
Incerti quo nostra ferant vaga lintea venti,
Spirantes modo ab axe, riget qua frigore tellus;
Et modo qua madidis Ausser ruit horrifera alis:
Da nostram hanc puppem portus intrare, mariq;
Per fluctus tutam ire viam. non te duce Syrtes
Non Malea horribiles cautes, fluctusq; timebo.
Unigenamque tuum, mihi qui dominusq;, Deusq; est,
Et fuit, & mihi semper erit, ne deferat ora:
Ne veluti steriles ornos, filicumque maniplos
Ignibus inijciat rapidis me, post ubi vita
Liquerit exangues artus, iaceamque sepulchro.*

IN MICHAELM ARCHANGELVM.

Ad Siluium Antonianum Romanum.

Ob breuitatem argumento non indiget.

D *Educlum hoc mecum carmē Michaelis ad aram
Dic Silui, precibusq; Deum, ut nos audiat ora
Assiduus, pietate sua: nanque ipse sacerdos
Aeterno tu saepe facis pia sacra parenti:*

*Dux exercituum Domini clarissime & omnis
Militiae illius, sumptisq; acerrime telis:
Luciferum qui elato animo de sedibus alti
Aetheris in barathrum bellando detrusisti,
Illiusq; simul comites: tu posce parentem
Aeternum, ut dignos faciat nos sedibus illis
Post obitum, quas haec olim gens sena colebat.*

IN S. IOANNEM BAPTISTAM.

Ad Ioannem Baptistam Stellam Bri-
xianum Vincentij F. congrega-
tionis Casinensis genera-
lem Procuratorem.

A R G V M E N T V M.

Celebrat Ioannem Baptistam, quod è matre
sterili diuino miraculo natus sit: quod ad-
huc puer in deserta loca secesserit: quod
plurimos, & in ijs Christū in Iordane bap-
tizauerit. Postremo deplorat eius necem;
quod longè omnium præstantissimi vatis
caput meretriculæ filia in precium vnus
saltationis acceperit.

T E M P O R E quo sceptris immitis Iudæa tenebat
Crudeli imperio Herodes de semine turpi
Cretus Idumæo: nec adhuc Saluator in aluo
Virginea Mariæ Christus iam sumpserat artus
Humanos: claro de sanguine Zacharias
Vir fuit; & tota vates celeberrimus urbe
Hierusalem; coniux erat huic sanctissima matres
Elisabet Solymas inter de sanguine Aronis:
Quæ sterilis longum mærens transegerat æuū:
Quos multa circumiundebat tarda senectus
Canicie, prolis spes & defecerat omnis;
Quamuis sæpe pijs precibus, lachrymisq; parentem
Aeternam orassent optata munera prolis.

Ambo-

*Amborum tandem miserans pia vota , precesque
Audijt Omnipotens : festa nam luce sacerdos
Cum faceret sacra in templi penetralibus ; atq;
Ferret thura Deo peragens mysteria , sacri
In dextro altaris cornu pulcherrimus ore
Nuncius effulgens radiantis sideris instar
Astitit , haud ulli visus , nec cognitus ulli.
Percussus subito obrigit terrore sacerdos ;
Et concussa metu mens est. Tunc talibus illum
Nuntius alloquitur calo demissus ab alto .
Ne trepida longae senex , ast excute nanum
Corde metum : nam te calo Deus audijt alto
Orantem precibus una cum coniuge : coniuxq;
Elisabet tua sit senio licet obsita longo ,
Tuq; simul ; tibi concipiet tamen illa virilem
Progeniem ; partu puerumque enixa parentem
Te faciet ; quo nec maior , nec sanctior inter
Vllus erit tunc mortales : dehinc pauca locutus
Sustulit in caelum se versicoloribus alis.
Ast ubi promissi venerunt tempora partus ,
Luxque optata diu caelesti effulsit ab arce ,
Infantem Elisabet genitrix effudit ab aluo.
Vndique conueniunt consanguinitate propinqui :
Totaque Iudae pubes montana peragrans
Confestim tendunt ad limina Zacharia ;
Et teneri cupiunt pueri sacra tangere membra ;
Atque insperata celebrant natalia prolis ;
Lantaq; dispositi ducunt conuiuia mensis.
Vix puer interea teneros expleuerat annos ;
Cum liquit patriam , & nemorum deserta petiuit ;
Hic ubi siluestris sugebat pabula mellis ;
Atque dabant victum fructus , quos silua ferebat :*

Sedabantq; sitim fontes ; durumq; cubile
 Instratum ramis antrum praebebat in alta
 Rupe patens : non vestis erat saturata colore
 Sidonio ; at corpus totum vestibat amictus
 Consutus villis temerè vlla haud arte cameli.
 Postquam illum firmata virum iam fecerat aetas ;
 Aeterni patris monitu nemora alia reliquit ;
 Et liquidi accelerans Iordanis venit ad amnem:
 Atq; homines vitæ exactæ commissa monebat
 Delerent lachrymis , spargens fluuijalibus undis.

Deinde redemptoris Christi venerabile corpus
 Abluit : id veluti indignus quod tangere primum
 Abnuerat : niueæ sub imagine deinde columbae
 Spiritus è caelo lapsus supra astitit illum ;
 Voxq; patris dulcem nati testantis amorem
 Audita. Hinc Christum tollentem crimina mundi
 Exclamat , monstratque Deum certissimus index:
 Quem Virgo peperit nullos perpeffa dolores ;
 Quem toties Solymi uates cecimere per oras
 Iudaeæ venturum olim de semine Dauid ;
 Ausferret primi qui mox peccata parentis :
 Atque fores clausas , summi & penetralia caeli
 Panderet ; atque hominem è terris trāsferret Olympo.

Dum verò Herodem argueret de crimine ; qui tunc
 Vxorem fratris thalamio sociarat iniquo ;
 Insidias odio mulier stimulata parabat ;
 Perderet ut vatem tanti sibi conscia probri.

Ac dum rex medijs ageret conuiuia lectis
 Natali redeunte suo ; pedibusq; puella
 Plauderet hic choreas incæstæ filia matris ,
 Docta mouere pedes , & se conuertere multos
 In gyros simul ad dulces citharæque , lyræq;

Concen-

Concentus ; regi placuit , cœtuq; virorum.

Tum dapibus , vinoq; madens rex talibus infit .

Explora , ò virgo longe formosa , quid optes :

Ipsa licet poscas à me , dulcissima , regni

Dimidium ; nullam patieris spreta repulsam.

Illa caput petijt , referens mandata parentis ,

Carcere præclusi dudum Ioannis : & esset

Quanquam rex tristis ; iussit tamen ilicet ense

Ioannis caput abscindi : quod læta puella

Attulit ad matrem disco fulgente repostum.

Crudelis , pateram potuit qui sanguine plenam,

Abscissumque caput tanti venerabile uatis

Cernere conuiuas inter , mensamque , dapesq;

Illa luce , hausit qua primam luminis auras.

Lugete ò virides siluæ , & resona conualles ,

Antraque , & exesa rupes , quas ille colebat

A teneris annis , primoq; à flore iuuentæ :

Nam nece Ioannes raptus vos liquit ; & vltra

Fas erit haud illum siluis audire canentem

Aeterni patris laudes , venisseq; pacis

Auctorem , lucisq; Deum sub paupere forma .

Verum occultantem numen , caligineq; atra

Adæniisse homines reuocare ad limina vitæ.

Hæc sunt quæ cecini flauas ad Tybridis vndas

Illius in vitam , & mortem ; quem nomine reddis

Ioannes Baptista , tui non immemor vnquam :

Nam veluti cunctos caelestes diligis inter

Præstantem meritis Baptistam : sic ego semper

Te colui , semperq; colam venientibus annis ,

Donet me calispirabilis aura fouebit.

Tu quibus officijs me inueris ; abdita seruo

Scilicet æternum memori sub pectore gratus.

D

Natus.

Naturaque tua facili doleo, atque carere
 Stella tuo dulci alloquio, pariterque parentis.
 Sed vice sermonum tibi erunt hæc carmina nostra
 Exoptata tibi; donec me Brixia, tuque
 Post hanc inuisam æstatem, Solesque videbis.

PRECATUR DEVM SVB

persona Ioannis Baptistæ Stellæ
 Monachi Congregationis
 Casinensis.

ARGVMENTVM.

Sub Ioannis Baptistæ persona se, suosque
 Deo commendat.

DA mihi consuetum robur, nec desere: nanque
 A teneris in te posui mea vota, meamque
 Spem, Pater omnipotens, omnem: rebusque paternis
 Posthabitis; non ignarus, qui te colit vnum.
 Ex animo, & tua sancta libens mandata sacrosit:
 Sit rapida quamvis Malea penè obrutus undis;
 Ionione mari ventis surgentibus illum
 Incolumem seruas: quique in te vivit ab omni
 Semotus rerum cura, populi que tumultu;
 Non eget Attalicis opibus, regumque potentum
 Auxilio aduersis in rebus: nec magis ulla est
 Victimæ grata Deo, quam mens sincera, fidesque,
 Et vacuum sceleris pectus: sed tu mala nostra
 Gaudia pelle procul mentis; seruaque precantes

Meque,

*Meque, meosque simul; qui te de more canunt, dum
Sol lustrat terras, & postquam cecidit Olympo.*

IN PETRI VINCVLA.

Ad Pyrrhum Tarum Romanum.

ARGVMENTVM.

Narrat quo pacto D. Petrus ab Herode in carcerem coniectus, diuinitus sit liberatus.

Herodes vlli haud hominum feritate secundus,
Scilicet & Solymo tumidus prae corda regno:
Maior Iacobus ferro postquam illius auram
Vitales morte indigna, & sine crimine liquit:
Iudeis morem vt gereret, mandauit & ipsum
Insontem claudi tenebroso in carcere Petrum,
Sacra volens illum cupido Paschalia demens
Proxima post vinctum populo producere, eumque
Supplicio afficere horrendo: mora nulla ministri
Arduos Petrum latebroso in carcere condunt;
Quem duo custodes seruabant compede vinctum
Hinc, atque hinc positi, posita & custodia porta:
Cunctorum interea mœrebant turba piorum:
Fundebantque preces sua lumina conuertentes
Aetheris ad Regem supremum; ne caput atro
Linqueret ipsorum coniectum in vincla Simonem
Carere: sed spatii cum nox equalibus altum
Humida diuideret calum, & iam somnus haberet
Per terras mortale genus, pecudesque, ferasque;
Velle & Herodes illum producere primo

Mane necem ad saenam : summo demissus Olympo
 Aliger est iuuenis iussu patris omnipotentis
 Humanam speciem referens ; & carceris atras
 Ingreditur latebras : quo protinus ipse resulsit
 Luce noua aduentante locus ; altoq; sopore
 Excitat oppressum Petrum , dextraq; iacentis
 Percutiens latus hac dixit . Surge eia age Petre.
 Ad vocem illius subito se erexit , & alto
 Corripuit se se è somno ; manibusq; cathene
 Confestim fluxere : dehinc ita nuntius insit
 Aliger . Ipse tuis nunc te indue uestibus , & me
 Actutum sequere accelerans : tunc impiger illi
 Paruit , harebatq; pedi pes illius ; & iam
 Aequabat iuuenis gressus properantis ad ipsam
 Carceris eratam portam , quæ spectat ad urbem ;
 Olli quæ subito patuit : Petrusq; putabat ,
 Dum iuuenem sequitur , se somnia vana videre .

Cumq; vrbis partem transissent ; ductor in auras
 Aerias properè pansis se sustulit alis.
 Celeste auxilium summo de vertice cali
 Demissum agnouit Petrus : nam reddita postquam
 Illius menti lux est ; umbraq; fuerunt
 Discussa , in se se redijt , dixitque . Ego verè
 Nunc scio me ereptum imperio , manibusq; profani
 Herodis , populiq; simul ; qui nostra videre
 Funera sperabant , cum primo lumine rebus
 Redderet alma dies terris infusa colorem .
 Non ope mortali factum est , non arte magistra
 Hoc opus ; ipse Deus cali de sedibus altis
 Demisit iuuenem alatum , qui vincula rumpens
 Ferrea , me in lucem nigranti è carcere duxit .

Tu mecum dic Pyrrhe sacras hac carmina ad aras

Iusti-

*Iustitiæ cultor Pyrrhe, & fidissime legum
 Interpres, candore animi non ultimus inter
 Mortales; quibus est cordi rectumque, piumque.
 Christe tuæ nobis pateant orantibus aures:
 Utque Petrum picea duxisti è carceris umbra
 In nitidum calillum, mortisq; periclo
 Eripuisti illum: da sic euadere nobis
 Hanc belli pestem accensam terraque, marique.
 Et rege nos, donec veniat meta ultima vita,
 Oppressos longo senio, multoque labore:
 Nam dulces abiere dies, ceu versus ab Euro
 In tenues auras montano in vertice sumus:
 Et tanquam torris rapido consumptus ab igni.*

IN S. PAULVM APOSTOLVM

*Ad Federicum Rinaldum nunc Biblio-
 thecæ Vaticanæ custodem.*

A R G V M E N T V M.

*Narrat qui ab impietate ad Christum sit con-
 uersus; quanta pro eo passus sit; quot re-
 giones peragrauerit Christianam pietatem
 docendo: quodque tandè Romæ cum Petro
 sub Nerone martyrij palmam adeptus sit.*

*S*criptores Latios, Graiumque volumina dum tu
 Euoluis Federice, leges Rinalde pericla;
 Et vitam Pauli breuiter; quam mittimus ad te
 Dum patrias colis ipse oras, qua currit Aternus,
 Adriacosq; sinus vitreo cum flumine tendit;

D 3 Et tua

Et tua culta rigat Radiani ad mœnia parui.

Dum pèteret Saulus multis comitantibus urbem,
Qua prima est Syria, diuesque, opulentaque rerum,
Ore vomens rabiem, spiransque immane, minansque,
Ceu lups in sacrum Domini, vel tigris ouile:
Ad subitam Christi vocem mansuetior agno
Euasit: cum lux calo demissa sereno

Circumsepsit eum, & strauit, lumenque repente
Occidit; atque oculorum aciem obduxere tenebræ.

Quique prius Christi fuerat cultoribus hostis,
Hostis atrox, tinctasque manus infantis haberet
Sanguine: dehinc sancto pro Christi nomine pœnas
Viuens sustinuit varias; & denique mille,
Diuerfosque etiam terra, pelagoque labores:
Obrutus & saxis, ponto & ter naufragus alto;
Atque ignominiam passus, tergoque flagella.

Salue Paule pater prisco tibi nullus ab ævo
Sanctorum eloquio certauerit: omnia cedant
Secula, quæ fuerunt, & erunt venientibus annis.
Nil equidem mortale sonas, dum tu ora resoluis
Aurea, diffundens diuini semina verbi.

Tuque Deum sp. rans, diuino & numine raptus
Tertium ad æthereum celum, sedesque beatas,
Audisti, mortali ulli quod dicere non est.
Indeasque tuis terres sermonibus vrbes;
Et referas illis sacrorum oracula patrum;
Et Christum aduenisse piis iam patribus olim
Premissum memoras fora per, per templa, domosque.
Tuque Asiæ terras peragrafti, & Persidis oras
Atq; Arabû; Hispanosq; situs, Cypriumq; , Rhodûq; .

Ipsæ & adorantes ignotum numen Athenas,
Atque Ephesum tu tendis iter, & Thesàla tecta:

Iussa

Inssa docens populos summi patris ore deserto.

Est tua per varios casus exercita virtus:

*Et tandem in Latium ductus; quo saevi tenebat
Sceptra Nero, gladio occumbis sub Casare eodem;
Vno, eodemque die, nec non illa vrbe, pependis
In cruce qua Petrus: cui soli Christus alendas
Ipse suas mandarat oves; dum spargitis ambo
Romulidum populo diuini semina verbi.*

*Tuq; roga Patrem aeternum; concedat vt olim
Iam cursu vitae exacto, ad sublimia caeli
Atria detur iter nobis, sedesq; beatas.*

IN S. LAURENTIUM MARTYREM.

*Cuius templum ad Ollium flumen
Ioan. Francisco Gambaræ Car-
dinali commissum est.*

ARGUMENTVM.

*Celebrat Laurentij pro Christo super crates
ferreas necem: eiusque in distribuendis
Xysti thesauris in pauperes, pietatem.*

DIVE magis lauri Laurenti digne corona;
Quàm qui duxerunt reges, populosq; reuinctis
Post tergum manibus, clarosq; habuere triumphos.
Admiransq; aliquis si sors mea dicta negabit;
Conferet aeternis idem mortalia rebus:
Nànq; alia expectas ab eo, qui sustinet axes:

Aethereos; summo quæ sunt tibi condita calo;
 Dum crepitans infusa tuos iam flamma per artus
 Exurit positum supra (mirabile) corpus
 Ardentes crates, transuersaque robora ferri,
 Atque alias tu morte tua caelestibus oris
 Victor agis pompas, alia insuper ipse trophæa.
 Fleclere te haud Decius potuit precibusue, minisque,
 Imperij qui tunc Romani scepra tenebat.
 Quin & opes Xysti, fuerat cui credita sacri
 Cura gregis, Christi que vices de more subibat
 In terris, Christi dederis pro nomine egenis,
 Prodigus & vitæ, & temnens fera iussa tyranni.
 Hierusalem veluti quondam facta inclyta morte
 Est Stephani; longe sic & nece maxima Roma
 Laurenti exaltata tua est; quia turbidus in te
 Dum seuit Decius duplicatis in tua pœnis
 Membra, auxit palmam tibi: nanque ardentior ignis
 Vrebat tua corda intus, quam qui foris artus.
 Et quo tu fueras accensus lumine, eodem
 Sancte puer latè illustrasti littus utrunque:
 Atque iisdem flammis, quas es perpeffus acerbis,
 Inflammas animos hominum vestigia Christi
 Sectantum; ut mortem temnant, duosque labores.
 Ipse breues sorti subiisti pectore flammæ;
 Vitares ut perpetuas ardentis auerui.

Dum tua Laurenti celebramus sacra quotannis,
 Franciscus commissa sibi quæ Gambara seruat
 Non procul à viridi ripa, qua labitur undis
 Ollius; & qua structa tuo sunt nomine templa;
 Ipse refer laudes Patris omnipotentis ad aures,
 Quas canimus, licet indignæ sint nomine tanto.
 Effice, ut illum ipsum noctesque diesque sequamur;

*Vt solet vmbra hominem, quacunq; incedit, & illi
Grata simul quæ nunc facimus, sunt vota, precesque.*

*Et tu Christe tuum populum ne linque, tenet qui
A te demissum nomen, qui mæstus ad aras
Te vocat auxilio, dum templo sueta ministrant
Sacra sacerdotes; animoque, & mente precatur.
Vt se se à diro defendas hoste; tenet qui
Arma manu, & nostros fines inuadit; & atros
In nos, exitiumque tui fert nominis ignes:
Quod minitans delere parat, nisi tu pater illum
Auertas virtute tua, & caelestibus armis:
Optata & nobis reddas læta otia pacis.*

AD VINCENTIVM STELLAM

Brixianum Iurisconsultum.

De Faustino, & Iouita Martyribus.

ARGVMENTVM.

*Faustinus, & Iouita Brixiani multa prius
pro Christo sub Traiano tormenta passi;
tandem sub Adriano capite plexi, marty-
rij palmam adepti sunt.*

V *Incenti, qui poshabitis iam legibus omnem
Applicuisti animum studijs, quæ sidera ad alta
Perducunt homines; vbi pax, vbi lumine puro
Regna beatorum fulgent; datur atque tueri
Ora Patris, Patris æterni, qui condidit olim
Omnia, & è nihilo firmans, miro ordine fecit.
Dum tu difficiles nodos exoluere quaris.*

D S Scriptum

Scripturae solers sacrae, lege quae tibi nuper.
 Non studiis aliena tuis, doctissime, misi
 Stella, licet tu sis dignus grauiore cothurno.

Qua te laude seram, genitrix mea Brixia, cali
 Astra super, quae tu celebri praeclara duorum
 Corpora clausa tenes tumulto? tu namque louitam,
 Tu Faustinum eadem tenues in luminis auras
 Fudisti; quorum exemplo subiere beatam.
 Tunc mortem largo persuse sanguine gentes.
 Ob Christi nomen; quas tellus Italia aiebat.

An referam quas sub Traiano rege per vrbes
 Ausoniae poenas, & tetro carcere passi?

Vos etiam iniecti flammis; sed flamma recessit
 Hinc, atque hinc faciem in montis; nec corpora vestra
 Laesit edax ignis; nam vos seruauit ouantes
 Incolumesque Pater, cali, rerumque creator.

Obiectique feris trucidibus; sed non sine vinculis;
 Non sine verberibus multis; subitoque feroces
 Ipse animos posuere ferae, atque immittia corda;
 Vestra nec inflicto presserunt corpora morsu.

Mox Mediolanum ducti, vinclique catenis,
 Carcere & inclusi tenebroso horrenda tulistis
 Supplicia, obscaenamque famem sub indice seuo.

Nec vos poena, licet grauis esset, terruit unquam:
 Nec violata fides quondam promissa parentis
 Aeterno fuit; at creuit. tum denique ducti
 Parthenopem, vinculi manibus post terga, pedesque
 Compeditibus. Vos in vastos, rapidosque profundi
 Proiecere maris fluctus: sed conditor alti
 Aetheris auxilio fuit, emisitque repente
 E caelo alatos iuuenes, qui corpora vestra
 Mersa mari eriperent tumido, & fluitantibus undis:

Nec

Nec mera iussa citi faciunt, atque aera tranant
 Remigio alarum Patris almi numine freti;
 Dehinc freta falsa petunt, & vos è gurgite vasto
 Eripiunt, manibusque suis ad littora curua
 Incolumes vos educunt, mirabile visu.

Sed cum turba virum, quæ circumsusa tenebat
 Littora, prospexit stantes in littore viuos,
 Et nouitate rei attonita, admirataque factum
 Insolitum, vos & Patris præcepta docentes,
 Nec non caelestis vitalia semina verbi,
 Vt prius, hæc dixere palam. Vos numina falsa
 Atque Iouem rarum colitis: manifesta que signa
 Vidiſtis miſera ò gentes. Tu tu Deus alta
 Sede sedes celi in medio; te conditor orbis
 Maxime adoramus Dominum, Regemque potentem,
 Atque viam, lucemque hominum, vitamque fatemur:
 Ei pro te cupimus tormenta subire, necemque.

Quæ postquam trepidans turbato pectore vidit
 Parthenopes rector, timuitque, & inſit vtrunque
 Carcere concludi obſcuro: dein luce ſequenti
 Illos in patrias ſedes, urbemque reduci:
 Hadriano qui ſub mortem ſubiſcere cruentam;
 Sanguineque effuſo terram tinxere parentem.

Tu vero Fauſtine ſacer, tuque alme ſonita
 Transcripti calo ciues, numeroque colentum
 Atria celsa poli; vos nunc de ſede ſuperna
 Aſpicitis, qui nunc meritis vos laudibus alta
 Tollimus aſtra ſuper: vos magni Patris ad aures
 Ferte preces noſtras; vt tanto in turbine rerum,
 Et peſtis, veſtros ciues defendat, & urbem
 Egregiam; quæ vos genuit, pariterque ſacrauit
 Veſtra ob facta Deo Patri venerabile templum

Aeterno ob meritas laudes, posuitq; ministros,
Custodes templi ingentis, rerumq; sacrarum.

I N S. A L B A N V M
M A R T Y R E M.

Ad Antonium Perenottum
Grauelanum Card.

A R G V M E N T V M.

Deus Albani ad martyrium cunctis rogatu flu-
men exicauit: quo miraculo satelles cum
occisurus martyrij comes factus est: eiusq;
percussoris oculi ilico in terram cecidere.

A Ntoni, dum tu populis das iura; bibunt qui
Sebethi liquidos latices: regisque Philippi
Sceptra, vicesq; subis: hoc nostro carmine factum
Mirificum, rarumq; leges; quod contigit olim
In terris, quas durus habet, fortisque Britannus.

Hesperios regeret cum Maximianus iniquo
Imperio populos longè, lateq; per oras
Occiduas, cades facta est crudelior, atque
Maior in insontes, verum qui numen adorant;
Quàm que sub rigido cades commissa Nerone est:
Namq; hæc pestis atrox seuit bisquinq; per annos.
Huius erit belli diuisa Britannia nostris
Littoribus testis locuples: quæ diruta fundo
Templa, piasq; domes mæsta illo tempore vidit.

Albanus Verulamios non vltimus inter
Illa tempestate fuit: fundisq; paternis,

Sanguis

Sanguine & insignis, qui tecto accepit auito
 Forte Sacerdotem nostra de gente, timentem
 Principis insidias seui; mandataq; contra
 Edita adorantes Christum; non falsa deorum
 Numina; quæ vano gentes de more colebant.

Obscuro in thalamo hic noctesque, diesq; manebat;
 Orabatque Deum parcus potusque, cibique.
 Cum verò Albanus ipsum vidisset in ortu
 Luciferi orantem tecti in penetralibus alti:
 Illum adiit subito admirans, supplexq; rogavit;
 Vellet ut optanti sibi pandere religionem,
 Quam tenet, ille inquit; Non hæc sine numine Patris
 Aeterni Albane eueniunt; nam Christus in oras
 Te vocat æthereas; cinemque ascribit Olympo.

Tunc ipsum erudit divini semina verbi;
 Monstravitq; viam, celi quæ ducit ad arces,
 Dicens: sperne deos, tanquam fera monstra profundi,
 Quos colis, & frustra summo veneraris honore.

Interea latitare virum peruenit ad aures
 Iudicis Albani in tectis, mora nulla satellites
 Armatus dextra primo quatit ostia semno.
 Albanus pœnas, mortemq; subire cruentam
 Pro Christo exoptans, vili se vestit amictu;
 Indutus quo pauper erat, postesque reclusit:
 Deinde satellitibus se se obuius obtulit vltro.

Tunc illum ducunt alta ad prætoria: qui mox
 Carcere conclusus piceo, densisq; tenebris
 Innumera est illic tormenta, & verbera passus;
 Non metuens liquidum plumbum, clauosq; trabales,
 Ex arc aut cuneos, haud seui iudicis iram,
 Atq; minas; illum nam nouerat hospitis ergo
 Tot tormenta pati; quem tecto ad miserat atq;

Indignans illum rapidi torrentis ad amnem
Deduci iussit subiturum finus acertum.

Dūque locum peteret; quo mortem Albanus obiret:
Confertum aspiciens pontem (nam plurima turba,
Cerneret ut mortem ipsius conuenerat illuc)
Non transire ualens illum; namq; hic locus ultra
Flumen erat; fontes pœnas quo ferre solebant:
Quod multos secum lapides, siluasq; trahebat.

Confestim Albanus tumida haud perterritus unda.
Sed palmæ cupidus gressum comprescit ad amnem
Ad cælum tollens oculos, supplexq; rogauit
Aeternum patrem; ut vellet deducere flumen;
Quò siccis possent pedibus transire fluentia
Turgida iam. mora nulla viri videre carentem
Et strepitu, & cursu fluuium, et crepitantibus undis.

Post ubi deuenere locum; tunc ense satelles
Actutum posito, Albanum dare qui modo leto
Iussus erat; nouitate rei stupefactus, humi se
Proiecit; sociumq; illi se se addidit ultro;
Atq; futebatur Christum solum esse colendum;
Non Martem, Bacchū, atq; Iouem, quos ante colebat.
Atq; alius curuo caput abstulit ense satelles
Albano, quem non perfundi tunc Deus illum
Vlla latitia permisit: sed caderet cum
Abscissum caput Albani; tunc illius vna
In terram cecidere oculi, gladiumq; relinquens
Corruit in terram actutum: sacroque cruore
Immersus frustra ille Iouem clamore vocabat;
Non verum mundi Dominum, rerumq; parentem;
Lapsa illi poterat qui reddere lumina solus.
Inq; fide miles iam factus firmior, ardes
Ingenti desiderio se subdere morti;

Quam

*Quam subiit: nuper gladio qui inferre negarat
Albano insonni mortem; calumq; petiuit.*

IN S. HIERONYMVM.

Ad Antonium Aelium Patriarcham
Hierosolymitanum.

A R G V M E N T V M .

Celebrat Hieronymi vitam sanctissime actā,
eiusq; scripta: Deinde precatur Christum,
vt Turcarum classem perdat.

ANTE alias vrbs ò Stridon accepta parenti
Aeterno, quæ sunt posita per pingua culta
Dalmatiæ: nanq; ille tuus fuit incolæ, ciuisque,
Eloquij fons conspicuus, & nomine sacro,
Defensor ueri, atque pū, rerumque minister
Sedulus; & longè per quem diuina relucet.
Scripta, velut calum, pulsa quod nube serenat
Riphæis veniens Aquilo violentus ab oris:
Nanq; aperis solers diuina volumina, multis
Haud rectè intellecta locis: & falsa refellis:

Tu Syriæ longo coluisti tempore siluas,
Bethlemiasq; demos Christi ad præsepe; sacrisq;
Intentus semper studiis, sine labe beatam
Duxisti vitam in terris; semotus ab omni
Cura animum; & vitæ cursu defunctus, Olympo
Nunc frueris, spectasq; Deum; qui præmia reddit
Digna tuis meritis; miro quem semper amore,

Atque

Atq; humili coluisti animo: & nunc cernis ab alto
 Hostem Threicium duro tua testa tenentem
 Imperio; atq; Italas iam nunc transmittere ad oras
 Mille equitum cuneos, peditumq; ratesq; parantem.

Huic te Christe tua primo in certamine dextra
 Occurrens immitte fugam; voret vnda tritemes
 Ismarias; milesque serus nostro cadat ense.

Tuq; precare tuum ciuem Aeli regna tenentem
 Nunc supera; exoret Patrem, nostri vt miserecas
 Inter tot rerum discrimina, totq; labores.

I N S. A N T O N I V M

A B B A T E M.

Ad Antonium Perenottum

Granuelanum Card.

A R G V M E N T V M.

Duram Antonij in desertis locis vitam, diabolique molestias describit. Exin Perenotti Cardin. nomine rogat eum, vt Deo pro se preces fundat.

ANtoni pater horrentis quondam incola eremi:
 Delicijs qui contemptis, rebusq; paternis,
 Et consanguineis petisti sava ferarum
 Antra puer, vili; atq; aspro contentus amictu:
 Agresti, tenuiq; cibo: cui pocula lymphæ
 Fontis erant; nigroq; sopor mage gratus in antra,
 Quam Tyrio recubare toro; gemmisq; corusco.

Tuq; etiam innumeras veluti sax ignea gentes;
 Quæ Christum hand vorant ducisti ad certa salutis

Gan

Gaudia, & è tenebris ad vera lumina vita.

Sicut deduxit sublucris in nocte columna

Ignis ad oppositum pelagi, tutosq; receptus

Hebraum populum Aegypti de finibus olim.

Dum uero incoleres loca fenta, et inhospita eremi;

Vicisti fraudes, sucataq; verba malorum

Spirituum: exemploq; tuo coluere relictis

Fascibus, & fundis homines Aegyptia tesqua.

Lucifer ille malus, saestuq; elatus inani,

Vt forma insignem vidit se, dixit. In altum

Censendam calum; & ponam super ardua summi

Astra Patris soliumq; meum, nomenque, nec illo

Inferior ero; nec factis, nec viribus impar.

Tartara sed postquam Deus illum traxit ad ima;

Et se se tanto spoliatum vidit honore:

Inuidia, atque odio corda est humana, doliue,

Ac fraude aggressus: sed non te numine Patris

Confisum aeterni flexit terrore, minisue.

In taurum ille licet se se, horribilemq; draconem;

Aspidis inque truci formis, vrsique, leonisq;

Verteret; atque ignes effunderet ore, nigrumq;

Naribus è sumum, crines & serperet inter

Elamma sirens; Streperetq; horrendis vocibus amra.

Nec non ornatæ gemmis, auroque puellæ

Per noctem saepe in faciem se se induit: & te

Dulcibus illecebris tentauit fallere frustra.

Nunc sacram ipse oleis arno bicoloribus aram:

Liminaq; intendo templi, postisque superbis

Exquilijs positos lauru, myrtoq; virenti;

Narcisso pro purpureo, calthaque, rosaque;

Accensasq; saces teneo de more uetusto

Ante aram supplex ego, qui te nomine red do

A teneris ; & te venerer pater optime , & oro :
 Digneris Patrem aeternum , natumque precari ;
 Ut me respiciat ; sinat & me ducere vitam
 Hanc fragilem sine labe aliqua , et sine crimine ; qualis
 Duxisti quondam in Phariis novus incela filius .

IN S. BENEDICTVM

Ad Seraphinum Fontanam Mediola-
 nensem Prælatum monachis
 D. Mariæ Farfensis.

ARGVMENTVM.

Benedictus Nursiæ ortus , in Sublaci deserto
 durissimam vitam duxit . Deinde Casinũ
 montem cum monachis incoluit , ubi mul-
 ta miracula edidit , multa prædixit . Ce-
 lebrat deinde auctor Religionem illam , vt
 à tanto patre institutam , multisque & mar-
 tyribus , & summis Pontificibus , & Re-
 gibus illustratam .

L Vcifer vt calo effulget , cum surgit , & almam
 Nuntiat aduentare diem mortalibus aegris ;
 Sic laude effulget merita Benedictus in oris ;
 Exoritur quæ Sol , & quæ nos linquit ; & ingens
 Vndiq; censurgit nox cincta migrantibus umbris .
 Nursia quo genitrix tanto letatur alumno ;
 Et se syderibus cali sublimibus insert .

Sublaci-hic petijt rupem puarilibus annis ;

Tune

Tunc diris loca plena feris , nunc aurea sedes .

Atq; ibi caprarum succintus corpora solis

Pellibus , abruptis multos in cotibus annos

Exegit ; vitamq; cano toleravit in antro

Assidue voluens animo praecepta parentis

Aeterni , & servans tenui ieiunia victu

Dura ; ministrabat primo quem mane sacerdos

Ad procurra habitans Amienis flumina , vita

Integer , atque illis probitate insignis in oris .

Edidit ipse pater miracula plurima . mox .

Aerium magno montem comitante Casinum

Devenit comitum caetu sub tempora Veris .

Templum erat hic donis ingens , Phæboq; dicatum ,

Quod gentes Itale posuere in vertice montis .

Delphica non aliter coluere oracula Graij ,

Quam templū indigenae hoc gentes , populiq; propinqui .

At postquam hac adem intravit Benedictus , et aris

Muneribus , multoq; auro prospexit onustam ;

Atque sacerdotes templi , rerumq; ministros :

Ingemuit lachrymans ; & ficti numinis aram

Cœlatam , & Phæbi effigiem de marmore fregit :

Quæ collapsa solo passim confracta iacebat :

Sacratumq; illi lucum conuoluit in ignes .

Sustulit & vanos ritus ; Regique dicavit ,

Sublimes cali nutu qui temperat oras .

Nec quisquam est ausus tantis se opponere caeptis

Illorum , qui servabant templumq; locumque :

Sed subita attoniti formidine , remque , domosque

Liquere ; & cursu terras tenere propinquas .

Hanc sedem pater incoluit Benedictus ; ibiq;

Cum socijs vixit , quos secum duxerat , & quos

Ipsa sua insigni pietate attraxerat olim ,

Ipsius

Ipsius unanimes vestigia sancta secutos.

*Non solum hic fecit miracula multa, virosq;
E tenebris nitida reuocauit lucis ad auras :
Corporibusq; hominum saepe expulit horrida monstra,
Monstra polo summi iussu deiecta parentis :
Depulit & tristes languenti è corpore morbos.
Sed varios rerum euentus, perituraq; templa
Pradixit : multa & Totila ; qui barbara castra
E Scythia in Latias audax traduxerat oras
Bellator, tandem vita sine labe peracta,
Pradixit sibi iam lucem aduentare supremam ,
Corporeis se se qua posset soluere vinclis ;
Et petere optatas sedes fulgentis Olympi.*

*O tua quam felix est tali nata parente
Religio Seraphine, patrum & uirtute tuorum
Aucta diu ; suso quondam qui sanguine palmarum
Aeternam meruere suo, sedesque supernas .
Multi etiam Christi que vicem subiere, locumque.
Deposito reges sceptro, & qui rexerat orbem
Terrarum imperio, sprete ditione, suisq;
Posthabitis vitam sub tanto egere magistro ;
Ausonia fasces, & opes, & regna perosi.*

IN S. MARIAM MAGDALENAM.

*Ad Christophorum Robustum Tarra-
conensem Auditorem Rotæ.*

ARGVMENTVM.

*Maria Magdalena, dū ad tumultū Christi fletet ;
ipsum videns non agnouit. Narratur quæ
ipsa Christo, quæque Christus ipsi dixerit.*

P R O

PRO meritis in se tantis tibi Gambarara semper
Debebit ; donec veniat meta vltima vita ;
Et reget hos artus cali spirabilis aura.

Tanti erit ille igitur meriti non immemor unquam
Christophore. ad tumulū nunc tristem, et multa gemē-
Magdalenam audi, dum flet pia funera Christi : (te
Quam thalamo pictam mæsta sub imagine seruās.

Ad Christi tumulum dum Magdalenæ sederet
Illachrymans ; leuumque genu complexa teneret
Suspensum iunctis manibus , per colla , humerosq̃ ;
Sparsa comam ; geminos candenti in veste sepulchrum
Seruantes vidit iuuenes , vbi corpus Iesu
Depositum nuper fuerat : astatat & vnus
Supremam ad partem tumuli ; partem alter ad imā :
Qui dicunt. Oculis mulier cur fundis amaros
Cum longo fletus gemitu ? tunc illa : meum quod
Abstulerint Dominum ē tumulo : sumq̃ ; inscia vbi nā
Sit positus. dixit , conuersaq̃ ; vidit Iesum
Non procul astantem ; rigui quem credidit horti
Custodem : non illum ipsum , quem mæsta per omne
Quærebat montis spatium sub lumina Solis .
Magdalena etenim cunctis abeuntibus , ipsa
Non discedebat tumulo : vacuumq̃ ; vbi vidit ,
Discerpfit manibus flanos nullo ordine crines ;
Atq̃ ; locum gemitu impleuit ; mentemq̃ ; dolore
Deuicta , & mœrore graui, dum credit ademptum
Mæsta Redemptorem mundi : tunc Christus ad illam
Se vertens tali compellat voce dolentem. (ris ?

Quid lachrymis misces gemitus ? quidue anxia quæ-
Illa , meum , dixit , Dominum si forte tulisti ;
Pande vbi sit , quaeso , sacratum corpus : vt illud
Sustollam , & tumulo condam , & pia funera ducam.

Tunc

Tunc ipsam aspiciens Christus, Maria, inquit: at illa
Conversa, atq; ipsum agnoscens, & lata pedes se
Ad Domini sacros subito proiecit. At ille

Non licet, ò mulier, tibi me nunc tangere; nondū
Conscendi cingere sedes, & lucida celi, & regna
Regna. neque accessi ad patrem, cui paret Olympi
Regia stellantis, tractus terraque, marisque.
Fratribus ipsa meis refer hæc; quos servida cura
Solicitat, tristesq; tenet ob funera nostra.

Tu rerum solare inopes; & pectora solue
Plena metu, amissoq; illos solare magistro:
Dic etiam: Ascendo ad Patrem vestrumque, meumq;
Atq; Deum vestrum, atque meum. nec plura locutus
Discessit. tunc illa alacris peruenit ad ades;
Ob Iudeorum insidias quibus ipsa latebat
Gens vero dilecta Deo: & plorantibus infit.

Aspexi Dominum his oculis; atque hæc mihi dixit:
Nec solita illius facies, aut forma jessellit
Concava me multum lachrymantē ad saxa sepulchri.

IN S. CATERINAM MARTYREM.

Ad Gulielmum Sirletum Card.

ARGUMENTVM.

Celebrat Caterinæ in repudiando regno, ma-
gnanimitatem: in superandis Philosophis,
sapientiam: in contemnendis cruciatibus,
& morte, fortitudinem, atq; constantiam.

TV

TV nostro Sirlete etiam memorabere versu,
 Eloquio non inferior, nec carmine priscis
 Vatis, aut illis pede qui scripsere soluto
 Diversos hominum mores, aut inclita facta;
 Et nulli candore animi, aut pietate secundus.
 Accipe quæ cecini Caterina in virginis alma
 Et vitam, & mortem pariter; dum scripta sacrorum
 Tot vatum, & Solymos libros, monumentaq; Graium,
 Et nostra euoluis studio, vigilique labore;
 Huius enim nostri es censor, iudexq; libelli.

O virgo, dum te canimus, gratissima patri
 Calicolum, Regique; preces, quas fundimus audi;
 Amborumque simul refer omnipotentis ad aures.

Tuque tuum ob nomen rege nos Pater alme, tuoq;
 Nos tege nunc clypeo; tibi qui confidimus; in te
 Qui spem nostram omnem, mentemq; locamus, et vnum
 Te colimus; dum Sol collustrat lampade terras;
 Et dum nox suscis tellurem amplectitur umbris.

Qua digna te voce canam longè inclita virgo,
 Docta; quæ ne tuas poterit memorare, licet sit
 Ferrea vox, meritas laudes? tu filia regis,
 Fertilis Aegypti imperio qui sceptra tenebat.

An dicam te pauca super? quamque alta tuarum
 Me rerum moles premat, & perterreat; & sim
 Non dubius partem exigua vix dicere posse.

An dicam, ut genitor terra te atque docendam
 Ingenuas artes, nec non exordia rerum
 Curauit? pater impleuit sed post ubi vita
 Curriculum breue; tu regni tibi debita sceptras
 Spreuisti, veluti stipulam Caterina, deosq;
 Inscia quos olim veri gens illa colebat;
 Et tot opes, magnasque vrbes, ted.usque tyranni.

Aique

IN S. MARGARITAM
MARTYREM.

Ad Ioannem Zamoscium Procan-
cellarium regni Poloniæ.

A R G V M E N T V M.

Margarita tenella adhuc ætate Christi fidem
suscepit. Mox adolescens ab Olibrio Præ-
fide deæ Syriæ sacrificare iussa; nec minis
terrata, nec promisso coniugio allecta, ei
obscuta est, tādē post multos cruciatus, ab-
scisso capite martyrij coronā consecuta est.

Z Amosci sacunde; tuæ non ulti^a gentis
Gloria; nec probitate minor, rebusq; gerendus,
Et proavis, atavisque tuis: quorum incl^yta virtus
Vixit adhuc quondam bello præclara, togaque.
Egregijs nanque est scriptis vulgata per oras
Auroræ tua fama tuis iam, quaq; cadit Sol.
Dum tu Romanum magna cum laude Senatum
Describis (si forte vacat) lege carmina, quæ nunc
Concinui in vitam, atque in funera Margaritæ.
Floruerat Syriæ proceres Theodosius inter
Dives opum, proavisq; potens: sed tecta colebat
Rustica; & agrestum silvis inglorius ælis
Degebat placide cara cum coniuge vitam,
In mare qua rapidos latices deuoluit Orontes;
Cum genita est forma pulcherrima Margaritæ:
Quam pater admirans nutrici letus alendam

E Manda-

Mandauit; donec plenis pubesceret annis .
 Hanc nutrix pia clam Christi praecepta docebat ;
 Quam prius abluerat sacro in fonte sacerdos .

Tunc genitor facti non inscius, aestuat ira ,
 Atque odijs nata insensus procul alta relegat
 In iuga nutricem, dilectaque pignora quondam ;
 Qua mons per noctis tenebras de vertice summo
 Casius ardenti prospectat lampade Solem
 Nascentem, noctemque alia de parte prius, quam
 Lucifer exorians multa cum luce patentes
 Oceani percurrat aquas, & littus Eoum .

At virgo, quamuis domibus foret acta paternis ;
 Teclaque nutricis coleret; puroque leuaret
 Fonte sitim; victumque darent siluestria poma ;
 Vestesque se indueret vili: tamen illa deorum ,
 Et vani simulacra Iouis, ritusque nefandos
 Sacrorum horrebat, Christumque immota colebat :
 Et valle exiguum, spreto genitore, sub alta
 Cum nutrice gregem pascebat : & Alcimedonta
 Spernebat sub valle Palen, Dryadasque canentem .

Interea superis, sic indignatus, ab oris
 Concessit genitor: virgo cum paruula nondum
 Explerat denos habitans in vallibus annos :
 Defossoque foret quamvis ditissimus auro ;
 Et mille innumeris inuenteret arua quotannis
 Vomeribus; multique greges, & mille iuuenti
 Tecla sub occasum Solis proauita subirent ;
 Heredem tamen hanc non vlla in parte reliquit .

Dum verò regni certas inuiseret vrbes
 Olibrius (erat imperij suprema potestas
 Quem penes) ibat iter, qua flexo semita calle
 Ducit in aerium montis nemus, & iuga celsa :

Ducen-

Ducentem hanc pecudes vicina ad pascua vidit ;
 Bis septem cui vix atas adoleuerat annis ;
 Et vix ille oculos diuina in lumina torfit
 Virginis; accepit subito cuni turbidus ignem
 Osibus; & sensit labi per membra furorem .
 Illicet hanc iubet acciri, patriamque requirit ,
 Et genus : vnde domo. tunc sic virgo orsa repente est .

Quid frustra genus, & patriam, nomenq; requiris?
 Serua ego sum Christi; cui mens obnoxia seruit :
 Cui mea virginitas deuota est: nam mihi testis
 Ille sua est nostra qui nos à morte redemit .
 Protiùs hanc famuli vicina ad mœnia ducunt ;
 Urbis vbi, clarumque genus, nomenque parentis
 Commemorat; seseque fidem, & vestigia Christi ,
 Sanctaque iussa sequi. caco tum carcere Praeses
 Includi iubet hanc, cum noctem sidera ducunt .

Et iam Sol rebus infusa luce colorem
 Reddiderat; solioque sedens Olibrius alto ,
 Vicinos circum procures in templa vocabat ,
 Ficta templa deæ Syne; quam gens colit omnis;
 Quæ circum regna ampla habitat: tunc ducitur ingens
 Victimæ: quam Syriæque deæ, Phæboque Sacerdos
 Ornatus palma crines in limine maclat .

Parte alia iuxta celsi penetr alia templi
 Fronde coronatus cedri, myrtoque inuencus
 Marmoreum effuso tingeat sanguine limen :
 Aequæ alius pecudem intonsam iugulabat in ignes ;
 Et thura Assyrijs miscebat odoribus: & iam
 Finis erat, & honos aris iam factus, & omnis
 Gens ibat: memor incluse cum virginis heros
 Olibrius iubet hanc ad publica sacra vocari :
 Et Margariten dictis compellat amaris .

Hos cedri ramos adole rerum inscia virgo;
 Imbueq; aurato cratere altaria: nec iam
 Nutricis data te moueant praecepta furentis;
 Aut morere ante aras, veluti noua victima, summo
 Grata Ioui; & sacro persolue in limine pœnas.
 At, de more, coles cæso si sacra cruore,
 Te mihi connubio, & felici sœdere iungam:
 Ostroq; , argentoq; teges tua corpora, & auro:
 Et Syria incedes magnas noua nupta per vrbes.

Tunc virgo geminas acies erexit ad altum
 Aethera; caelestemq; Patrem sic voce precata est.

Da mihi sancte Pater, cui mens mea cognita dudum,
 Omne genus nunc posse necis perferre, minasque:
 Et sciat ille Iouis quam sit spernenda potestas:
 Et quæ me teneat Christi fiducia, cernat.
 Tu verò illusas auro seuisissime vestes,
 Donaue parce tuis (si qua est tibi cura tuorum).
 Aequalesq; tuo generi ne despice tedas.

Tunc Præses grauitè dictis commotus in iras
 Exarsit, tristesq; parat de virgine pœnas
 Sumere: tunc illam spoliante, lacerantq; flagello
 Corpora; marmoreosq; sacer cruor abluuit artus.
 Non aliter tenero manant de corpore gutta
 Sanguineæ; quam riuus aquæ labentis ab alta
 Rupe ciens raucum campi per scrupèa murmur.
 Verberibus famuli instabant; dum vincla satelles
 Necleret; ut vinculam traherent Iouis ante nefandum,
 Et vanum numen: virgo sed nulla recusat
 Vincla pati, pœnasq; , neget dum sacra, Iouemque,
 Temnatq; immundis positos altaribus ignes.

At procures tenera conceptum in virgine robur
 Mirati, & subita moti pietatè, rigabant.

Ora p̄is lachrymis ; sanctosq̄ ; inflectere sensus
 Querebant Margarita ; mæstique tyrannum
 Poscebant veniam pro virgine ; quos tamen omnes
 Voce gravi increpuit , nec non consulta refellit.

Auertit Præses oculos , nec cernere quiuuit
 Sanguine respersos artus , & livida membra
 Verberibus , tunc sede sedens sublimis eburna ,
 Deuinctam includi tenebroso in carcere iussit.

Ecce autem virgo in tenebris dum clausa iaceret ;
 Assiduasq̄ preces prostrata effunderet alto
 Pectore ; non animum diuersis territa pœnis :

Illi monstrum ingens exerto apparuit ore ,
 Ore uomens atros flammati sulfuris ignes.
 In spiram serpens mox se collegit , & ora
 Pandit ; ut ore fero sacros absumeret artus.

Ipsa sed horribili nec quicquam exterrita monstro :
 Sed fidens Domino , frontem cruce signat , hiantesq̄
 Ingreditur fauces ; & viscera laxa draconis.

Nec mora perfractis (visu mirabile) costis.
 Procumbens iacuit per humum . illa ilicet alio
 Exilit ; ingentes & agit seruata parenti
 Aeterno grates ; concussaq̄ pectora firmat.

Terdenos iacuit Soles inclusa sub alto
 Carcere ; ubi assiduus lachrymis , precibusq̄ ; uacabat :
 Ut mentem , viresq̄ ; sibi daret omnipotens Rex ;
 Sublimes celi nutu qui temperat oras ,
 Aduersus Syria procures , & iussa tyranni .

Iamq̄ ; alias illa ad pœnas , atq̄ ; horrida leti
 Supplicia ; atq̄ ; Iouis falsi deducitur ædem :
 Pinguis ubi multo taurorum sanguine passim
 Terra madet ; reclusq̄ ; sacer velamine custos
 Purpureo canos crines , solennia templis

Sacra facit; templique simul donaria seruat.

Stabat odorata ex cedro testudine templi

In media Iouis effigies; & eburna tenebat

Sceptra manu; fulmenque pedes radiabat ad imos

Ex auro. tunc ipsa comas resoluta nitentes.

Vt stetit in medio confessu, proripuit se,

Inseditque fores templi, Nabathæaque vano

Thura Ioui dare iussa, Iouem despexit, & omnes

Assyria gentis diuos; quos illa negauit

Esse deos; sed monstra imo damnata profundo.

Olibrius grauitè neglecta ob numina sauit:

Non aliter, quam saeuus aper graue vulnus in armo

Accipiens; cum mortiferos euadere morsus,

Oraque aperta canum nequit; & iam tendere in altos

Non audet saltus; nec se se opponere telis

Venantum, mouet arma acuens in praelia dentes.

In pœnas sic mentem acuit Syrus asper, & iras

Aggerat: vlciscique deos, quos illa negarat,

Decreuit demens. mora nulla, bitumine tedas

Ardentes asferre iubet, spoliantque ministri

Hanc veste: & corpus flammis crepitantibus vrunt;

Et flamma ambesos artus in flumine tingunt:

Vt liquor insinuans se se per membra dolorem

Gigneret ingentem; magis & magis illa doleret:

Horror enim pacemque animi, labesactaque surtim

Membra quatit; sensus concreto sanguine torpent;

Quos vapor ignis edit, infusaque lympa per artus.

Olibri (scelus insandum) te posse putasti.

Virgineos artus admotis vrere tedis;

Aut fluuiio, frigentis aqua dissoluere nexus

Corporeos? tu frustra animos spe tollis inani.

Tu Margaritæ caelestis premia vite,

Tesaurosque paras cali sublimibus oris.
 Sic ait, at virgo patitur dum immobilis undas;
 Terra fragore gravi mugit: tremefactaque templi
 Tecta, trabesque labant: at virgo illæsa tyranni
 Constitit ante pedes; exutaque brachia vinculis
 Suspexit calum, mentem formidine cuncti
 Demittunt proceres: & mox per inane columba
 Lapsa polo fertum ore tulit viridantis oliuæ;
 Et Margarita crines redimiuit: & alis
 Ingenti plausu tollens se in nubila condit.
 Sed dum tendit iter pennis sublime per auras;
 Confestim nituere leues radiantibus aura
 Luminibus; circumq; humeros vaga flamma reluxit.
 Ut volucrem populi conuentus vidit ab alto
 Labentem calo, & cali regna alta petentem.
 Virginis intactosque artus, & labe carentes:
 Tollebant proni palmas, Christumque canebant:
 Ob Christum nec vincla pati, mortemque negabant.
 Ille insperatas multo cum murmure voces
 Haussit ut; & populum tendentem ad sidera vultus,
 Et patrios clara spernentem voce penates:
 Quattuor actutum damnauit millia morti
 Olibrius, cadique iubet, tunc protinus ultro
 Vnanimis obiere diem: nec barbara quisquam
 Iussa horret, commissæ timens: sed ne sua Christum
 Regna faterentur Præses; iubet ocyus ense
 Virginis abscindi caput; auulsumque reponi
 Ante oculos; gaudetque tuens delubra profano,
 Structa Ioui tunc virgineo respersa cruore:
 Et mentem nequit expleri; dum cæsa virorum
 Corpora tot templi scelerato in limine cernit.

LIBERTERTIVS

AD BERNARDINVM
Rifium de Cuppis Episcopum
Auximatem .

ARGVMENTVM.

Arbor infanti Christo prætereunti incuruata.

Bernardine audi factum admirabile Christi
Infantis : qui dum furibundi Herodis et arma ,
Atque minas sugeret , peteretq; Aegyptia regna ;
Illi ingens arbor sese incuruauit ; & imam
Ætutum tetigit deuexo vertice terram .
Mirum equidem plantas , fabricataq; numina saxo
Agnouisse Deum : Solymorumq; impia corda
Nunquam cognouisse suum , rerumq; parentem .

Admonitus Patre ab æterno dum carperet atram
Sub noctem somnos Ioseph , vt tenderet oras
Cum puero in Pharias tacitus , pueriq; parente ;
Herodes properabat atrox nam querere Christum ,
Vt leto daret infantem : consurgit auitis
Sedibus , & picæ per amica silentia noctis
Ad iussum se accingit iter , patriamq; relinquit ;
Aegyptumq; petit . postquam autem venit ad ipsam
Thebaidis paruam Hermopolim , portamq; patentem :
Accesit , qua sese arbor tollebat ad auras
Maxima , frondosum caput , & sua brachia pandens :
Quæ responsa dabat populis , gentique propinquæ :

Cen

*Ceu concussa foret Borea , vel fulmine ab alto
 Taeta polo ; se se inflexit , tetigitq; comanti
 Vertice prona solum , tanquam venerata tremendum
 Prætereuntis heri numen , nostraq; salutis
 Auctorem Christum infantem , pariterq; parentem .
 Quæ sic curua diu mansit , lætissima donec
 Terra ministravit vires , roburq; , vigoremque
 Infudit solitum plantæ : mirabile ut esset
 Testis in hoc factum cunctis mortalibus. olim
 Indigenæ hinc populi in dubijs responsa petebant :
 Quæ quondam è cælo depulsus Lucifer , illis
 Reddebat ; recti quem gens ignara colebat.*

*Aufugit subito ille furens , ut vidit ab alto
 Vertice deuexas toto cum stipite frondes.
 Falsorumq; deum effigies de marmore , & ære
 Perculsa Christi aduentu cecidere repente
 Per fœra , perq; domos , nec non per templa , viasque .*

*Arboris at folia , & fructus , cortexq; solebant
 Confestim cunctos hominum depellere morbos;
 Siquis læsa super membra imposuisset , & ipsum
 In sua vota Deum lachrymis , precibusq; vocasset .*

AD IOANNEM BAPTISTAM Cannanum Ferrariensem .

ARGUMENTVM.

Mirifica herbæ uis Christi statuâ contingētis.

COnuenit hæc Cannane tibi mea pagina : nã tu
 Es solitus membris hominum depellere morbos ;
 Cum misisset medicina graui deuicta dolore

Languentis, mecum tu nunc miraberis huius
 Vimque, potestatemq; herbae: quae cognita non est.
 Nata nec herbosis Marforum montibus: at tu
 Pars animi Cannane mei non parua, lenisque,
 Fronte leges leta hos; magna quos mittit ab urbe
 Romulidum tuus ex animo tibi Gambara versus
 Mortales vitam Christus dum viueret inter;
 Et modo Idumaeas, modo Iudae inuiseret oras,
 Et claram modo Hierusalem, vicinaq; circum
 Oppida tot, spargens diuini semina verbi,
 Solueret atq; hominum linguas, aperiret & aures;
 Tolleret & morbos; primi; piacula patris.

Tunc fama tantorum operum commota, reliquis
 Eoas quae iam cursu penetrauerat oras;
 Paenadem mulier patriam, populosq; petiuit
 Iudae horribili morbo correpta, diuq;
 Languida; quā miseram quæsitæ haud montibus herba
 Iuuiscent, medicæ manus: confisaq; Christi
 Auxilio tantum vehementi ardebat amore
 Sacratæ digitis limbum contingere vestis:
 Quo tactu longam vim morbi euadere posse
 Sperabat tanta hanc tenuit fiducia; quæ non
 Illius mentem, atque animum, curamue fessellit.
 Vidit enim ut Christum tendentem ad tecta lairi,
 Ingentiq; virum circumseptum comitatu;
 Miscuit huic turba se se, Christi; fluentem
 Extremam tetigit vestem, fluidusque recessit
 Sanguinis aclutum squalenti è corpore fluxus:
 Confestimq; illi fugit dolor omnis in auras,
 Et solite vires membris rediere; abiitq;
 Pallidus ore color, atque illam cura reliquit
 Anxia. dehinc patriam redijt; Christi; verendam

Ex are effigiem fieri mandauit ; eamq;
 Illa domus propria ante fores , limenq; locauit.
 Aenea vestis erat tenui circumdata limbo:
 Effigies Christi dextram tendebat in ipsam
 Phœnissam , quæ se se etiam formauerat are
 Illo eodem , & manibus iunctis , & poplite flexo
 In Christum fixos oculos letata tenebat;
 Atque videbatur Domino persolvere grates;
 Qui se se cura nuper , morboq; leuarat;
 Incolumem, ac latam reddens patriæq; suisque .

Inter erat namque illa suos non vltima ciues
 Progenie, quæ iam in medicos effuderat omnem
 Rem patriam fluxum bisenos passa per annos .

Ante pedes sacra succreuit imaginis herba ,
 Herba salutifera , & morbis immitibus apta;
 Vertice fulua suo cum tangeret ara virenti ,
 Et partem extremam lana : namq; herba potentem
 Vim tactu limbi subito sumebat : & omnes
 Languentes varijs morbis , aut febre leuabat ;
 Letali exiguo madesacti graminis haustu .

Ante autem vestis quam vertice tangeret oram
 Extremam ; penitus nullis erat apta medendis
 Corporibus : facies erat herba haud visa , nec vlli
 Nota prius : Libani nec nata in vallibus altis .

AD FRANCISCVM BANDI-
num Picolhominium Archiepisco-
pum Senensem.

A R G V M E N T V M .

Hebræus puer, quòd Christi corpus sumpse-
rit, à patre irato in fornacem proiectus, à
Beata Virgine incendio liberatus est.

DVM canimus puero allatam Bandine salutem,
Quam tulit, & quam ferre etiam mortalibus
Alma Maria solet positis in Syrtibus audi; (agris,
Nam tanti seriem memorabo ex ordine facti;

Armenie Iudeus atrox Vitarius urbem
Cesaream florentem opibus, regnoque colebat.
Mascula progenies erat huic, quæ sola parentum
Spes erat, & denos quæ vix impleuerat annos
Cum foret ætate tenera hic puer, addiderat se
Tum comitem nostris pueris, quia par erat illis
Moribus, atque ævo parili; vicinia nanque
Iunxerat hos: & dum Maria solennia templis
Sacra sacerdotes facerent, puer hic quoque templum
Cum socijs (ducente Deo) est ingressus; ibique
Iisdem cum socijs sacratum corpus ad aras
Oblatum Christi assumpsit: quo proximis ille
Letitia ingenti persusus sacra reliquit,
Et comites; lætusq; suas remeavit ad ades.

Tunc pater admirās, unde hæc noua gaudia, dixit,
Euenere tibi? dic ò dulcissime nate.

Cui puer, hanc facti seriem, pater optime dicam.
Vicinum accessi templum, quo certa frequentant

Sacra

Sacra sacerdotes non nostræ gentis; ibique
 Cum socijs panem, qui more offertur ad aram
 Assumpsi; quo sumpto, animum noua pertentarunt
 Gaudia, prout cernis: tunc verò percitus ira,
 Plura loqui haud passus puerum est pater; ilicet illi
 Sic succensus ait, nunc ò sate sanguine nostro,
 Atque oblite sacri Mosis mandata, patrisque,
 Qui te alui; meritas nunc nunc puer improbe pœnas
 Crimine pro tanto solues; legemque paternam
 Ob tantum scelus vlciscar: sic satus avita
 E sede eduxit puerum; ardentemq; petiuit
 Fornacem, atque illum medios proiecit in ignes;
 Arentesque super fascies congescit, ut artus
 Inuisi teneros pueri consumeret acris
 Flamma magis. Sed non celestis defuit illi
 Gratia, & auxilium magni Patris æthere ab alto
 Demissum: qui tres pueros de sanguine cretos
 Hæbreo iussu proiectos regis in ignes
 Olim etiam pesti eripuit: qui tunc quoque septum
 Ignitis uri ramis, flammaque furenti
 Absumi haud passus puerum est: sed territa nati
 Infando genitrix casu, quem nuntia ad auras
 Attulerat fama, atque suas penetrauerat edes,
 Euolat; atque locum petit, & diffusa capillos
 Per colla: implebat lachrymosis vocibus urbem,
 Atque ubi peruenit, quò nati corpus in ignes
 Iecerat indignans genitor: tunc mæsta maritum
 Aspiciens, illum dictis onerauit amaris.
 Dilectum quondam puerum tu sene dedisti
 Ignibus infelix, qui nostræ sola senectæ
 Spes erat; & quem tu toties laudare solebas?
 Ah qualis te pœna manet scelerate: nec vlla

Te mouit pietas , nec amor natiue , meique ?
Hanc lucem moror inuisam te nate perempto :
Nanque tuum haud potui funus producere , nec te
Amplecti morte in misera , nec flere , oculosq;
Claudere , supremumq; vale nec dicere ; cum sis
Candentem in cinerem versus : nec noscere possum
Ipsa tuum cinerem infelix , nec condere in urna .
Quo gemitu sit concursus non paruus ad ipsam
Vndique fornacem accensam populiq; , patrumque .
Tunc genitrix animum ingenti turbata dolore ,
Coniugis occultum facinus detexit ; & vnâ
Reclusere fores fornacis turba virorum :
Ignibus extrahis puerum & videre iacentem
Flammam inter , molles ceu plumas inter , & ostrum ,
Partē aliquā haud laesum , non vestē . tum simul omnes
Vt puerum videre , viri laudare parentem
Aeternum , atque alto palmas attollere caelo ,
Atque implere locum latis clamoribus , atque
Triste ad supplicium iuuenesque , senesque vocare
Auctorem tanti sceleris : mora nulla requirunt
Vitarium ; atque illum fugientem per loca cernunt
Proxima ; & arripiunt diuortia nota petentem :
Et captum in medios ignes misere tredientem ,
Atramentumque patrem auxilio , Mosemq; vocantem :
Actutum ignitos artus , atque ossa redegit
Exiguam flammam in cinerem , spectante virorum
Ingenti catu puero dixere ministri
Sacrorum , quis te defendit ab ignibus ? ille
Pulchra suo , dixit , mulier me texit amictu ,
Qua gremio infantem puerum portabat ; & à me
Dimouit crepitantem ignem , rutilasq; fauillas ;
Ne teneros flamma alta meos exureret artus :

*Illi per similes mulier, mihi quæ super aram
 Aede sedens visa est, nescia, tunc credidit ipse;
 Credidit & genitrix pueri; & gens numine sancto
 Afflata ardebat sacris immergier undis;
 Atque sequi Christum; fuso qui sanguine gentem
 Morte sua humanam barathri de faucibus atris
 Eripuit; summoq; illam transcripsit Olympo.*

S. D. N. GREGORIO XIII.
 PONT. MAX.

Baculus Gregorij Neocæsariensis
 Episcopi in arborem.

ARGUMENTVM.

Cum Lycus fluuius magno cum idigenarum
 damno sæpe campos inuadaret: Gregorius
 in eius ripa baculum fixit. nec fluuius ter-
 minum illum transgressus est: & baculus
 statim in arborem creuit.

Alme pater fidei tutamen, & anchora nostra;
 Quem Deus omnipotens, totiusq; arbiter æui
 Tantorum populorum olim patremque, caputque
 Constituit, sacroque caput diademate cinxit:
 Cuique dedit supra rerum moderamina reges.
 Gregorio quæ pauca super noua carmina feci;
 Nomine quem sacro reddis, factisque, dicam;
 Vt teneor, pater alme tibi. sitque hæc mea quamuis
 Rustica vena; tamen scis te sua carmina nunquam

Fasti.

Fastidisse ; agit unde tibi pater optime grates
Immensas ; sub quo nunc Principe Dardana Roma
Sidera se celi radiantis ad aurea tollit.

Gregorius Neocæsarea rector fuit urbis ;
Et tanti columen populi : curamque gerebat
Sacrarum rerum , & sacris solennia templis
Sakra ministrabat populo, populumque docebat
Aeterni praecepta Patris ; quæ dixerat olim ,
Duceret his nostris vitam dum Christus in oris .

Tempus erat , quo terra tumens genitalia poscis
Semina ; & ob lapsos piceis è nubibus imbres
Tecta natant passim plenis agrestia fossis ;
Fluminaque alta secant ruptis nemora ardua ripis .

Tunc Lycus oppositas rapido cum gurgite moles
Saxorum ingentes , connexaque robora vinclis
Innumeris , stagnum in magnum , magnamq; paludem
Traxerat, hibernis tumidus quam fecerat undis .

Tunc adeunt trepide tanto in discrimine gentes,
Quæ Neocæsaream , vicinaque rura colebant,
Gregorium ; cuius totis notissima terris
Fama erat , & probitas uite , & miracula certa ,
Mortali non facta manu , non carmine, & herbis ;
Ast ope diuina , & summa virtute parentis ,
Qui calum ex nihilo , terramque , fretumque creauit.

Postquam autem uidere uirum , precibusq; rogarunt,
Illorum ut fessis rebus succurreret, utque
Egregiam eriperet tantis terroribus urbem
(Namque aliò moistem aerium traduxerat , adem
Conderet ut Patri eterno , rerumque parenti)

Tunc senior solita motus pietate , suorumque
Excidio ; rapidum subito contendit ad amnem,
Per campos secum pecora, atque armenta trahentem

Cum

Cum stabulus strepitu horrifono, et torrentibus undis;
 Non vlllo subuectus equo, curruve sonanti:
 Ast innixus iter baculo confecit acerno.

Atque ubi conspexit fluvium fecisse paludem
 Immensam, & vasta indigenis cultoribus arua:
 Illachrymans longum ingemuitque, Deumque vocavit
 Auxilio positus genibus prope fluminis undam
 Gregorius: mox sic inquit. Da nunc Pater aures
 Alme tuas faciles nobis: nanque cuncta solus
 Tu potes; & solus ventis, pelagoq; tument
 Imperitas: gentisq; tue miseratus acerba
 Exitia, & duros casus, demersaque rara;
 Affer opem, iube & hos campos ne flumen inundet
 Vltcrius: tumidi nam tu maris æquora rubri
 Curuasti in montis faciem; quo gens tua siccis
 Transiret pedibus, littusq; intacta teneret
 Aegypto oppositum, Pharaonis & agmina pontus
 Obrueret, Phariosq; duces, currusque volantes.
 Iordanisque tuo iussu placida vnda retrorsum
 Fiexit iter; tenuitque suos exterrita cursus;
 Transiret donec populus tuus in noua regna,
 Regna Palestine cunctarum vberissima frugum;
 Et lacte vbertim, liquidoq; fluentia melle.

Cumque suum fluvius iam defluxisset in alueum,
 Hic tunc Gregorius supplex defixit in imam
 Tellurem dextra baculum, quem ferre solebat.
 Quid referam? dicto citius frondescere cepit
 Ille nouis folijs indutus, cortice & vdo:
 Atq; acta radice comas tollebat ad auras;
 Et sua curuatis huc illuc brachia densa
 Pandebat, ferti in morem viridantis; & atra
 Currentis fluuij ripas induxerat umbra:

Qui veluti limes positus fuit inter & agros,
 Inter & undantem fluvium, vastamque paludem;
 Quæ solidam in terram (visu mirabile) versa est
 Triticea & messis, vinique, oleaque feracem.

Et quoties tumet, hibernis siue imbribus amnis,
 Seu nunc tunc liquefacta udo sub vere quotannis;
 Ille suos intra fines se continet, & non
 Arua, domosque ultra cursu deformat, & undis:

Nam Deus hunc celi audierat de vertice summo
 Fundentem de more suo lachrymasque, precesque.

N V M I I N R O S A S,

R O S A E I N N V M O S.

Ad Caterinam Portugalliæ reginam
 Ioannis Regis tertij coniugem.

Titulus sit pro argumento.

C V M iam te audierim vestigia sancta beatæ
 Elisabet, vitamque sequi; dum suggeris omnem
 Pauperibus victum, & vestes; & templa frequentas
 Aeterno sacrata Deo: & ieiunia servas,
 Quæ sacra statuunt leges Caterina: libenter
 Percurre hanc facti seriem: sint carmina quamvis
 Condita ab ingenio haud facili, nec diuine vena.

Tēpore, quo passim est bruma intractabilis, & quo
 Strimonias Aquilo gelidis asslatibus undas
 Asperat; & niueo tellus se vestit amictu:
 Elisabet, quæ iuncta toro, tedaque iugali
 Magnanimo fuerat regi; qui gentis habenas

Tunc

Tunc Lusitane fleſcebat; dedita toto
 Pectore diuino cultus, & ſuccurrere egenis;
 Carcere & incluſos homines inuiſere; & egros
 Sueta iuuare ſuis opibus: cum forte ſuperbo
 Exiret thalamo, vt peteret templa ardua Patri
 Sacra Deo, nummos gremio attulit; vt daret illos
 Pauſeribus: cui rex Dionyſius obuius inſit.
 Quod deſers regina ſinu? tunc illa. roſe ſunt,
 Quas dudum legi. ſed ſecum hac pectore verſans
 Rex, atque admirans: hoc ne, inquit, tempore flores
 Naſcuntur, late regnet com frigidus annus;
 Nec campis herbe apparent, nec in arbore frondes?
 Quaſo aperi regina ſinum. tunc haud graue pondus,
 Vt prius, ipſa ſinu ſenſit: nam verterat aurum
 In varias Deus ipſe roſas, mirabile viſu:
 Vt vidit rex, & cuncti videre quirites.

In thalamum virgo cum admirabunda rediſſet:
 Et letata roſas gremio portaret apertas;
 In nummos rediere roſa: tunc conſcia ſacſi
 Eliſabet retro rediit, regemque petiuit:
 Atque illi ſeriem ſacſi memorauit, & aurum
 Oſtendit gremio: tunc coniux credidit, ambasque
 Extulit ad celum palmas; celebrare parentem
 Aeternum celi haud ceſſans; qui cernere ſignum
 Fecerat hoc, illum tanto dignatus honore.
 Conceſſit dehinc reginae Dionyſius omne
 Arbitrium, ſtruere vt poſſet noua templa, domosque
 Implicitis morbo: & ſundis dotalibus auxit.

AD MARCV M ATTILIV M S E R R A N V M.

A R G V M E N T V M.

Esculenta ob negatam eleemosynam in lapides conuersa.

S Cripissimus hæc Serrane tibi ; qui lumina quōdam
Pauisti aspiciens tot diti a regna , tot vrbes :

At nunc exculto dicentis ab ore Quirites

Pendent : intentum studijs maioribus , & te

Orantem coram Romano Principe vidi ,

Purpureo patrum longè admirante Senatu.

Consectus senio , veterique indutus amictu ,

Et lacero pauper nauem conspexit onustam

Mercibus , & multius nautis , portumq; tenentem :

Consestim deflexit iter maris aquora versus :

Hosq; salutauit nudato vertice , dicens .

Saluete erepti tumidis è fluctibus alti

Tyrrhem maris : & Domino gratisima pax sit

Vobiscum . mihi quæso inopi concedite frustum

Panis ob illius nomen ; qui sanguine lauit

Crimina vestra suo , vestrum & delicta parentum.

At nauta indignans vultus auertit , amara

Bile tumens : sed cum persisteret ille rogando

Exiguam panis partem : sic nauita dixit

Indignans . longæue senex absiste precari

Vlterius : namq; hic non sunt nisi saxa ; nec vllum

Quem petis ipse cibum secum uehit hæc mea puppis

(Puppis onus fuerant fructus , quos mittis Idume ,

Præter nautarum victum, & Sicyonia bacca.)
Si ratis, ut perhibes, tantum Marpesia saxa
Hæc tenet: in durum vertat Deus omnia marmor.

Dixerat ista senex: abiire in saxa repente
Omnia, quæ poterant mandi: & cum sorte columnis
Transfixas anates verubus versaret ad ignem
Verna puer; sensit dextra graue pondus; & illas
Vidit mutatas in leuia saxa volucres.
Feruenti & caprea partem non tollere alieno
Pertuso poterat ferro, vel viribus ullis.

Quinetiam cum verna alius melimela teneret
Terna sinu; cecidere suo cum pondere ad imam
Tellurem, roseusque pudor perstrinxit & ora,
Impubesq; genas pueri; risitque iuuentus;
Et circum rupes plausu insonuere secundo.

At rector ratis haud risit: sed pectore ab imo
Indoluit: famulisq; virum perquirere toto
Littore, littoreisque locis mandauit: at illi
Haud vnquam potuere senem reperire: licet sine
Emensi loca per valles, & proxima ponto
Littora. Sic quisquis mundi est iam stultus amator,
Atq; harum rerum cupidus, sitiensque; videt nunc
Delusisse senem nautæ quid profuit: an ne
Auxerit ille suas merces, dum reppulit illum,
Fundentemque oculis lachrymas, precibusq; petentem
Exiguum panis frustum. fac tu memor esto
Quisquis es haud miserans inopem; quid fecerit illi
Omnipotens misero nautæ, dum spernit egenum.

IN DIREPTIONEM VRBIS NICOSIAE.

Ad Nicolaum Ormanettum Episcopum Patauinum.

ARGVMENTVM.

Deplorat Cypri uastationem, Nicosiæque direptionem. Deinde Christum rogat; ut iram suam à nobis auertat: eamque in impios Turcas conuertat.

Nunc quoniam Ismaria Turcarum rector ab arce
Extulit & belli signum; & crudelia bella
Mecum in insontes Venetos: quos fœdere rupto
Impius inuasit; dehinc Cypri vexit ad oras
Bellantum turmas; urbemque obsedit, & illam
Diripuit: tu casum urbis, plagamque recentem
Mecum vnà defle, cladem miseratus acerbam
Ormanette: suas cui tradidit ætheris auctor
Pascendas pecudes, quæ mollia gramina tondent,
Teque bibunt liquidos fontes pastore, leuesque
Medoaci carpunt secura ad flumina somnos.

Turca ferox, animisque furens, insensus et hostis
Nominis ille tui, nunc clementissime Christe
Immeritam euertit Cyprum furialibus armis:
Euertitque tuam gentem: fusoque tuorum
Sanguine inundarunt fossæ: ceu flumina multis
Imbribus aucta solent ripis spumare: virosque,
Fœmineumque genus, prædamque abduxit ad oras,

(Reli-

Reliquias belli, qua Bosphorus insonat undis
Hellepontiacis: iacuerunt inhumata per agros
Corpora pugnantum: nec erat, qui rostra ferarum,
Aut volucrum arceret; nec qui tellure iacentes
Obrueret terra iniecta. tua templa tuorum
Sanguine sedauit miles pharetratus, & ense
Horridus, & nostri sitiens, anidusque cruoris.

Tu Verò Pater omnipotens miserere gementum;
Qui summo tristes fundunt suspiria caelo;
Quos vinculis tenet ille, sua ludibria genti,
Et, sint multa licet, tamen obliuiscere nostra
Crimina, nostrorumque patrum: procedere nec tu
Longius hanc iram permittas: quæ velut ignis
Est accensa: tuas, in nos sed mitis, habenas
Effunde irarum in Turcam, qui teque, tuosque
Despicit; atque alium, non te vocat in sua vota:
Nec fundatorem celi, terræque fatetur:
Numen adumbratum sed adorat; & insuper illi
Templa dicat: precibusque idem tua templa nefandis
Polluit, atque tuas damnatis ritibus aras.
Affer opem: dicat ne forsitan hostis, ubi nam est
Illorum Deus? & dictis insultet amaris.
Hunc tu sterne solo, gentique obsiste feroci:
Nostræque conspiciant vindictam lumina; qua tu
Disperdes meritis insensos cladibus hostes.
Tunc tua dicemus sacris facta incluta templis
Ante tuas positi multis cum laudibus aras.

PRO CLASSE NOSTRA IN TURCAS ITURA.

Ad Aloisium Atestium Cardinalem.

ARGUMENTVM.

Hortatur Aloisium Card. vt secum celebret
admiranda Dei opera: rogetque eum, vt
nos protegat, Turcas profliget.

I Nserere & nostris mens est tua nomina cartis
Princeps magne; graui quauis sint digna cothurno
Atesti; non his nostris dicenda cicuttis,
Ob longam aetatem attritis. age nunc cane mecum
Hoc carmen sacras aeterni Patris ad aras:
Nanq; vides, quae Turca serox in nos ferat arma;
Quem nostra haud vnquam poterit subiungere clas
Bellantum ob numerum: nisi nos Deus adiuvet; et nos
Ipse suo clypeo tegat, & caelestibus armis
Tutetur; Thracumq; acies effundat in vndas.

Omnia dependent à te, cui summa potestas
O Pater est rerum; quas ingens circuit equor.
Quis Solem, Lunaeq; globum consistere iussit
In medio cali spatio, dum sterneret hostes
Oppositos Iosue: nisi tu? nam tu quoque solus
Astrorum innumeros ignes, calumq; creasti;
Et Solero, Lunamque. Patrem te maxima tellus,
Atque suis cum fluminibus, magnisque fatetur
Aequoribus: manuumque omnes opera alta tuarum
Concelebrant quisnam te excepto rector, & auctor

Est orbis ? tu te radianti lumine vestis ,
 Non trabea intertexta auro , non murice tincla .
 Solus inaccessam nam tu colis ardua lucem
 Astra super ; nostros in te quæ intendere visus
 Non finit : haud secus , ac si quis sub sidere Cancrī
 Figere in aduersum Solem sua lumina vellet :
 Venterumq; super veheris per inania pennas .

Ipsa tuo iussu stat terra immota , caduntq;
 Montibus ē celsis rapido caua flumina cursu
 Quæ gelidum tendunt iter in maria alta ; nec æquor
 Littoribus curuis spumat ; nec rumpere fines
 A te præscriptos audet. tu sulmina mittis
 In terras , non Aeolys fabricata caminis ,
 Ut vani referunt vates , tonitrusq; coruscant ;
 Atq; cadunt altis per te de nubibus imbres :
 Munere quo veniunt sata leta , & montibus alui ,
 Atque hortis flores , & gramina mollia siluis
 Quæq; etiam repunt , squamosaq; corpora ponti ,
 Et cali volucres , hominesque , ferasq; creasti ;
 Omnia quæ pelago , & terra pascisque , fouesque .

Nam Pater es rerum , atque opifex , & deniq; custos ,
 Solus & omnipotens : quamuis ob crimina nobis
 Enemiant mala cuncta , tamen quas fundimus audi ,
 Et ne sperne preces : hostis namque impius in nos
 Arma mouet ; rate & ingenti sulcabit apertum
 Æquor ; ubi Ver exoriens tepescerit altum
 Aethera , & Ionys ventis placida unda silebit :
 Armatasq; acies terra peditumque , equitumq;
 Iam parat , & nostros armis inuadere pertus :
 Atq; Asia vires secum vehit , & vocat omnes
 Thesalia populos , Thracumq; in bella catervas :
 Littora quæ seruant tumidi mari Helleponti .

Hunc submerge Pater medijs in fluctibus hostem ;
 Haud secus , ac regem Aegypti: dum per freta gentem
 Ille tuam peteret ferro , cursuq; fugaret.
 Aut quater audebit si nostras molibus arces ;
 Nobiscum aut campis acie pugnabit apertis ;
 Hunc sternat tua dextra solo , saevasq; cohortes ;
 Haud secus , ac quondam rapidi Cisontis ad undas
 Sisara cum cecidit , Iabinque , atq; impius Ammon.
 Nanq; Palestine gentes cecidere tuorum
 Bellantum gladio , & strata sine honore sepulchri
 Per campos iacuerunt , velut cinis , & finis arvis :
 Cognoscant ut te esse Patrem , Dominumq; , Deumq; .

ANTONIO PERENOTTO Cardinali Granuelano.

A R G V M E N T V M .

Precatur Deū pro sacra classe contra Turcas.

TV mecum Perenotte , regis qui littus utrumque
 Ausonia , magno positum sub rege potentis
 Hesperiae ; Tagus auriferis quam scindit arenis,
 Exequerisq; tui solers mandata Philippi .

Tendere se classem dum nostra accingit in hostem ;
 Ante aras effunde preces de more vetusto
 Ad celi, terraq; Deum, rerumque parentem :
 Ut iuvet auxilio classem , ventisq; secundis ;
 Augeat & nostris vires in praelia ; & illos
 Edoceat , dextraque tegat ; roburq; tyranni
 Viribus ipse suis obtundat , & obruat undis .

FRAN-

Frangantur fastus illorum, animique, nec ulla
 Spes illos aliat ulterius: redigantur at omnes
 Ad nihilum; exiguus ceu currens riuus arenas
 Per bibulas, cum Sol campos salis vrit, & aether
 Fervet ob Icarium sidus; passimq; per agros
 Languescunt herbae, & rimas agit arida tellus.
 In nos illorum nec vulnera dirizat ensis:
 Nec mortem turbatae acies, peditumque manipuli
 Effugiant miseram; sed cum bella aspera ponto
 Permifcent; animam expirent fluitantibus undis.

GRATIAS AGIT DEO pro victoria de Turcis habita.

ARGUMENTVM.

Gratias Deo agit, quod nostrae classi victo-
 riam tribuerit: mox cum multis laudibus
 celebrat. Postremo Alexandro Farnesio
 Card. hoc carmen dicat, eique de Farnesij
 iuuenis ex eo bello reditu gratulatur.

IAM tandem Pater omnipotens dignatus ab alto
 Es nostras audire preces, gemitusq; tuorum;
 Ferre & opem nobis tantarum in turbine rerum;
 Et post bellorum tam seua incendia, totq;
 Excisas ferro gentes, amissaque regna:
 Nam nec erat spes ulla fuga: furibundus & hostis
 Terruerat pontum, & terras victricibus armis;
 Et classe Adriacas valida penetrauerat oras,
 Oppidaque & pelago. & terris inuaserat vrbes:

F 2 Atque

Atque inimicum ignem secum , cadesq; ferebat.
 Induerat quos se in laqueos nec senserat : & nec
 Quid posset , Rex ò celi , tua dextera norat .

Vnde agimus tibi nunc tanto pro munere grates ;
 Et templis pia iura damus : per templa , viasq;
 Debita sacra tibi canimus : nam dextera partim
 Threiciam classem tua mersit in aequore : partim
 In nostras impulsa manus est , te duce : & ingens
 Turcarum intepuit respersus sanguine pontus .

Nam nec habet certas tua magna potentia metas ,
 Nec præscripta tibi est : sed tu potes omnia solus ;
 Tellurem & pelagi liquidas effundere in undas ;
 Et mare tellurem in solidam , tibi paruit aequor ,
 Aequor Erythraum ; Isacidae dum robora gentis
 Transirent uasti sicco pede marmora ponti :
 Atque minas fugerent duri Pharaonis , & arma :
 Nanque tuo iussu discescit tunc maris unda ,
 Hinc , atq; hinc saxi in faciem durata repente ;
 Hebraea inferrent gressus qua parte phalanges :
 Quæ retro tunc deinde fluens , coniunctaq; , currus
 Inuoluit pelago , Mareotidaq; arma sequentum .

Nunc vero non se pontus diuisit : at unda
 Strata , silensq; (tuo sed non sine numine) ventus
 Auxilio nostris fuit : & tot nota per annos
 Præteritos feritas ; & formidabile nomen
 Turcarum in ventos abiit : tunc gentis Iberæ ,
 Atq; Itale ad calum bellando gloria sese
 Extulit : inuictamq; olim per cerula classem
 Haud nostræ timuere rates : non impetus illos
 Barbaricus inuit , sparsusq; per æquora clamor .

Nam nostra haud Luncæ speciem vexilla ferebant :
 Sed cruce pendentem Christum , palmasque , pedesq; ,

Tra-

Traiectumq; latus ferro, pariterq; parentem
Aspera dilecti miserantem vulnera nati.

Gloria tota tua est: neque enim victoria nostro
Consilio, aut armis parta est, aut viribus ullis.

Et miles ferus ille suo sperabat in arcu,
Et gladio: quo iam toties caeso hoste triumphos
Egerat: & victor prædas portarat ad oras:
Insensat angusta qua Bosporus horrifera unda.

Quid dicam, o Asia regnator saue? Deus te,
Quem colimus, meritoque sacras veneramur ad aras
Proteret: haud aliter quam lati graminis herba est
Cornipedis pede pressa gregis. dicamq; ego. Vidi
Regem Asiae florentem opibus, regnisque potentem,
Elatumq; animo, & tumulum præcordia fastu,
Cedrum altam Libani cœu vertice: mox ubi sedem
Hanc repeto: rex non usquam est: sed nec levis umbra
Corporis illius, nec gloria parta sub armis
Vlla erat: at tantum remanent uestigia rerum.

Spero aderit tempus; quo te sulcasce pigebit
Ionios fluctus, & classe intrasse profundum
Adriacum: tuaque arma armis concurrere nostris
Permisisse: Deus cum nos nunc protegat, & nunc
Pro nobis (ut tu ipse vides) bella aspera pugnet.

Tunc ego lætitia ingenti cum laborabor, & axes
Vertice contingam cæli: dehinc ora resoluam
In laudes, o Christe, tuas, magniq; parentis;
Qui per te pontum, & tellurem condidit: & non
Se folia vlla mouent tanti sine numinis aura.
Cessabo & nunquam tua facta intexere nostris
Carminibus, pariterq; tuos memorare triumphos:

Nam victi cecidere hostes, pauciq; (cruore
Aspersi tamen) ad sedes rediere paternas:

Et sua viderunt versis vota irrita rebui.

*Te mare, te tellus, celi te regia laudat,
Caelestesque chori, laetaque per oppida gentes
Europa: quæ te dominum, patremque fatentur
Cunctorum; & magna celebrant te laude; tuumq;
Nomen, & annales condunt; quibus inclita facta
Describunt; quæ dextra potens tua fecit in undis
Ionij; nostri ut valeant hæc scire nepotes:
Teque colant unum; penes est quem quicquid ab alto
Aspectat, celi cum Sol tenet arduus oras:
Istiusq; sacra memores sint lucis; & aras
Ante tuas tibi digna canant præconia laudum.*

*Tuque illorum animas, fuso qui sanguine pro re
Romana, sacrisque tuis, patriaque ruenti
Vulnera per mortem insignem petiere sub armis;
Sidereas supra sedes, qua fulget Olympi
Regia duc tecum; & tuta statione reponere.*

*Et vos ætherei fontes, quos non vagus imber
Verberat; aut pedibus turbat fera, vel grauis æstus,
Aut ramis folia arboreis delapsa: sed estis
Perspicui, gelidique, Deum laudate; manu qui
Pro nobis valida nostros pugnavit in hostes*

*Tu quoq; Sol, qui vidisti sublimis ab alto
Æthere pugnantes pacata per æquora puppes;
Et nunc tu canere, atq; urbis per compita pompas
Ducere solennes lætus nos aspicias: heu quam
Exigua sunt, & tenues, te iudice, grates
Pro tantis in nos meritis, quæ contulit ille,
Ille sator rerum, & tanti certaminis auctor.*

*Iam circum septem colles, quos diuidit unda
Tybridis, & cursu præclaram interluit urbem,
Lætitia magna exultant: atq; ardua voces*

Terra-

Terrarum lætas ad sidera lucida iactant;
Atque nouis resonant passim concentibus aure.

Ipsa coronatis Tuscum mare cornibus intrant
Flumina; quæ currunt de fontibus Apennini:
Certaq; venturis declarant gaudia secis.

Tu verò ante alios Venetum clartissime Princeps
Nunc longe es felix, sub quo Deus optimus hostem
Hostem opibus, simul & terra, pelagoq; potentem
Mersit in Ionys undis: qui sædere rupto
In vos infantes Venetos iam verterat arma;
Et Cypri regno expulerat, victorq; tenebat
Totius pelagi imperium. Sed det tibi tantum
Omnipotens vitæ spatium; quo cernere possis
Illum amittentem terras, amisit ut æquor;
Et dantem meritas effuso sanguine pœnas:
Pacatum & videas lætis successibus orbem.

Hæc tibi Alexander cecini; dum tu colis oras;
Vmbrosis gelidus quas Farsarus irrigat undis:
Commisissiq; tibi populis ciuilia reddis
Iura tuis: ritusq; sacros, & templa renisis;
Inquirisq; hominum vitas. tu perlege quæ iam,
Iam toties votis optasti: & gaudia mecum
Nunc cape, et ante aras pronus, supplexq; age grates
Immensis Patri æterno; qui mersit in undis
Ionys Turcarum acies, inimicaque vela.

Atq; alias summo grates persolue parenti:
Qui carum in patriam, sedesq; reduxit anitas
Farnesium iuuenem; qui te quoq; nomine reddit:
Duxerat ad bellum quem clarus auunculus armis,
Illius virtutem animi, roburq; iuuenta
Admirans; puer aduersos dum tendit in hostes.

IN REGEM TURCARVM post amissam classem.

Ad Bartholomæum Ferrium ordinis
Prædicatorum interamnatem Episcopum.

A R G V M E N T V M.

Inuchitur primo in Selimum eius arrogantiam
irridens. Deinde in Constantinopolim
nostris spolijs ditatam.

Vrbem Interamnã dum tu colis inclyte Ferri;
Sulphurea quam Nar albus præterfluit unda,
Quo duce oues silus commissã gramina carpunt;
Atq; bibunt puras vicini fluminis undas:
Optatosq; ineunt subter nemora ardua somnos:
Turcarum contra regem quæ carmina dixi,
Ionio postquam persensit in æquore classem
Amisã, & nostros victricia signa tulisse
In proprias sedes, intentis auribus audi,
Quæ tibi mens Selime fuit, postquã æquore classem
Ionio amisã nuper, stragemq; tuorum
Audiisti? qua confusus, te posse putabas
Non solum Adriacos fluctus, Tyrrhenaq; ponti
Cerule, & Hesperij maris æquora; sed quoq; vastos
Cannibalum penetrare sinus, victorq; referre
In patriam prædam iugentem; regesq; ducesque
Ante tuos currus, captiuos ducere: & urbem
Per mediam; rapida quam Bosphorus alluit unda,
Ire inuectus equis, auro, gemmisq; superbus:

Poscere

Poscere & athereos temerè mortalis honores.

Namque mare undabat bello; atq; iniecerat atrum
Tunc hominum terrorem animis tua barbara classis:
Sed nunc, en quantum tua te spes vana fefellit,
Atq; incerta nides: quoniam sic euenit illi;
Qui numero bellantum audax spem collocat omnem
In regnis, opibusq; suis, nec cogitat iram,
Quam Deus in fontes, atq; in secla impia vertit.

Et nunc à Venetis Epiri in littoris ora
Audisti euersas arces, fusasq; phalanges.
Nec dubita, ipsa manus Domini sortisque, potensque,
Quæ gentem, classemq; tuam; mox te quoque victum
In nostras eadem ipsa manus, Turca impie, tradet.

Tunc ira Pater accensus nomenq; , genusque
Delebit Selime tuum; veluti per aperta
Plana lutum, valido aut puluis disiectus ab Euro,
Inque tot erummas commissa ob nostra tyrannæ
Crudelis nos incidimus; quarum haud tua classis
Causa fuit, non turmæ equitum, peditumq; cateruæ:
Sed Deus ipse tuas, nobis iratus, in iras
Nos miseros toties concessit, & oppida, & vrbes.

Et nunc, cum sit nos celo miseratus ab alto,
Nec precibus nostris auertat (ceu prius) aures:
Iras in te acuet; quas olim exercuit in nos.

Tuque etiam tantis vrbs quodam assueta triūplis.
Nostrorum & spolij's diues; quam nunc ferus ille
Selimus premit imperio: tu turturis instar;
Quæ nuper thalami consortem amisit, & implet
Flebilibus nemoris nigrantem questubus vmbra:
Mortua nauali pugna, disiectaque ponto,
Et monstribus laniata feris tua corpora desle:
Et pro gemmanti palla te vestibis atris

*Indue ; & obscuris lachrymans te conde tenebris,
Tanta insperata cladis testata dolorem
Insolitum ; dehinc lætitiā, ludosq̃; repende
Exactos gemitu mæsto, casuq̃; recenti .*

**SANCTISSIMO DOMINO
NOSTRO GREGORIO XIII.
PONTIFICI MAX.**

A R G V M E N T V M.

Gratulatur summo Pont. quòd in altissimo dignitatis gradu locatus sit. Deinde precatur Deum, vt Turcarũ classẽ in nos paratam perdat, nostram tueatur . Selimi impietatem execratur. Dei Opt. Max. ex quo cuncta p̃d̃et, op̃e implorat. Hortatur Christianos principes ad suscipiẽdum cum Turcis bellum . Postremò inuehitur in hæreticos.

Perlege non dignum quamuis te Principe carmen :
O ingens tutela hominum, & gratissima celo
Progenies, nec non populis, qui iura sequuntur
Romana ; æterniq̃; tenent mandata parentis.
Cui nunc calicolum rector concessit habendum
Totius mundi imperium : & tibi tradidit vni
Posse sua in terris vice fungi ; quæ rubet æquor
Oceanum cum Sol oritur, & quæ cadit ; & nos,
Et mundi hanc molem immensam sine luce relinquit .
Felix ista dies, qua te, de more, Senatus
Purpureus, dubijs rebus dum consulit, ultro

Ad

Ad celsam tanto dignatum munere sedem
Perduxit, triplicemque auro, gemmisque coronam
Imposuit capiti, & rerum tibi tradita summa est.

Interca dum tu placida moderaris habena
Sancte pater Christi turbata per equora cymbam,
Fluctibus in medijs quam Turca inuoluere tentat:
Hanc etiam nostri partem lege carminis; in qua
Regem oro aeternum cali, submergat ut undis
Aequoreis classem illius: nec non tibi praestet,
Commissam ut puppim tuta statione reponas:
Qua te rege minas Aquilonis non timet, iramque
Ismarijs nec perflantes de partibus Euros.

Zancteos liquit portus tua classis, & oras
Trinacrias Pater omnipotens noua bella parantem
Turcarum contra regem, tellure, marique;
Atque incumbentem fractas sarcire triremes,
Littoreisque locis equitum disponere turmas.
Non aliter leo sauit agris; infrendit & ira
Dentibus, ob thalami consortem in vallibus Afris
Amisam; quam venator Massylus ad amnem
Cinyphium silua errantem prospexit; & arcum
Intendens fregit telis letalibus armos:
Qua iacuit densis nemorum moritura sub umbris:
Quam serus hic classe amissa. Pater has age puppes,
Quas reparat nunc diuersas, ubi per freta ventos
Threicios ratibus dederit Byzantius hostis.
Corpora descendant vna cum milite, & armis
In vada caeca maris; veluti deiectus ab alto
Monte lapis latum in spatium, vallemque profundam.

Et tua in has gentes ira incandescat; ut ignis
Accensus nemore in magno; quem flatibus Auster
Aggreditur ualidis, miscetque incendia passim.

Tu vero nostra tranquillās dirige classi
 Per pelagus Pater alme vias; ne illisa propinquis
 Muricibus; scopulisue, truci aut vincantur ab Euro.

Turca colit monstrum infandum; cui tēpla dicant
 Plurima; & ante alios cultu veneratur inani.
 Condi lit hic leges, quæ sunt iussa impia: namque
 Compellunt scelerare manus, atque arma cruore
 Humano, regni que suis vi trudere gentes.

Tu verò Selime premis qui regna, tot vrbes
 Ob crudele odium, discordiaque arma potentum
 Ausonidum: væ quanta tibi saevissime damna
 Euenient; cum non ultra gens Itala certet
 Inter se se odiis, viden vt sit iam tibi adempta
 Spes omnis, posse vltius tua tendere vela,
 Vt prius; atque tuas inimico in littore puppes
 Sistere; & Ismarias prædam conuertere ad oras.
 Pro nobisque Deus pugnabit; & obruet vndis
 Ipse tuam hanc classem ventis turbantibus aquor.

Frustra animis elate geres cum milite forti
 Prælia, iandudum quem misit Iberia bello
 Aspera: & Ausonia tellus assueta triumphis
 Barbaricis: non cum turmis, equitumue cateruis,
 Quæ ripas habitant Euphratis, opimæque regna
 Persidis, atque domos Arabum, Nilique fluentia.

Ante igitur nobis quam Sol se ostendat, & ante
 Quam cadat, ò Rex omnipotens, te nostra sonabunt
 Nablia, te citharæ, nec te mea lingua tacebit,
 Dum tua tot benefacta cani. Nam quis dedit hostem
 In nostras Pater alme manus, quem vicimus vndis
 Nuper in Ionys, nisi tu? vel per freta quis nunc
 Perducet classem hanc, qua personat Hellepontus?
 Quisne urbem caput imperij, vicinaque circum

Oppida

Oppida tot capiet? nisi tu Deus, & tua fortis
Dextera? non ferrum, non vis humana valeret.

Nam regum Rex es: manuumque opera alta tuarū
Sidera sunt; necnon quicquid terræ ambitus ingens
Continet: & solus reges de sede potentes
Deturbas: solusque Notis, pelagique procellis
Imperitas: præsensque tuos, siue æquore vasto,
Seu pugnant tellure iuuas: das denique cunctis;
Auxilio qui te votis, precibusque vocarunt,
Ire triumphali deuicta per oppida curru.

Vos verò quæ laudis amor, quibus inclyta cordi est
Gloria, & insignem factis extendere famam:
Quique Deum colitis verum, non numina falsa:
Vertite in infestum Christi vexilla tyrannum
Threicium; & vires validas effundite in hostem
Vos cuncti Europæ reges; & iungite sædus
Aeternum inter vos: vos vnanimesque inuante
Puppibus, atque viris instructi. cernitis æquor
Ardeat, ut classe armata; quæ tendit ad oras
Odrysiæ: secumque vehit fortissima bello
Pectora; quæ Tybris, quæ Batæ misit in arma;
Et quæ magnanimus Venetis Leo nutrit in aruis?
Omnipotens quæ dextra Dei deducet ad oras
Quas adeunt: illosque regens amissa reponet
In sceptrâ; atque armis succedent vota secundis.

Te quoque commoneant o rex, cui Gallia pareat
Inclyta tot bellis, maiorum exempla tuorum:
Illi etenim Solymas multo cum sanguine terras
Hostili eripuerunt manu, & crudelibus ausis.

Quis nescit sacrum bellum sub principe claro
Gallorum; & spolia ampla altis pendentia templis?
Auxilioque iuuat hanc classem, quæ tendit ad oras

Helleſpon-

*Hellepontiacas: ut ferro perdat, & igni
Turcarum puppes, vicina atque oppida ponto.*

*Insuper aspirantem illum non cernis ad orbem
Terrarum; inque dies aliena inuadere regna?
Nā modo ad Hesperios populos, modo vergit ad Indos:
Et modo qua spirat Boreas, modo qua grauis Auster.
Illi nulla quies; regnandi est tanta libido;
Et sceleri scelus accumulare, & ad arma referre
Cuncta: nec esse locum pietati, aut legibus ullis.*

*Et quis erit demens adeò; qui dicat eundem
Vlli vnquam seruasse fidem? sed fallere semper
Assuetum Veneti norunt; quibus aurea Cypri
Regna tulit, fregitque fidem: sed conditor orbis
Illum ipsum affecit pretio; quod non sine luctu,
Lamentisque recenset Selimia proles.*

*Nec dubius belli est euentus: nam Deus alto
Prospectat calo nostras freta salsa carinas
Sulcantes: qui nos mitis non deseret vnquam.
Non secus ac prudens pastor, qui armenta, suasque
Pascentes agnoscit oues, pastasque salubrem
Ad fontem pellit; seroque ad septa reducit
Vespere; & in virides siluas agit; altius vbi Sol
Luce noua pelagi campos, calumque reuisit;
Acribus atque oculis circumspicit omnia solers:
Atque dies, noctesque vigil pecus omne luporum
A rabido morsu, positus custodibus arces.*

*At vos, ò misera gentes, iam tabida membra;
Qua vos supplicia expectant post funera? namque
Sprenistis Dominiue vias, reclusumque, piūque;
Carpitis & tanquam pecudes aconita sine vllō
Custode; & sine luce illa, qua venit ab alto
Lumine fulgentis cali, & felicibus oris.*

Excusito

Excute à vestro tenebras iam pectore, & arma
 Induite aeterna lucis: procul omnis abesto
 Fastus, & insana mentis furor, iraque praecept
 In nos, Romanumque patrem; qui debita Christi
 Sceptra, vicesque tenet vigilans; & vota, precesque
 Pro vobis fundit; Deus ut iam respiciat vos;
 Inque fidem sanctam, Christique in ovile reducat:
 Atque manus contra crudelem armate tyrannum
 Ismarium: comitesque sacrae vos addite classi.

Vos estis miseri ante alios: nam clauditis aures:
 Obscuro deprensa velut solet aspis in antro:
 Ne magicos cantus, inimicaque murmura apertis
 Auribus admittat; cantataque tecla relinquat:
 Servitiumque cauo durum ferat abdita ligno.

AD ANSVINVM POLAM TARVISINVM.

ARGVMENTVM.

Orat Deum, ut impendentia à nobis pericula
 propulset. Mox deplorat Domini vincam
 à Lutero vastatam.

CUm furor armorum, & longè belli insonet horror;
 Ducat & infernas pestes, & seua malorum
 Semina tartareus tenebrosa è sede tyrannus:
 Tu mecum Ansvine preces dic candide Pola:
 Quas nuper cecini Patris omnipotentis ad aram,
 Cernimus en quæ Turca serox, atq; impius in nos
 Arma paret Pater omnipotens terraque, marique.

Nec

Nec satis hoc, tuâ iam populantur ouilia gentes;
 Quæ rectas liquere vias, iustumque, piûmque.
 Hic vacuos tondent saltus, dumetaque siluæ
 Herciniæ; gelidique bibunt quæ flumina Rheni:
 Quosque serus versat pastor per prata Britannus.
 Insuper & mortem intentant, tu discipe campis
 Instruâs illorum acies, turmæque feroces.

Quin & in opprobrium nostrî, tuâ vinea, quâ tu
 Ipse tuis manibus seuisti, strata recumbit
 Ad terram, tribulos inter, lappasque, rubosque:
 Quam serus est depastus aper, educlis ad vundam
 Haud liquidam, tumidus qua destitit Albis in æquor.
 Quod si respicies læto nos 'umine, tuti
 Tunc erimus; nec erit nostris timor ullus in oris.

AD AVRELIVM PORTV- LACAM BRIXIANVM

in patriam euntem.

ARGVMENTVM.

Aurelium laudat: eique in patriam profi-
 ciscenti bene precatur.

A Vreli nec tu nostris indictus abibis
 Carminibus; qui diues opû es, clarusq; parenti
 Sanguine. quique animi præsul es dotibus inter
 Tot claras ciues; quorum Mella irrigat agri
 Aequora: namque & opes, & opem das largus egenis;
 Inque pios vsus conuertis quas tibi quondam
 Dignitas liquit genitor, nec publica curas

Munera

Munera: sed tota uenerans colis omnipotentem
Mente Deum, procul à populi, rerumque tumultu.

Te Deus in patriam præsens perducat euntem
Humani generis procreator; teque reducat
Ad nos incolumem: atque utinam spem ferre tui me
Hanc sinat ille idem Deus, & mea vota secundet:
Namque tui desiderium non effluet unquam
Ex animo Aureli nostro; te Brixia donec
Ingeniis, opibusque potens, armisque tenebit.

AD IOANNEM BAPTISTAM

Dionysium Auximatensem Iurisconsultum.

ARGUMENTVM.

Sub Ioannis Baptistæ persona gratias agit
Deo, quod se periculoso morbo liberaue-
rit: rogatque eum, ne se deserat.

IN nostris non te tacitum Baptista relinquam
Versibus ob candorem animi, rebusque gerendis
Indefessum animum. legere hæc, quæ Gambara supplex
Nomine pauca tuo cecini, haud Baptista pigebit,
Aeterni Patris ante aras: cum Syrius agros
Vreret; atque tuos artus torreret et anhela
Febris: natiuusque calor conuersus in ignem
Frueretur, atque siti vehemens te affligeret ardor;
Effet & ipsa tua iam spes erepta salutis.

Alme Pater, qui me reuocasti à limine leti
Nuper ad hoc dulcis vita spirabile lumen;
Cum membris extorqueret vis tabida vitam,
Claustraque nutarent animæ, mussaret & omnis

Victa

*Viſta graui medicina malo : ſed numine victor
Conualui Pater alme tuo ; non arte Melampi ,
Non herbis , quas Appidani ſuccidit athena
Falce ſagax mulier , non quas radice renellit.*

*Dum verò mea membra vigor reget igneus , olim ,
Nunc , & ſemper agam tanto pro munere grates.*

*Ipsa etiam mea lingua canet te , cum ſugat aſtra
Sol oriens , & cum tenebras inducit Olympo :
Et te promeritum dicet : nam qui tibi ſoli
Seruit , & ex animo credit , tua non iuga collo
Dulcia detrectans , illum tutaris ab omni
Diluuiο maris irati , puppimq; reducis
Innocuam , ſociosq; laborum ad littora nota :
Et dicis . Quia te mihi nunc committis , inanem
Vlterius ſpem non paſces ; quotieſque vocabis
Auxilio me in vota malis oppreſſus acerbis ;
His ego te eripiam ſubito , duces & in æuum
Longinquum placidam procul omni à turbine vitam :
Monſtraboq; viam , celi qua ducit ad alta
Atria , & ad ſuperas ſedes ſtellantis Olympi .*

*Reſpice me Pater alme tuo cum numine : nam te
Haud mea vota latent : tu me rege , tuq; ſub vmbra
Alarum tege me ſolita pietate tuarum .
Vt ceruus ſilua à canibus deprehenſus iniqua
Mergere fonte cupit longo labra arida curſu ,
Poſtquam vngues , morſusq; canū , locaq; aſpera victor
Euaſit ; non inſidiis , non tela ſequentum
Permetuens , nemo rum recubat ſecurus in vmbra :
Sic ego te Pater omnipotens : nam lucidus es ſons ,
Dulcis , & egelidus , liquidarumq; auctor aquarum .*

*Nanque tuo uiuos fontes , & flumina iuſſu
Fuderunt rigida cautes ; cum duceret olim*

Pingui-

Pinguibus è campis , quos Nili interluit vnda,
Ad vitreas Iordanis aquas , promissaq; regna;
Post domitum signis regem , mersumq; profundo ,
Dilectum populum per mille pericula Moses .

Adq; tuos si quis fontes (seu mollia fragra
Verna puer legit in silvis ; siue arca flauos
Alta teret palea culmos ; siue vna colorem
Iam ducit matura suum ; seu flumina pigro
Stent immota gelu per brumam) accedat , & vndam
Hauriat , haud vltra sitiet : nec vallibus altis
Perspicuos fontes , aut uitea pocula quæret.

Ad quem igitur miser , & rebus diffusus egenis
Confugiam Deus omnipotens ? ad te nisi certum
Presidium miseris ? tu clemens dirige nostras
Per pelagus Pater alme vias : da sistere portu
Naufraga vela , volensq; tuo nos numine serua.


AD IOANNEM
BAPTISTAM STELLAM
BRIXIANVM,

VINCENTII F. MONA-
CHVM CASINENSEM,

Et eiusdem Congregationis
Procuratorem Generalem.

*LAURENTII GAMBARÆ
Brixiani.*

IDYLLIA SACRA.



A D I O A N N E M
BAPTISTAM STELLAM
BRIXIANVM.

HOC etiā, parū quamuis Stella accipe carmen
Quod mihi nō Musa, aut vanus dictavit Apol-
Tybridis ad virides ripas: sed flaminis almi (lo
Spiritus; ac Patrū, & nati fiducia, quæ me
Nunquam destituit; cum sim Permessidos vndam
Fluminis, & vatum nugæ oblitus inanes;
Et chorus Aonidum nostris longe exulet oris.

Tu vero insignis cantu, & testudine David;
Et doctus res venturas prædicere; & ipsum
Carminibus laudare Deum; qui gurgite rubro
Immersit Pharias vna cum rege phalanges;
Dilectumque sibi populum, qui iam mare siccis
Transierat pedibus, tuta seruauit in acta:
Adsis ò tua dum sequimur vèstigia, quem iam
Versantem liquidi pecudes Iordanis ad amnem
Post varios rerum euentus, tantosque labores,
Acrumnasque graues regali in sede locauit.

Vt tu diuinæ cecinisti carmine laudes:
Sic ego nunc pia sacra canam, quæ grata Deo sint
O vtinam; vocesque meas dimittat in aures
Ipse suas; qui cuncta audit, cernitque, regitque.

IDYLLIVM I.

Dicat Deo hæc carmina .

REX regū, & rerū custos, hominumq; redēptor,
 Verus & omnipotens, verus Deus accipe partē
 Carminis hanc etiam nostri; facque insuper, vt sit
 Aure tua dignum hoc carmen, sint & mea vota :
 Nam potes: & veniam poscentem respice tandem:
 Iam peccatorum magna sub mole laboro .

Et nec agas pro iure tuo, Pater optime, mecum :
 Namque cadam causa, cum sim reus; vt ere sed tu
 Nunc pietate tua, solitus qua parcere fonti es ;
 Meque tuos duc per calles, vbi regia sedes
 Est tua, felicesque anima tua iussa secuta .

IDYLLIVM II.

Dicit, se Deum laudaturum, & malorum
 commercia vitaturum .

TE, Pater, ipse canā omnipotēs per carmina sa-
 Atq; tuas laudes: nec te mea lingua silebit (cra,
 Et placidum, & facilem, solitumq; ignoscere lapsis :
 Nam quæ sceptrā tenes, tuā sunt, nec subdita certis
 Legibus, vt reges alij; at potes omnia solus :
 Cumque voles æther pulcherrimus, altaque ab altis
 Sedibus astra cadent; tellusque ardebit, & æquor .

Ipse quidem summa vigilans ego nitar opum ui,
 Vt iustumque, piūque colam, nec criminis vnquam
 Sim reus: at quibus est absentes rodere amicos
 Mos malus, atque suis illorum carpere vitam

Versibus

Verſibus; atque odiſſe bonos; & fallere norunt:
Atque petunt fraude inſontes: hi limine noſtro
Longe aberunt; menſaque aliqua nec parte fruuntur.

Nec me per noctis tenebras comitabitur unquam;
Munere qui victus ſas omne abruptit; & auxit
Fœnore rem patriam turpi; preſſitque clientem.
Hic nunquam ſe poſſe domos ſtellantis Olympi
Scandere; nec ſummi ſaciem ſpectare parentis
Infelix olim ſperet poſt ſunera; & ipſam
Exactam luxu, & vana inter gaudia vitam.

IDYLLIUM III.

Deum rerum omnium conditorem celebrat.

PErpetuum te rectorem rerumque, hominumque.
Atq; orbis, Pater alme, canam; namq; oïa, quæ Sol
Aſpicit, Eoſ cum ſe ſe oſtentat ab oris,
Et cum diſcedens linguat ſine lumine terras,
Formaſti proprijs manibus: quæ cuncta creaſti
Ad varios uſus hominum; mox inſuper illos
Tantarum rerum dominos, terraque, marique
Feciſti; atque illis placuit ſubmittere cuncta;
Quæ virides late paſcunt animalia lucos:
Quæque ſecant late magnum per inane volatu
Aera; quæque natant ſubter freta monſtra proſundi:
Vnde tui irradians maietas nominis inter
Mortales, caliſupra ſe ſe extulit arces.

IDYLLIVM IV.

Omnes beatorū cœtus Dei laudes cōcinunt.

V Nanimus, Pater omnipotens, Pater alme Deū te
Laudamus; vnumq; Deū, dominumq; satemur.

Te Patrem æternum veneratur littus vtrumque,

Te pennata cohors, feliciaque agmina cali,

Atque potestates sublimi voce vicissim

Insigni te laude canunt super omnia, quæ tu

Fecisti; & cali spatiosa per atria dicunt

Ter sanctū, atq; Deum nostrū, dominumque, Patremq;

Te celebrant: cum cuncta tuo sint numine plena;

Qua sol luce sua lustrat, dum circuit oras

Æthereas, tractusque maris, terrasque patentes

Atque tibi adsurgunt gentes felices olympi;

Et duodena cohors comitum te Christe tuorum

Concelebrat, fudit quæ pro te caesa cruorem:

Quorum vox late Hesperias pervenit ad oras;

Et Numidum, Indorumque domos & nos quoq; nates

Abramida, quibus ore dedit prædicere nati

Aduentum Deus ipse sui, & rerum abdita; nosque,

Qui quondam sparsō meruistis prima cruore

Premia: nunc pueri dominum laudate supremum.

Vos quoque uirginei cœtus, quibus vna fuit mens,

Vna pudorem ipsum a teneris coluisse; nec vnquam

Connubij subisse toros, nec floris honorem

Virginei amisisse; Deum laudate parentem

Immensæ maiestatis. vos & quoque sancti

Cæsariem lauro insignes; palmasque ferentes

Dextera Idumæas alacres, & vestibis albis

Induti, immensas Patri vos dicite laudes;

G

Celestiq;

Celestique simul divini numinis aure.

*Teq; etiam Christe vnigenam, magnoq; parenti
Aequalem canimus: summi tu magna parentis
Gloria, stellantisq; poli: dignatus & aluo es
Tu de virginea nasci: tu funus acerbum
Pro genere humano es passus; quod sanguine et ipsa
Morte redemisti; patefactaq; ianua celi
Est nece, Christe, tua, tua sunt qui iussa secuti.*

*Aeterni patris aternus tu filius, & rex
Gloria; & ad dextram Patris omnipotentis, et aureo
Ipse sedes solio sublimi in vertice celi.*

*Venturumq; diem te iudice credimus olim;
Quo tu digna malis, & iustis premia reddes.*

*Tu nobis igitur succurre precantibus, & nos
Aspice; sulcantesq; eversa tot aquora ventis
Innocuos serua, & dextram ne subtrahe nobis
Omnipotens Pater, & tuta statione repone.*

IDYLLIVM V.

Orat Deum, ut suas preces audiat.

H*As humiles, Pater alme, preces quas fundimus ad
Aure benigna audi: nec tu permitte precatis (te
Hae vaga flabra serant celi per inania voces
Effusas, medium quum roscida Luna teneret
Stellantis celi spatium; & mortalia passim
Pectora velaret fusco sopor altus amictu*

*Vt taurus gemit incurui sub pondere aratri;
Mercibus & premitur multis ut puppis onusta,
Qua nocte in media validis agitur ab Austris:
Sic ego nunc vitam ipse agito sub mole malorum*

Tanto-

Tantum, quæ iam merui, nec ferre recuso
 Supplicium, pœnamq; pati, tua dum sit apud me
 Gratia; qua fretus non tela inimica timebo,
 Non hominum occultas fraudes, linguamq; veneno
 Infectam; miseroq; mihi succurre, tuisque
 Auribus has admitte preces; mihi teque roganti
 Da facilem; dum Christe fines me carpere celi
 Huius vitales auras, vitamque relinquam.

IDYLLIUM VI.

Deus malos perdet, bonos tuetur.

Infelix erit ille, Deum qui mente, animoque
 Non amat, atque illum, Christi qui numẽ adorat;
 Tanquam se: qui diuitias, qui querit honores
 Humanos, populisue cupit dare iura subactis;
 Quique aliò vultum auertit, ne cernat egenum,
 Et plenum vlcerebus, stratumq; ad limina templi.

Hæc gens praua virum, semperq; obnoxia culpa,
 Cera velut rapidis flammis admota liquecet,
 Et fluet, ac veluti torris consumptus ab igne
 Vertitur in cinerem tepidum, tenuemq; favillam;
 Deficiet; velutiq; alto vaga flumina ponto
 Mersa suum amittunt nomen: sic cuncta peribunt
 Nomina peruersorum hominum post funera tandem
 Ipsorum: at iustum clypeo, dextraq; fouebit
 Omnipotens; nec erit toto leue nomen in orbe
 Illius: atq; manu larga succurret, opemq;
 Adferet: ut proprio capiat quæsitæ labore
 Præmia, & optatos fructus; facietq; parentem
 Illum vxor prole egregia; cernetq; nepotes

Virtute insignes & felix transiget ævum
 Vir iustus, noxaque carens: nam conditor alti
 Aetheris, & terra non illum linquet; & illi
 Spem nunquam eripiet, dubijs qua sola pericla
 Solatur positos homines: spernetque furentes
 Ionij fluctus pelagi: ceu saxea rupes
 Sueta maris perferre minas, hyemesque, notosque.

IDYLLIVM VII.

Orat Deum, vt sibi faueat: Hæbreorumque
 impietatem detestatur.

SPem nostrâ in te vno, Pater alme, locauimus omnẽ
 Aetherea qui sede sedes; & lumine puro
 Prospectas benefacta hominum, & malefacta; videsq;
 Illorum mentem, atque animum: ne linque periclis
 In tantis nunc nos positos: tu qui potes hostem,
 Hostem animis nimium fidentem, & robore, & armis,
 Atque opibus prosterne solo; facque vt sua tela
 Sacrilega contorta manu sint irrita; nec nos
 Attingant; clypeoque tuo nos proteges; semper
 Protegere infantes solitus: tu rite rebellem
 Multasti populum Hebræum; qui teque, tuosque
 Posthabuit sacros diuerso in tempore ritus:
 Namque hæc progenies meritorum oblita tuorum,
 Et peruersa deos coluit, quos terra colebat
 Extera, numinibusque nouis sacra publica fecit
 Ille tibi populus carus ceu filius, instar
 Numinis ille bouem coluit; seque ipse nefandis
 Gentibus, & sacris illarum immiscuit vnâ;
 Liminaque (insandum) sparsit, arasque cruore

Natorum,

Natorum; ignotisque deis Pantheia thura
 Sape dedit, ausus ipsis maculare bidentes:
 Et donis cumulare aras; quamvis memor icli
 Fæderis Abrahamo cum patre, & patribus, ipsis
 Duxisti populum incolumem de finibus ingens
 Quos nilus secat in patriam, promissaque regna:

Mersisti & Pharias una cum rege phalangas
 In mare Erythraeum; & populus tuus aequoris oras
 Transiit siccis pedibus: sax prævia noctem,
 Perque diem hunc nubes duxit; fontesque vicissim,
 Curuaque inundarunt torrentia flumina passim.

Tu nostri miserere precor, velut ipse rebelles
 Sape peperecisti huic populo. deliquimus in te;
 Linquendo tua iussa, & nos peccasse satemur;
 Et precibus pacem petimus: tua gratia semper
 Nos foveat; clypeoque tuo nos protege contra
 Illum hostem, quem tu pepulisti e sedibus alti
 Aetheris in barathri sedes, obscuraque regna.

IDYLLIUM VIII.

Dum orat, ut sibi peccata remittat.

CHriste novâ templo tibi quam sacrauimus arâ
 Respice; et hæc etiâ, sunt parvula munera quâvis,
 Vera Dei soboles, lumenque, & vera parentis
 Gloria; teque animus (si fas est) inferre nostris;

Sisque pius, clemensque mihi: mea crimina cuncta
 Sunt tibi nota satis: nam tu mortalia solus
 Corda hominum, mentemque vides; nec fallere quisquâ
 Te potis est. tua iussa premat non me ira merentem,
 Non cæli æthereas sedes; sed tartara, & umbras;

Quod servant regnum fratres, inamabile regnum
 Lucifuge, quondam celo gens pulsa supremo.
 Hos immane nefas ausos tua dextera ad imos
 Detrusit sine luce locos, merfitq; profundo:
 Quando illos tenuit regni tam dira cupido.
 Sed mihi da, ut delicta fleam mea, Christe, priusquã
 Tendam iter ad terram picea caligine mersam,
 Et plenam gemituque, & flebilibus lamentis:
 Sustineam ut meritas commissa ob crimina pœnas:
 Et perpeffus ero meritas cum denique pœnas,
 Lustrabis tu me solÿs, thyrsoque virentis
 Hyssopi; & nitidus tunc tali aspergine vincam
 Scythoniæ candore nives, & cana ligustra:
 Ac superas poterò cali conscendere sedes.

IDYLLIVM IX.

Ne ingrati simus in Christum, qui tot
 beneficia in nos contulit.

Verũ hominẽ, verũ esse Deũ te Christe fatemur;
 Et vasti ante orbis primordia, & omnia secla
 Te genitum Patre ab eterno; & de virgine natum
 Flaminis afflatu sacri: sumpsisseq; serui
 Formam hominis, fragilesq; artus: & more vetusto
 Mortua iam tua membra novo tumultata sepulchro;
 Et superas redÿsse auras, cum sulsit ab ortu
 Tertia lux nitidi solis, terrasq; retextit.
 Et tamen ex animo non te veneramur, ut ipsi
 Debemus; cum pro nobis crudelia passus
 Verbera sis, sanamq; necem: sed quis serus, atroxque,
 Et malus, & male gratus erit, & barbarus in te?

Qui

Qui te non noſcem , atq; diem perquirat , ametq;
 Te ſolum ; & contemnat opes orientis , & Hermi .
 Omne aurum , gemmasque , legit quas littore rubri
 Nauta mari ? mihi des oro producere ſoles
 Hos vita paucos , mihi qui Pater alme ſuperſunt ,
 Criminis , & ſclerum exortes : daq; inſuper , ut te
 Et noſles ſequar , atq; dies : nec longius abſim
 Vngue tibi , toto meditans tua pectore iuſſa .

IDYLLIVM X.

Orat Deum , ut ſe adiuuet.

ARida ſunt mea membra , velut ſolet arida tellus
 Fontis ob exauſtos latices , & mæſta morâtes
 Voce auſtros uocat , & iam ſiccis faucibus imbres ;
 Ipſe ſuo præſcindit agros cum Syrius æſtu ,
 Expectat : ſic te feſſa hæc mea Chriſte ſeneſtus
 Suſpirat , ſupplexq; vocat nunc te in ſua vota ;
 Quæ te non latuere vnquàm : nam nulla , licet ſis
 Abdiſta res , te Chriſte latet . da pectore puro
 Ipſe mihi , ut poſſim tua iuſſa capeſſere ſemper :
 Ingentiq; meo dexter ſuccurre labori :
 Vt valeam pietate tua me tollere ad illam
 Solam cæleſtem patriam , vacuumq; malorum ,

IDYLLIVM XI.

Deum precatur , ut nos reſpiciat .

Sublîmi de ſede tua , qua ſulget Olympi
 Immenſa , & longe radianti regia luce ,
 Nullus ubi mortis timor eſt ; ſed gaudia ſemper

Calicolas aeterna tenent; cantuque, sonoque
 Indulget pennata cohors; insignibus & te
 Concelebrant cali late super omnia regem
 Laudibus; & laetis resonat concentibus aether.

Respice nos; dextramque tuam ne subtrahe nobis.
 Tuque idem tibi semper eris rectorque, Paterque
 Omnipotens: non vlla vnquam ventura videbunt
 Secla tuum finem; atque annorum meta tuorum
 Nulla erit: illa olim quamuis voluentibus annis
 Sint visura poli interitum; rerumque ruinas.

IDYLLIUM XII.

Precatur Deum, vt nos a peste, & locustis
 liberet.

Alme pater, cui Sol, cui Luna & sidera soli,
 Et reru cuetus varij et vaga flamina, et imbres;
 Et pelagi tempestates; & tempora parent;
 Respice nos: nam pestis atrox iam serpit eundo
 Per varios late populos, quos itala tellus
 Pascit; & ingentes animos attollit in horas;
 Et secum fert exitium rebusque, hominique.

Nunc etiam passim valles, silvasque locustae
 Aestate in media populant frumenta, legumenque
 Abstulerunt. squalent consumpta oh gramina campi.
 Inuisa agricolu rubigo; atque aspera grando
 Mixta notis, hyeme ac rapida cum fulmine, tantum
 Haud nocuit, quantum ista lues, quae morsibus herbas
 Et culmum, stipulamque leuem, grauidas & aristas
 Consumpsit; sterilesque agros, nudosque reliquit.
 Haec rostro terram infodiunt, partuque solutae
 Sub terra haud multum effossa mille ova relinquunt,
 Inuisam

Inuisam campis sobolem, quæ veris in ortu;
 Suspendit nidum tignis cum garrula hirundo:
 Et lati pascunt siluis noua gramina tauri:
 Erumpunt subito rupta tellure, petuntque
 Prata cateruatim, volutantque per aera dense
 In morem nebule, & veris populantur honorem.

At postquam hæc fecit maiores grandior ætas:
 Tunc frumenta adeunt latius fluentia campis;
 Et vastos reddunt consumptis mensibus agros.

Tu nostri celo, pater alme, misertus ab alto,
 Agrorum, & segetum hanc labem vasto obrue ponto,
 Horrifono fluctu qui littora Lydia pulsat.
 Ut quondam Zephyri flatus, qua parte relinquit
 Extremam sol Hesperiam, spirauit, & illam
 Perniciem rubro immersit (tua iussa) profundo:
 Nam non cura hominum; non & vigilantia predest;
 Nec potui hæc volucrum est dirarum extinguere pestem.

IDYLLIVM XIII.

Deus bonis fauet, malos deprimit. I

Mortales longe ante alios erit ille beatus
 Post obitum, nec vana fides, qui seque, suasque
 Res patris æterni arbitrio commiserit omnes:
 Nam Deus hunc amat, & iusti vestigia rectos
 Per calles subito flectit; dextraque ruentem
 Sustinet; ac læua collapsum subleuat ima
 A terræ votisque suis respondet, & omnem
 Illi spondet opem: nec tu mouearis ab ira:
 Atque tuum florentem opibus cum videris hostem,
 Vicinūque elatum animo, fundūque superbum

Persas, atque nefas habitis, & sænore turpi.
 Atq; illum ad cali fulgentia sidera quamuis
 Attolli cernas, magnus & honoribus auctum;
 Ne tamen inuideas illi, nec pectus habendi
 Sollicitet mala cura tuum male parta: Deus nam
 Has dispergit opes; veluti per prata iuuenkos
 Occiso pastore solet leo, iustus & agros
 Ipse suos cum prole colet, illamq; suarum
 Hæredem rerum, cum venerit hora relinquet
 Ultima post vitam innocuam, & sine labe peractam.
 Semper habet dextrâ maculatam sanguine, semper
 Insidias iustis parat impius, optat & omnes
 Perdere: sed iustos præsens Deus aspicit, & fert
 Auxilium. hi veluti cedrus, quæ vertice nata est
 Frondētis Libani: aut platanus caua flumina propter,
 Stellantis cali radiantia sidera adibunt.
 Impius at nullum esse Deum; pluresue recenset,
 Et putat esse deos; hic tanquam pulvis ab Euro
 Huc illuc tennes ibit iactatus in auras.

IDYLLIVM XIV.

Deum rogat, vt se adiuuet.

Certa salus hominum, proles atq; vnica summi,
 Aeterniq; Patris, nunc me me Christe periclis
 Respice iactatum tantis: nam tu nisi præstes
 Consuetum auxilium misero; maris obruar vnda
 Adriaci: subitoq; ferox letabitur hostis:
 Namque meo insultans capiti mala multa minatur
 Dicens, præualui; Deus illum liquit, opemq;
 Denegat astrictam. ser opem mihi Christe supremis
In rebus

In rebus, nec me linquas; daq; insuper, ut te
Tota mente colam; & frater te ut cetera semper
Despiciam, quæ terra creat, quæq; educat æquor;
Atq; orientis opes. Parthorum & regna potentium.

IDYLLIVM XV.

Deū orat, ut ipsum à maligno hoste tueatur.

Omnipotens genitor nunquam tua iussa secutos
Deseris, at clypeo tegis, & defendis ab hoste
Depulso quondam e cali sublimibus crux;
Qui tanquam leo, quem cogit percurrere silvas
Sub noctem vesana fames; atq; obuia diro
Armenta, atque imbelli pecus prosternere morsu:
Sic animas malus ille hominum vestigat, et illas
Inuoluit mundi illecebris. tu rector Olympi
Luminibus infunde meis tua lumina; & animam
Immitte ætheream menti: ne me hostis iniquus
Iste suis captum insidijs, & fraude, doloque,
Viribus atque suis fractum se iaclet: opemq;
Tu mihi da, Pater omnipotens, ut vincere possim
Has fraudes, donec vita migrare iubebis.

IDYLLIVM XVI.

Infelix malus, felix bonus: in Deo spes po-
nenda est.

Infelix est ille, Deum qui non timet; & qui
Mandatis, sacrisq; suis non semper iuharet.
Infanti non ille dolis, testæque nocebit
Fraude viro: nam fabra ferent per inania cali
Omnia, quæ molitus erat ferus hostis in illum:

Tabescetque fremens tunc, cum sua vota videbit
 In celeres abÿsse Notos per nubila cali
 Ardua: & in morem iustum subcrescere olivæ;
 Ardua quæ in vacuum pandens sua brachia, colles,
 Vicinasque teget valles humenibus umbris:
 Agricolaque feret mites in tempore baccas.

At peruersus erit velut infelix oleaster
 Consurgens iterum silvis, quem pene perussis
 Ignis edax, nemora arderent cum frondæ flammis
 Quæ sorte incantis pastoribus, ut solet, alta
 Exciderant silvia: superarit denique tantam
 Post cladem, fructus domino sed non dabit ullos.
 Ut palmes non ferre potest sub fertilis ortum.

Autumni (ducunt silvis tum poma colorem
 Purpureum) succos vna; nisi manserit vna,
 Vitali in vitis ramo, truncoque virenti:

Sic & qui spernit Christum; & qui totus in ipso
 Non manet: observatque illius mollia iussa:
 (Namq; iugum suave est, & onus leue) nō dabit ullos
 Ille suo, veluti sperarat, tempore fructus.

Quamvis præcedant illum longo ordine gentes
 Deuictæ bello quondam: inuicloque adamante,
 Gemma & er, thraea pectusque, & candida colla
 Incingat prouectus equo: & Capitolia versus
 Aurea tendat iter fidens victricibus armis:
 Et iacet genus egregium, & præclara suorum
 Facta patrum: nos imbelles, humilesque canemus
 Te super astra Deum: quotiesque minabitur hostis
 Perdere nos, nostrasque domos euertere, nullis
 Militibus freti, aut armis opibusue; tuo sed
 Auxilio; toties te in vota vocabimus vnum,
 Vnum adiutoremque hominum, rerumque parentem.

IDYLLIVM XVII.

Deus spem in ipso ponentes nūquam deserit.

IN me spem quoniam posuisti, & semper es in me
 Confisus, non te linquam: seu puppe profundum
 Sulcabis nocte in media, tumidisq; procellis:
 Seu carpes iter in silvis, animalia cum sunt
 Semisepulta graui somno: non vlla nocebunt
 Arma inimica tibi; clypeo nam teque, tuosq;
 Ipse tegam; retegamq; dolos, fraudesq; malorum.
 Nec duce me horrescet metuenda pericula adire.

His ego te eripiam præsens, aderoq; uocanti,
 Præsidiumq; feram: tu scis me nanq; fuisse
 Custodemq; tuæ, seruatoremq; iuuenta.
 Consectum & senio, & multis iam duriter annis
 Exactis, non te solita pietate relinquam
 Desertum precibusq; tuis, uotisq; mouebor,
 Auxiliumq; feram præsens, soluamq; timore:
 Monstraboq; viam haud dubiam, quæ ducit ad alta
 Sidera; teq; ipsum cæli dignabor honore.

IDYLLIVM VIII.

Deus bonos protegit, malos perdit.

FLorebunt iusti haud secus ac noua planta virentis
 Nata Palestine letis in collibus, atque
 Culmine celsissimo Libani pulcherrima cedrus;
 Quæ non horrescit gelido spirantia ab axe
 Flamina, non sædas hiemes, non frigora Brumæ.

Gens iniusta cadet, veluti cum sidere primo

Autum-

Autumni folia arefcunt; atque arida pafsim
 Mox delapfa tegunt letum telluris honorem:
 Nam quæ planta fuas radices egerit altam
 Sub terram in domini campis; hanc educat imber,
 Hancque fonent Solis radij; totidemque tenebit
 Poma, quot induerat teneris fe in floribus arbos.

Iuftorum eft quoniam dominus non immemor illos
 Protegit, atque fuo tutatur numine. Chriftus,
 Qui Sol iuftitiæ eft verus, defendit amantes
 Iuftitiæ rectos calles; hominesque relinquit
 Ducentes vitam in tenebris, luxuque frequenti:
 Namque bonum, quod fecit, amat Deus ipfe; malumque
 Ipsi odio eft, quod non fecit; punitque nocentes
 Ob teftas animo fraudes, atque impia facta.

IDYLLIVM XIX.

Deplorat proxime præterita mala; & gratias
 agit Deo de pace.

M Vlta fumus paffi crudelia bella per oras:
 Ausonia, & victi dedimus victoribus arma:
 Vidimus & capias vrbes, atque oppida propter
 Discordes noftrorum animos, & noftra, patrumque
 Crimina; perpeffique fumus peftemque, famemque.

Ipfe tuum, quamvis iuftum, compesce furorem
 In nos, o Pater alme, tuos, & confcius ira
 Parce tuæ: nam tu non es fœuire nocentes
 Suetus ad extremum in miferos; fed parcere femper
 Cuilibet es folitus, palmas qui tollit ad altum
 Aethera, & extremis orat tua sancta periculis
 Numina, vt eripias illum, cafuque recenti.

Quam

Quàm lator, dum cinēta comas redit aurea terris
 Pax olea Ausonj's; duce qua latatus arator
 Vertit agros ferro patrios, pastorque capellas
 Ducit in herbosos saltus; vacuumque licebit
 Pectus habere metus: cædesque, & crimina cèdent,
 Qua secum fera bella ferunt; discordia ventos
 In tennes ciuili's abijt; tua munera; nuper
 Quæ bonitas immensa tua, & clementia nobis
 Concessit, Pater alme, tibi nunc redditur vni
 Gratia pro tantis meritis: nos teque precamur,
 Incolumem vt serues extanto hanc tempore pacem.

Gloria debetur tibi soli: nam Deus ipse
 Solus es; in terrisque tuum est venerabile nomen.

IDYLLIVM XX.

In eos, qui pœnitentiam differunt.

Quid differs miser ipse animum purgare futurū
 In tempus: mentemq; oppressam tollere tantis
 E tenebris claram in lucem, celum que tueri;
 Diuitias non has humiles, perituraque regna?
 Ob breue curriculum vitæ, casusque sinistros
 Qui vexant mortale genus, dorsoque recumbunt.
 Et dicis. veniet tempus, cum crimina linguam;
 Atque Deus nostri miserebitur. & mihi parcat;
 Parcere iam suetus linquenti crimina: sed te,
 Ah nimium miser interea dum tempora differs,
 Te mors inuadet tacita, & nil tale putantem,
 Immersumque malis tantis, turpique senectâ;
 Aeternū in somnum & tua languida lumina cõdet.
 Dicere tunc poteris. Vos o mea florida rura,

Delicia

Delicia quondam, nunc gaudia falsa valete.

IDYLLIVM XXI.

Peccatorum confessionem non differendam.

Crimina quid cessas tua tot scelerata sateri
Aeterno maris, & terrae, rerumque parenti?

Ab miser, infelixque, tui & nimis immemor omni
Tempore: fac illi tua crimina multa referre
Haud pudeat nersum cæno, veluti male olens sus.
Et te nosce: Deus tua tunc malefacta remittet;
Sint gravia illa licet; namq; exorabilis ille est;
Suetus & est hominum lacryhymis, precibusq; moveri.

Atq; erit ante alios mortales ille beatus,
Cuius facta tegit, fraudesque, atq; impia verba
In superos, fratresque suos mala iurgia summus
Omnipotens, illa immergens caligine ceca.

Quod si talis eris, tempestas nulla mali te
Inuadet: nam portus erit tibi calicolum rex.
Atq; tuis pariter rebus, quas turbine ab atro
Eripiet; solidaq; dabit consistere terra.
Atq; tuis præsens nunquam sua lumina flectes
Gresibus: atque aura vitalis amabile lumen
Carpere tunc poteris sauo securus ab hoste.
Insequiur qui nos semper; mundi q; fugaces
Illecebras, iectis sed non sine fraudibus, offert:
Quem nisi tu caveas, te dira, ac certa manebit
Pœna; ad supplicium cum te trahet horribilis mors.

Idyllivm XXI.

IDYLLIVM XXII.

In Deo spes reponenda ; non in diuitijs , aut honoribus .

Infelix erit ille , suam qui mercibus omnem
Spem posuit , quas Eois deuexit ab oris :
Et quas argento , & gemmis onerarat , & auro ,
Innocuas puppes tuta statione locauit .

Quid profunt orientis opes , inuentaq; nuper
Tot regna occasum nitidi spectantia Solis :
Et toties domuisse armis victricibus hostes ;
Et bibere è gemma , paterisq; ingentibus aureis .
Aut populi fascies meruisse , atq; urbis honores ,
Et regale decus ; primas ue ab origine causas
Tantarum (vt perhibent) rerum cognoscere ; & alti
Incrementa maris : quo se ordine vertat Olympus :
Si barathri flammis inuoluitur ; & caret ipso
Aeterni patris aspectu , cœtuq; piorum ,
Sanctorumq; patrum , suso qui sanguine cœlum ,
Aut pietate sua meruerunt ? Tu mihi mentem
Mitte Pater , colere vt valeam te pectore toto
Dum viuam ; & tua sancta sequi mandata : viamq;
Per tenebras ostende mihi , quibus obrutus erro ,
Vt ratis excusso per cœrula mota magistro .

Quin tota tellure etiam admirabile nomen
Esse tuum referam omnipotens : tua gloria namque
Est oras elata super stellantis Olympi .

IDYLLIVM XXIII.

Beati qui habitant in domo tua domine.

O Pater omnipotens nostri spes una, salusque;
 Atria ut ingrediar tua da mihi regia quaeso:
 Ut possim canere ipse tuas per carmina laudes.
 Posset enim sua tecta habitat, & turtur opacis
 In silvis nidum extruxit sub purpureum Ver;
 Cum flores, herbaeque audent se credere calo;
 Altorumque comae nemorum, fruticesque per agros
 Frondescunt; densisque canunt anxia silvis.

Laetitia ipsa anima exultat, cum mente reuoluo
 Tempia tua, atque novis onerata altaria donis.
 Qui colit hanc aedem est felix; felix quoque & ille est.
 Qui tibi sacra facit. longe est mihi gratius unam
 Has aedes habitare diem; quam secula mille
 Sedem aliam, licet egregiam; dominique superbo
 Parthorum regno; atque oriens mihi scruiat omnis;
 Et viam prauos inter, populumque scelestum.

IDYLLIVM XXIV.

Deus amandus; non diuitiæ, aut honores.

O B gentes alius victas, subiectaque regna;
 Et niuis prouectus equis Capitolia celsa
 Conscendens bello rebus feliciter actis
 Gaudeat; atque alius tumidus corda anxia partis
 Diuitijs; dum rumpentes videt horrea fruges;
 Et plenas oleo cellas, urnisque salerni.

Ast ego non miscens curis haec gaudia, somnos

Vilibus

Vilibus in stratis ducam sub nocte salubres,
 Oblitus res humanas, at non tua iussa;
 Latitiaque fruatur, quam das mihi solus in horas
 Alme Pater me respiciens: daque insuper, ut te
 Mente colam, donec vitalia lumina linquam.

Meque doce, ut possim vitam hanc producere tecū:
 Incautis ne virginibus quod contigit olim,
 Atque mihi eueniat; quæ non sumpsere suis in
 Lampadibus consuetum oleum; tardeque petentes
 Auratos sponsi thalamos; in limine primo
 Attonitis hædere animis præclusa videntes
 Ostia; clamassentque licet, nullus tamen illas
 Admisit; mœstæque grauem ingemuere repulsam.

IDYLLIVM XXV.

Beatus qui diuina seruat mandata.

VT fidus sequitur domini vestigia seruus;
 Illius & semper obseruat lumina, si quid
 Imperet; exequiturque libens mandata iubentis
 Confestim domini, quæ intentæ acceperat aure:
 Quem dominus meritum præclaro munere donat:
 Sic & qui Patris æterni præcepta facessit.

Namque anima illius calum conscendet, & alta
 Atria, quæ Deus ipse colit, patresque beati,
 Gaudia quos non vana fouent, non vlla cupido
 Visendi has humiles terras, paruosque nepotes:
 Hos pro auita premunt non rura, aut oppida: sed sunt
 Intenti laudare Deum, atque extellere cantu
 Assiduo; aspectuque frui Patris omnipotentis,
 Euecta est cuius trans ardua sidera longe

Gloria

Gloria, & aethereos axes; qui iustus ab alta
 Infonstem leuat, è terra: celsoque superbum
 Deturbat folio, regnū ne regnet auitis.

IDYLLIVM XXVI.

Rogat Deum, vt sibi ignoscat.

ME Domine exaudi, et faciem ne auerte, licet sim
 In tua tot merita in me iam collata, senectaq;
 Incolumem, lapsosque simul non turpiter annos
 Plenus & argento, & gemmis male gratus; amansq;
 Criminis, atque tui nimis immemor: vltima quando
 Non longe meta est vitæ, labentis & æui
 Terminus, in morem fluuij torrentis ab alto
 Vertice prærupti montis per leuia saxa.

Tu vero mihi parce Pater, mihi parce roganti,
 Et robur mihi da validum; ne lumina vultu
 Deiecto, & tristi claudam; condarq; sepulchro;
 Hasq; humiles terras anima indignante relinquam;
 Et ferar ad loca senta situ, loca mæsta tenebris
 Obsita, vbi nunquam lux vlla effulget, vt oris
 His superis; sed flamma rubet maleolentis Auerni.

IDYLLIVM XXVII.

Dicit se amare cælestia. terrena despicere.

VT ratis albentes tumidi maris acta per undas,
 Flamme & Aemonio Boreæ spirantis ab axe
 Fluctuat huc illuc; & rimis æquor apertis
 Accipit; haud sperans tantos se enadere fluctus

Posse

Posse maris . cum sit sine remige ; quæ cupit oram
Cernere litteream , & tuto se condere portu :

Sic egote cupio omnipotens ; nam tu mihi solus
Es Deus ; atque orans nullum te præter adoro.
Te noscant omnes gentes , quæ litus Eoæ ,
Hesperiumq; colunt , posita & sub sidere caneri.

Tuq; meas ne sperne preces ; nam corpus ab annis
Oppressum multis torpet , frigetq; senecta :
Nam senium antiquas vires effudit in auras :
Deficit atq; animi vigor , & mea lumina languent ;
Nox que mihi non grata ; oriens nec sidus ab oris
Auroræ nitidam ducens lucemque , diemque .

Et nec opes , natiq; placent ; non vnda clientum
Mane salutantum : chlamys & saturata veneno
Displicet Assyrio , sedesq; innixa columnis
Tænarûs ; thalamique auro ; postesque colore
Non vno picturati : quæ cuncta reliqui
Christe tuum ob nomen sanctû , et tua numina propter .
Nec cupio hanc vitam produci longius a te ;
Quæ mihi nunc superest ; modo sim post funera tecum
Sedibus æthereis cinis transcriptus Olympo .

IDYLLIVM XXVIII.

Deus non amat victimas , sed cor rectum.

S Parsa Deum Assyrijs non placat odoribus ara:
Victima nec ferro mactata in limine templi:
Nam nec eget tauris , cæso nec sanguine gaudet
Omnipotens : sua sunt nam cuncta animalia iure
Perpetuo , quæ vel frondes , vel gramina carpunt,
Quæque trahunt vitam rapto , squamosaque ponti

Proles

Proles; quæque natant magnum per inane volucres.

*Non etenim te reprehendet, si non sibi tauros
Obtulero cum sacra facis, lectasque bidentes.*

Falleris, hoc si forte putas: haurire cruorem

Non illi mos est ouium; dapibusque ferinis

Non vesci, aut alijs rebus compellit egestas;

Cum sit cunctarum rerum moderator, & vnus

Arbiter; atque etiam cali regnator, & orbis.

In rebus tu fige animum, mentemque, tuasque

Exerce vires, quæ possint tollere ad oras

Te superas, gratumque Deo te reddere in omne

Tempus, promissis que mane super omnia, quæ tu

Fecisti morbo implicitus, durisque periclis.

Atque libens cane vota Deo; & venerare parentē

Aeternum: sic victor eris tu denique, & altum

Aethera conscendes dignus caelestibus oris.

IDYLLIVM XXIX.

Precatur Deum, vt sibi faueat.

V*T vigil oppressus somno cum miles in arce*

Celsa agit excubias mterens; & bruma rigenti

Tecta gelu deformat agros, siluasque; vagumque

Danubium, quamvis rapido sit flumine, sistit:

Optat surgentis vaga lumina Solis, & ortum

Luciferi, & lucem, depulsa nocte, serenam:

Mandare vt possint sua corpora lassasopori.

Sic anima exoptat mea sese exsoluere curis

Vitæ huius; totamque ad te, Pater optime, mentem

Dirigere, & vanos hominum contemnere honores,

Diuitiasque, algam veluti, quæ pulsa profundo

Epele

*E pelago vi ventorum late occupat oram
Littoream, rapidis tantum ludibria ventis.*

*Non igitur metuum insidias, fraudesque malorum,
Tensa nec illorum metuum mihi retia: namque
Tu dominus, rectorque meus me pascis in altis
Vallibus altorum nemorum vaga flumina iuxta,
Et nitidos fontes, fundunt ubi mollia flores
Pascua odoratos, & odor gramini herbas;
Dasque tuum ob nomen vitam mihi, dasque salutem;
Iustitiaeque vias non falso tramite monstras
Ipse mihi; prius obliquos cum semita saltus
Deuia monstraret. quaeso, Mater alme, benigna
Aure preces audire meas digneris; & oro
Innocuam ut semper vitam hanc ego te duce ducam:
Adueniat donec nostrae meta ultima vitae.*

*Semper ades namque ipse bonis, nec linquis; at illi,
Cui mage praua placent, quam recta, inuoluis opacis
Iratu tenebris; ne Solis lumen, & auras
Respiciat; iaceatque situ, & pallentibus umbris.*

IDYLLIVM XXX.

Orat Deum, ut se adiuuet, malos perdat.

I*mpius, atque exlex, scelerique obnoxius arma
Nunc mouet infantes contra; nunc & parat illis
Insidias, captatque dolis, nec parcere nouit
Desertae dudum viduae, & genitore carentes,
Indigenasque minis vexat; gaudetque malorum
Fraudibus; inque suis exultat, & aethera tangit
Vertice, si quando cecidit nouus aduena ferro:
Atque suas maculare manus, suaque arma cruore*

Innocuo,

Innocuo, & semper sceleri scelus addere querit:

Deinde nefas dirum sub iniquo pectore voluit,

Et satur. Deus hac calo non spectat ab alto;

Non hominum res humanas intelligit, & non

Cogitat. ben deuinſte graui tua lumina ſomno

Quisquis es: euolue hac animo mea dicta parumper.

Qui fecit geminas cunctis mortalibus aures,

Auribus an ſurdus fuit ille? & lumen vtrumque

(Cruciantum ingens hominis) qui fecit, an ille

Lumina caca habuit? non certe; Nam Deus, ipſum

Qui calum, et terram, atque animalia cuncta creauit;

Omnia & exaudit vigilans, atque omnia cernit

Peruerſum omnipotens tua dextra euertat: eumq;

Iratus compeſce tuo de more ſurentem;

Et cadat in laqueos; nobis quos ille parauit

Impius, & ſclerum inuenitor; fruſtraque laborem

Se capere inſonnem, uanoque tumefcere faſtu

Se putet; et formatum hominem, in cineremq; reuerti,

Criminibus plenum innumeris, animique dolore.

Tu me igitur, Pater alme, tuo cum flamine ſancto

Reſpice, tendentem iam pridem ad curua ſeneſta

Tempora: & incolumem ſerua venientibus annis:

Ut poſſim canere aeterno tibi ſacra parenti.

Atque hanc vipeream prolem, prauosq; veluti vas

Fiſtile frange manu, demerganturque profundum

In pelagus, veluti lapis ingens lapſus ab alto

Vertice vicini montis, qui teque, tuosque

Calicolas ſpernunt, fiſta aut pietate colunt te

Infelix qui alijs sapit, sibi non sapit.

DI C qua mente audes magni enumerare parētis
Mandata, Abramidūq; simul rerū abdita vatū,
Et pactum, pepigit quod iam cum patribus olim,
Qui Solyma coluere demos, atq; oppida circum:
Cum tibi sint odio vitæ monumenta beate,
Quæ calî ad conuexa viam, & sublimia pandunt
Sidera: & interdum laudet cum perfida labris
Extremis tua lingua Deum, non mente, animoque:
Ut miles celebrans belli certamina, qui mox
Et pugnas fugit, & nunquam prorumpit in hostem:
Te iungis comitem furtis, cum nox ruit atra;
Et tegit æthereos tractus nigrantibus umbris:
Sollicitasque toros alios, iam factus adulter:
Nec parcis consanguineos tu ledere; nec non
Fœdere amicitie iunctum, impugnasq; tabellas
Pauperis heredis semper, quem diues in actis
Fecerat heredem fundi, rerumq; suarum:
Dasque operam infelix secretis artibus; & te
Possè putas res venturas predicere; vitæque
Exortes superas reuocare ad luminis oras.
Conueniunt tantum ista Deo; haud mortalibus ullis.

Hæc quia dum faceres siluit Deus: ipse putasti
Esse tui illum ipsum similem: ne crede: Deus nam
Ante oculos scelestis ista tuos, & crimina ponet:
Criminibusq; pares pœnas mox ipse rependet.
Ille igitur miser est, qui sacra volumina voluit,
Atq; palam docet, aut scriptis exponit, & illa
Non seruat: sterilem hic curuo proscindit arenam.

Vomere, & incautus mandat sua semina solis
 Alitibus: mandata prius cum fecerit ipse
 In terris Christus; sacri d' hinc semina verbi
 Seuerit in populos, diues quos paui Idume;
 Quique lenes hausere undas Iordanis amani.

IDYLLIVM XXXII.

Nunquam cessemus bene operari, & Deum
 laudare.

NOs, qui mortales cupimus conscendere cali
 Atria, caelestumq; domos habitare quietas,
 Frigoris, atq; aestus vacuas, & mortis acerba,
 Immunesq; metus: duros smitemur agrestes:
 Illi etenim exercent tauros, & sarra subactis
 Vomere committunt campis, alacresq; labori
 Non parcant; semperq; suis versantur in agris,
 Arida dum terra est; dum campis imminet imber.
 Et serere inuitant surgentia sidera fruges.
 Exercere iubet sic nos Pater aetheris, atq;
 Spargere per populos diuini semina verbi
 Atq; iuuare inopem, dum nos superamus, & aura
 Vescimur aetherea: debemus nostraque summo
 Reddere vota Patri, qui nos à morte reducet.
 In cali nitidas sedes: namque est bonus ille,
 Et pius, atq; agnoscit oues, quæ florea siluis
 Prata suis tondent: atq; ille agnoscitur illis.
 Concelebrent omnes Dominum, qui cerula verrunt
 Nauigis; quiq; arua colunt; quiq; arma sequuntur
 Tristia; quique regunt vrbes; & pastor in altis
 Qui pecudes siluis pascit, forteq; iuuenecor.

Et nos laudemus dominum, qui condidit orbem
 Terrarum, celiq; domos; & nos quoque limo
 Formauit proprijs manibus; nec finximus ipsi
 Nos ipsos: sumus illius sed origine ab ipsa
 Clarum opus atq; ideo dicemus carmine honorem,
 Dum licet, æterno Patri; quoniam niora mortis
 Terrificæ brevis est homini, propter mala multa,
 Et varios rerum euentus; quæ parcere nullus
 Nouit, & equali meretur lance colonos,
 Et reges: quanquam hi populi dominantur, & illi
 Rura habitent procul à rebus, populiq; tumultu.

IDYLLIVM XXXIII.

A bonis operibus non desistendum.

Respicias nunquam retro, captumq; reliquas
 Nunquā opus eueniant quāuis aduersa: vigil si
 Obserues mandata Dei, quem tu ipse potentem
 Omnia scis; qui te insidijs, manibusq; timentem
 Puerorum hominum eripiet. tu prouidus omnium
 Impendes curam, tibi ne contingat, ut olim uala
 Vxori Loth, arderent cum incenia, & omnis
 Vrbs Sodoma, circumq; vrbes, atq; oppida: quæ cum
 Incauta ad Sodomæ flammæ suæ lumina retro
 Vertexet; in statum salu est conuersa repente,
 Ob inssa æterni non obseruata parentis.
 Nos igitur, dum tempus adest, patiensq; laborum
 Est atas; semper fugiamus & ocia, inanes
 Et curas; Dominæque viam, monitusq; sequamur;
 Atque viam sceleris nunquam ingrediamur apertam;
 Humanæ genus ad tenebras quæ ducit Avernus.

Huius enim vita nobis adducere habenas.
 Et premere omnipotens dum celi carpimus auras
 Permisit Pater; atque dedit quæ continet ingens
 Oceani maris unda, solumque immobile dono.

IDYLLIVM XXXIV.

Infelicem illum, qui pauperi non subuenit.

Plecta aulaa tegunt muros, & mensa tapetis
 Effulget super impositis; & quos alit altus
 Alipedes Agragas ostro insternuntur, & auro;
 Atque ardent auro currus, equumque cæterum;
 Induiturque canis Tyrio Melitæus amictu,
 Non aptus defendere herum, non pellere fures;
 Deliciæ tantum domini, dominaque voluptas;
 Quæ tepida hunc mergit lymphæ, villosaque curas
 Corpora depectens, lotumque reponit ad ignem.
 Cum campos nix alta tegit, nec flumina possunt
 Ob glaciem concreta suos evolvere cursus;
 Atque eodem dormit strato, quo sedula coniux;
 Tantus amor canis est, tantæ est ea gloria curæ
 Stratus humi & nudus iacet ad tua limina pauper;
 Tuque salernæ bibis, dapibusque epularis ad ignem;
 Ille sitit frustra, atque ostia saxo,
 Nodoso aut pulsat baculo, frustra precatur
 Et nec habet capulis quæ dantur frustra, nec villas
 Divitis & mensa micæ miser ille cadentes.

Quin etiam toties multos tua ferra per annos
 Vidisti servata situ putrescere turpi,
 Quæ Prætor corrupta cauum proiecit in antrum
 Et merito, quoniam non es miseratus egenos.

Pallentes

Pallentes rabida ora fame: tuaque ordea ponti
 Progenies consumpsit edax, quæ tu ipse negasti
 Pauperibus, sociisque tuis. tu tartara adibus
 Impia, & inuisas cunctis mortalibus oras:
 Illi autem erherzas sedes, & amabile regnum
 Viscri Patrem æternum, rerumque parentem,

IDYLLIVM XXXV.

Non terrenis bonis fidendum, sed Deo.

E Latum ne tolle animus peccator; abundes
 Diuitijs licet Attalicis, deuictaque regnis
 Addideris noua regna tuis: nam cornua frangas
 Hæc tua sic sublata Deus, nec tangere celi
 Astra sinet; opere in medio sed inania linquet.
 Hæc tua vota miser: nam qui regit ætheris oras
 Imperium te maius habet: incertaque vita:
 Meta vetat certum nobis promittere tempus.

Spem si sors dederit tibi lata iuuenta tuis
 Rebus posse frui, & longum promiserit ævum,
 Et canos capiti: tu spes male cantus inanes,
 Et stolidus pascas: nam nos haud fidere rebus
 Possumus humanis, cito quæ labuntur, & vno
 Tramite se haud sistunt, nec certa in sede morantur:
 Præmia sed Christus quæ dat mortalibus, illa
 Sunt certa, æternumq; manent, dum viuimus, & post
 Funera nos fruimur calo tellure relicta.

Pauperis et quoniam clamorem haud accipis aures
 Intentas: cum tu implebis clamore frequenti
 Æthereas celi sedes: non clamor ad aures
 Perueniet Patris ille tuus, qui temperat axes
 Sidereos. Et mortales erit ille beatus

Ante alios etiam, qui non fastidit egentem
 Oppressum, immersumq; malis; sed subuenit omni
 Cura inopi rebus proprijs, tacitusq; laborem
 Non intermittit, nec opem negat ille supremam.
 Audiet hunc celi residens in vertice summo
 Christus, & attentas aduertet questibus aures.

IDYLLIVM XXXVI.

Extremi iudicij memores bene operemur.

INstigat dum te peccandi tetra libido:
 Ante oculos primum ipse tuos tibi pone tribunal,
 Quo Christus iudex in maiestate sedebit:
 Quem circum adstabunt trepida formidine gentes,
 Conspectu attonite illius, quæ littora seruant
 Oceani, & terra spatium diademate reges
 Deposito tristès ibunt: male parta relinques
 Dives avarus, & aurati laquearia tecti:
 Fascibus & positis ibunt longo ordine cines,
 Obliti quondam magni pia iussa parentis;

Atq; palam scelera illorum, & commissa patefcent
 Crimina: lucifuge adfistent, gens impia, fratres
 Sedibus athereis pulsi, præseque ferentes
 Obductos flammis vultus, & faucibus ignem
 Spirantes sument ob tanta piacula pœnas,
 Postquam damnati fuerint, & regna tenebunt
 Senta situ, & tenebris, æterna atq; obsita nocte.

Has cunctas superat pœnas, non cernere vultus
 Posse Patris, natique simul, & flaminis almi
 Posse nec æthereas celi conscendere sedes

Hos etiam insequitur miseros infamia, et ingens

Dedo.

Dedecus, opprobriumq; trahi cum ad tristia sese
 Tartara conspicient, barathriq; ad turbida regna,
 Regna scelestum hominum, nec non habitanda malignis
 Spiritibus, calî pulsîs de vertice quondam.
 Hunc timeas male caute diem; namq; ille silentem
 Sub noctem improviso aderit, tacitus veluti sur.
 Tu vigila, & totis adnitere viribus; & te
 Collige; & has vanas mundi spes temne: tuasq;
 Sponie voluptates duris compeſce lupatis.

IDYLLIUM XXXVII.

Nō inuidendum diuitibus, & laute viuētibus.

E S S E aliquem tumidum multis præcordia fundis.
 Fulgentemue auro uestes, generiq; sonantem
 Nōmina clara sui non admirabere; nec tu
 Inuideas: nam non aurum, aut res parua sub armis.
 Gloriæ morientem illum comitabitur; atq;
 Inuisas homini sedes, umbrasq; petentem
 Tartareas: namq; ille domos, promissaque regna
 Oblitus Patris æterni, sibi vixit, & omne
 Aeuum consumpsit luxu, rebusque secundis;
 Et pecudum in morem iucunda per otia duxit
 Aetatem; similemq; illis se fecit in ipso
 Interitu; vitæque. Meos tu dirige gressus
 Per calles, Pater alme, tuos: tu certa salutis
 Es via, spesq; mea es solus: precor ablue sordes,
 In quas non unquam ipse, tua pietate, relabar.

IDYLLIVM XXXVIII.

Malorum, simul & iustorum mores describit.

SQualida ne tua sit facies, ieiunia dum tu
 Observas, claususque tuo interiore cubili
 Orabis: quoties & tu succurris egeno;
 Quid faciat tua dextra ignoret lana: secus si
 Quis faciet; Deus ipse alio sua lumina vertet.
 Et merito; quoniam gaudet popularibus auris.
 Et quia mercedem tulit hic, ne speret olympi
 Scandere regna poli, sedes nec adire beatas.

Va quibus illecebra placuere, atque otia tantum,
 Insidie, fraudes, & non concessa voluptas,
 Quae sola est genitrix, cunctorum atque esca malorum;
 Incertique aleae iactus, pictaque tabella
 Euentus: & qui ludens verba impia fundit
 In Christi intactam matrem, superosque, Deumque,
 Aethereas quae non sperent conscendere sedes.

Vir iustus lucro semper proponet honestum,
 Rectus & in dubijs rebus, pariterque secundis,
 Reicietque alto vultu data dona nocentum,
 Flagitiumque magis, quam mortem horrebit acerbam.

Ille etiam montem domini conscendet, ibique
 Fronde gradum sistet laeta, qui sanguine dextram
 Non tinxit, nocuit ve inopi, nec mente reuoluit
 Res vanas, odit ve bonos, scelerisue nefandi
 Consciens in fraudem vicini iurat amici.

Quique suum responsorem non fallit, itemquo
 Irrita qui nunquam fecit sua verba petenti.

Inuehitur in poetas impios.

AH quantū miser ille, placet cui carmina tantū
Turpia, quiq; canūt tot furta inhonesta deorū,
Et versa in varias illorum corpora formas;
Inter se & tantas animis discordibus iras.
Hæc Teucus fauet, hæc Danaïs; cum turpibus ipse
Turpis agit superis conuiuiis Iuppiter alto,
Et spectat pugnas bellantium, atque arma cruore
Sparsa hominum: dolet atque animo Sarpedona leto
Eripere haud potuisse: dolet quod dura resistent
Fata suis desiderijs: tu conspice qualis
Sit deus hic, sibi quem finxit gens prisca supremum.

Vt tegeret natum bello Venus ipsa cruore
Tincta manum longe illacrymat: gemuitque Gradivus
Bellorum deus hostili percussus ab hasta:
Opis & Aruntem Latijs prostravit in aruis,
Et falsi fugere dei, cum tristia bella
Inferrent superis Phlegrae in valle gigantes.

Atque satus Flora, & Zephyro, & puer Iliæ proles
Astragalus calo ludunt: tribuistis honores
Diuiuos, & thura viris Panchæa distis,
Debita dona Deo vero, haud mortalibus ullis.

Vos quondam egregij vates, & nunc quoque vates
Egregij, quorum sunt condita corpora saxis;
Cum vos nunc habeant iam tartara, dicite magni
Graingene, an sit ibi Ditis Proserpina coniux,
Infernaque domus regina, & Cerberus ore
Horrendum resonet durissima regna trisanci;
Sint & Aloïda, Briareus, ac mille ferarum

Mōstra; et an ille senex animas trans flumina Charon
 Portet adhuc stygia cymba; vel crimina Minos,
 Et vitas hominum discat; saxumque reuoluat
 Sisyphus; an ne etiam nunc lumine vestiāt aether
 Purpureo Elysij campos; vbi laeta iuuentus,
 Atque alij Heroes sulua luctantur arena,
 Aut faciles ducunt choreas, & membra palestra
 Exercent persusa oleo; Eridanisque per altas
 Depascuntur equi siluas ad lata fluentia.

Nunc vos aspicere hōid cali coimexa potestis,
 Caluolūmque domos, summi & Patris ardua lecta,
 Dammati aternis tenebris ob conscia falsi
 Pectora, & inferias tot vestra in carmina nugas.
 Ah miseri vates, & nescia pectora verum
 Dicere: vos sedes tenebrosa incingit Auerni
 Horrentis, toties vestris celebrata camænis:
 Nunc vana inspicitis sint vestra poemata quantum;
 Falsa ausi vestris intexere numina chartis.

Vos Patris aterni sedem, requiemque bonorum
 Fecistis turpe hospitium obscænumque lupanar;
 Et totum implestis varijs erroribus orbem.

Omnia quæ falso vates cecinere Pelasgi;
 Atque nouos finxere deos; hominesque nefandos,
 Et regno tumidos, quorum suis impia vita,
 Proh scelus, hōs dixere deos, caloque locarunt
 Ludigetes, arasque illis posuere per orbem.

IDYLLIVM XL.

Precemur Deū; ut nos à Turcarū classe tueat.

V Nanimes Patrem æternum nos rite precemur,
 Ut velit à nostris cervicibus ipse malorum
 Tantorum molem immensam depellere, quæ nos
 Deprimit incumbens humeris, vos cernite ut hostis
 Mille trophæa suis lætis successibus addat;
 Seu campi sese credit, pelagovè patenti:
 Threicius nam miles arat iam classe profundum,
 Et petit Hadriacas ratibus victricibus undas;
 Et dirum fert exitum, & bella impia secum.

IDYLLIVM XLI.

Felix qui iustitiam colit, & pietatem amat.

O Nimum felix, nec non sine fine beatus,
 Qui sine labe agitatur ævū, sine fraude, doloque,
 Qui loquitur quod sentit idem, iustique, bonique
 Cultor, & in rebus cunctis studiosus honesti,
 Contemptorque sui. quantum sit diuile censu,
 Atque referre queat proavos, & clara suorum
 Nomina, & illustri deductam sanguine gentem.

Gratus & ille. Deo est, qui cum committere posset
 Crimina consiliumque sequi, pravosque malorum
 Conuentus, sese abstinuit, voluitque bonorum
 Ire viam, pœna haud barathri perterritus ulla,
 Non graue supplicium metuens; sed amore parentis
 Aeterni tantam, penetrare hic atria celi,
 Atque beatorum speret iam candidus oras.

IDYL.

Naufragium imprecatur Turcarum classi.

Alme Pater miserere Italum atq; auerte furcū
 Arcibus Auscūis vna cum milite fauo
 Turcarum regem, iam nunc maria aspera celo
 Miscentem, & portus armata classe petentem
 Hesperios sub vere novo, qui perdere ferro
 Nos quaerit, terrasque tuas, extremaque regna
 Insequitur: rapido immergat tua dextera classem
 Ismariam pelago, cum primum littora linquet,
 Insonat angusta qua Bosphorus horriser vnda;
 Fictilis vna velut delapsa ē culmū tecti
 Saxa super; sic illa canis impulsa cauernis
 Spumantes scopulos inter frangatur, & vndas.

IDYLLIVM XLIII.

Piorum animabus bene precatur.

Mortales qui dum fragilis hac vita manebat
 Te solum coluere Deum, semperque vocarunt
 Auxilio in rebus dubijs, senisque periculis
 Horum animas pietate tua, sator optime rerum,
 Sidereas supra sedes, qua fulget Olympi
 Regia, duc tecum, & tua statione reponē

Deum, quem omnes beati laudant, orat, ut
Turcas perdat.

Quem nos esse Patrē haud genitū, et sine fine fate
Et sine principio quē nos et credim⁹ ipsum (mir,
Illū ipsum ē nihilo terras fecisse; fretumque;
Et celum, calique domos, hominesque, ferasque:
Quo sine nec folia vlla cadunt: nos respice ab alta
Sede Pater; ubi te assidua celebrantque, canuntque
Laude acies iuuenum, aligerum, vatūque piorum,
Incaluere Deo quorum sacra pectora; & illi
Te laudant; quorum insonuit terraque; marique
Vox, qua Sol oritur, & qua decedit; & altum
Aethera; terrarūq; orbem sine luce relinquit:

Quique etiam effuso mernerunt sanguine palmam,
Et muliebri genus, cuius fuit inclyta cordi
Virginitas, & amor, & mens imbuta pudore,
Virginis chorus est superis gratissimus, atque
Celestium regi, cuius caput est pia Virgo,
Qua Christus nasci voluit: felixq; erit ille,
Qui mundi illecebras spernit, illasque perosus
Contendit sædo nunquam se subdere amori.

Atque tibi equalem natum, verumque perenni
Laude canunt: nec laude tuus sanctus sine magna est
Spiritus. Ad dextram sed tu dum Christe parentis
Aeterni venerande sedes, nos tu quoque ab alto
Respicias, pretio ipse tui quos sanguinis olim
Emisti; facilemq; manum ne subtrahes nobis
Consuetam ferre auxilium: nam cernis Olympi
Alta sede sedens, in nos quæ nunc serus arma

Impia Turca paret miseros terraque, marique:
Quasque Asia vires secum vehat, & vocet omnes
Thessaliae populos, Thracumque in bella catervas,
Littora quae servant rapidi maris Hellespenti.

Hic dirum fert exitium, & bella horrida secum;
Armorum sonitus, belli & furor in crepat omnis.
Hunc tumidis, Pater alme, immerge in fluctibus hoste;
Haud secus ac regem Aegypti, dum per freta gentem
Ille tuam ferroque petit, cursuq; fatigat.

Respice nos pressos tantorum mole malorum:
Namq; erimus sine te, tanquam ratis acta per aquor
Turbine, & horrifoni ventis, piceaque procella;
Nempe tuam imploramus opem; velut arida longo
Tempore terra solet, quam deseruere cadentes
Nubibus è nigris imbres, quae mæsta notosque
Imbriferos sicco ore vocat, dum cernit aperta
Trata per arentes herbas, sua pignora quondam.

Te freis in te uno spem nostram figimus omnem;
Te nostras audire preces, te nota precamur;
Desere tantarum ne nos in turbine rerum;
Atque inter sani sinesta pericula belli:
Sit satis immitem toties egisse triumphos;
Nec semel (heu) nostras vrbes vexasse nefandis
Excidij, & victorem spolia ampla tulisse.

IDYLLIVM XLV.

Vinea sterilis à domino deferetur.

Vinea cum domini bene culta, & septa virenti
Sepe foret, et structa domus de ma more vino:
Colaue, & eduro confecta è stipis prela:

Cum

Cum mites vvas debet at ferre ; labruscas
 Immites ingrata tulit . Tunc pectus amara .
 Accensus ira Dominus , quid fecerit illi
 Nunc audi : rigido rusco , densisque ligustris ,
 Vepribus & sepem intextam ; munimen a totumnes
 Armenti ingressus auidi , surumque , serarumque
 Euellet , ruet atque domos sublimis ab alto .
 Culmine ; & è terra surgentes atteret herbas .

Vinea & infelix non salce putabitur unquam
 Tam dilecta olim Domino : non amplius illam
 Agricola adiungent ulmis , sarcirene sepem :
 Cura erit , & nullo pubescet vinea factu ;
 Et circum arescent ulmi ; capraeque licebit
 Reddere tunc illam sterilem : solersque colonus
 Non glebas franget ferro : non frondibus idem
 Icarj vites stella exoriente leuabit .
 Illudentque illi vacca , taurique , gregesque :
 Atque nocens circum taxus consurget , & asper
 Carduus ; & dura reuirescent undique sentes .

Non hadis cadet è caelo surgentibus imber :
 Non gelidus super arentes ros decidet herbas .
 Cumque hiemi ver imbriferum succedet : & illi
 Succedet frondosa aestas , gravidusque autumnus
 Aestati ; paliurum inter , herbasque nocentes ,
 Lappasque , horrentesque rubos deserta iacebit .

Quisquis non surdas habet aures , audiat , omniq.
 Intendat studio , curaque , acrique labore ;
 Ut commissa sibi sit vinea culca , labruscasque
 Haud serat , at dulces letis cum frondibus vvas :
 Nec desint liquidi fontes , sugiensur per alia
 Gramina riuus aqua calo cum Sirius ardet :
 Nec ualidis parcat rastris , cum sidera poscunt .

F I N I S .

Series Chartarum.

† A B C D E F G H.

Omnia sunt integra folia,



R O M Æ,

**Apud Hæredes Antonij Bladij Im-
pressores Camérales. 1577.**

